



# 東方雜誌

期九第 卷二第



一本雜誌零售每册大洋銀二角五分預定全年十二册大洋銀二圓五角本埠外埠外國一律郵費詳後

二郵局新章見第二期本加增報紙寄費輪船火車直達之處為口岸如購一册郵費伍分全年伍角日本同輪船火車

未能直達之處為腹地惟郵局新定章程如行小輪之處除每日開行者即以未能直達之處論每購一册郵費壹角伍分全年壹圓伍角外國同至未

通郵政之處民局寄費閱者自給

三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止

四在總發行所定購者本埠按期派送不取酒資

五凡一人定購五份寄送一處者照價九折拾份者八折

六在總發行所定購者如遷徙他處務託安人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄

七總發行所按期寄送以郵局民局回單為憑中途遺失閱者自理

八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算除二折作為酬勞惟至少以五份起碼代售至二百五十份者七折五百份者七折七百五十份者六折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣

一代理處收到資費即寄總發行所如定購者不將資費照章寄足照第三條辦理至代售處遺人送報不得另索酒資

一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局  
有正書局 保定府官書局 長沙集益書社 常德啓智書局 武昌文明書局 中東書社 新政書局 漢口  
商務印書分館 江左漢記 廣東開新書報公司 聖教書樓 英文書莊 南昌廣智書莊 南京明達書莊  
中西書局 杭州崇實齋 採辦書報處 蘇州開智書室 日本東京金港堂書店

# 東方雜誌第九期目錄

## 圖畫

雲南昭通府繩橋

西藏繩橋

美總統華盛頓

法皇拿破崙第一

## 社說

選論附

論日勝俄後列強於亞東之現象 本社撰稿 翰宮

論殖民政策 本社撰稿 時造

論文明潮流之循環 錄乙巳第五號之原稿

日本掌握亞東全部之霸權 錄乙巳六月初六日蘇報新聞

論今年之多事 錄乙巳六月初八日中外日報

論中國民氣之可用 錄乙巳六月十三日時報

論中國前途之可危 錄乙巳六月二十日時報

諭旨 六月二十一日至七月十六日

目錄

## 內務

立憲淺說 錄乙巳六月初九日中外日報

讀十四日 上諭書後 錄乙巳六月十六日時報

政務廳議覆改定刑律案摺

刑部奏遵 旨酌籌經費擬請將州縣自理刑名案內

管杖改為罰金一項酌提解部摺

直隸總督袁奏實缺州縣應先赴日本游歷三月然後

赴任片

## 軍事

論軍世界之人格 錄乙巳七月初六日南洋日日官報

論分地徵兵之舉非現在所可行 錄乙巳七月初八日中外日報

湖南巡撫端奏金獲會匪渠魁審明懲辦隨案保獎摺

湖南巡撫端奏湘西防務情形片

兩湖總督張札營務處改編營制文

北洋陸軍衛生防疫章程

北洋醫院預擬設立戰地醫院章程

一

乙巳

北洋醫院預擬征戰時辦理醫務章程  
新定北洋督練處薪公餉項章程

各省軍本紀要

日俄戰事紀要

廣東第二輯

中法鐵路

勸業司局

日輪運軍

俄軍戰報

各國軍事紀要

### 教育

普通學校宜兼課兵學說 錄乙巳六月十一日大公報

脫報 錄乙巳七月二十四日南方報

署兩江總督周奏選派員匠分赴英德各廠學習製造  
以裕軍械摺

山西巡撫張奏籌款開辦師範學堂先授簡易科摺

署兩廣總督岑等會奏籌設廣東遊藝學校預備科造就高  
等師範摺

陝甘總督岑奏甘肅文武學堂籌辦就緒酌擬章程請  
飭部立案摺

署貴州巡撫林奏開辦震桑學堂請 飭部立案摺

學務大臣奏據編書局監督編成彙王志例目擬通飭  
編輯片

署兩江總督周請派學生赴奧學習武備片

湖南熊廉常希飭上前湖南巡撫端推廣實業學堂辦  
法說帖

湖南蒙養院教課說略

各省教育彙誌

各省游學彙誌

各省報界彙誌

僑民與學彙誌

### 財政

論滿洲稅則之沿革 日本明治三十二年五月十六日  
民新報 本社編輯

論中國今日改革鹽政 錄乙巳五月十九日時報

戶部奏請限制各省鼓鑄銅圓整齊幣制片



戶部奏查驗捐生加捐執照辦法片

光緒三十年分春季各海關收稅表

鑄銅圓本利簡明表 錄中華報

各省理財彙誌

各國財政彙誌

### 實業

論中國物產 錄第五十二期商務報

外務部奏改定華英公司合辦四川江北應煤鐵礦合同摺

商部奏候補京堂陳呈請於川省廣興各項實業摺

翰林院撰文與奏罪犯習藝所新章請責成各省府州縣一律分設摺

聖憲大臣綏遠城將軍貽奏擬請變通杭錦旗墾地原定租章摺

陝西巡撫夏奏陝西工廠試辦有效擬即購機建廠漸次擴充摺

商部奏招商設立京師火柴公司並撥助官本片

江蘇徐州道袁東辦徐州實業會社章程

目錄

直隸臨城礦務局與比國公司訂正借款合同

豫南礦務華實公司招股章程

江皖贛查礦總局雇用日本礦師合同

各省農桑彙誌

各省工藝彙誌

各省礦務彙誌

各省漁業彙誌

### 商務

論商人須習地理 錄第四十七期商務報

青美洲學報實業界記散魯伊斯博覽會中國入賽情形後 錄乙巳第十一期外支報

外務部商部會奏議覆雲貴總督請在雲南省城開設商埠摺

商部奏整頓商務請 旨通飭各省清理詞訟嚴禁需索摺

直隸總督袁飭津海關道曉諭洋商入內地買貨驗明單貨相符方准換給運照札

總稅務司赫申呈商部查考貿易請飭提倡文

三

乙巳

小說  
雜俎  
叢談

比國賽會誌異

僑民商業

各省商務彙誌

福建洋務局移知各局不准洋商在內地開設行棧文


目 錄



四

九月

雲南昭通府繩橋




西 藏 繩 橋






頓 盛 華 統 總 美





一 第 崙 破 拿 皇 法



商務印書館出版  
日俄戰紀

夜偵察敵狀圖○俄國普魯巴金晤吉林將軍圖○俄國關東軍團司令本部○  
俄國旅順守備兵第十一聯隊兵營並海兵團○俄屬西伯利亞布拉郭什臣斯  
克曉景

第八册●日本土村中將瞭望海參崴俄艦圖○俄將司廓理羅甫出海探敵圖  
○俄司廓理羅甫艦隊攻擊日本商船圖○俄艦長與日本大尉在烟臺互毆落  
水圖○海參崴港俄艦停泊情形○停泊海參崴俄艦(播戛禿艦格期保艦露  
西亞艦路利克艦)

第九册●日俄兩軍金州大戰圖○其一○其二○其三○俄軍自九連城退入鳳凰城  
圖○俄內務大臣(柏來維)小像○柏來維被殺時所乘車圖○瓦稍旅邸前柏  
來維被殺情形

第十册●日本看護婦會長錫島侯爵夫人小像○日本婦團隊歡迎麥基夫人  
圖○日本紅十字看護婦會員練習綳帶圖○俄苦魯巴金率眾臨陣圖○俄逃  
艦阿斯哥及格羅蘇堡○俄逃艦阿斯哥左右舷損傷圖

第十一册●老鐵山圖○黃金角圖○日本東鄉司令官督兵備攻旅順圖○旅  
順新舊市街中間之孫家溝○日本前駐俄國公使(栗野慎一郎)○俄國前駐  
日本公使(羅善)○俄太弟(密喀爾)

第十二册●奉天鐵嶺附近詳圖○日軍登山進攻遼陽圖○日本橫須賀船塢  
○旅順全景○貝加爾湖○松花江岸○齊齊哈爾○俄國旅順船塢

商 務 印 書 館 出 版  
日 俄 戰 紀

- 令長官(馬克羅甫)○俄旅順艦隊司令官(斯他司爾)○俄國哥薩克騎兵
- 第三册●鴨綠江戰地圖○日本旅順海戰司令官(梨羽時起、細谷資民、東鄉正路)○日本艦隊在佐世保軍港敗行圖○日本魚雷艇隊第二次攻擊旅順圖○日兵放魚雷攻擊俄艦圖○俄太平洋海軍司令長官(司廓理羅甫)○俄陸軍大臣(塞喀羅甫)
- 第四册●日本三艦長(中尾雄、加藤友三郎、山田彥八)○日本步兵戰圖○日本砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順砲臺禦敵圖○
- 第五册●日本三親王(依仁親王、菊麿王、博恭王)○日本砲兵鴨綠江激戰圖○日本堵塞旅順沈船情形○俄將苦魯巴金巡視旅順砲臺圖○俄將苦魯巴金巡視海參崴砲臺圖○俄戰艦彼得羅帕阿司克艦長(察科威列夫)○旅順第七戰被毀之俄戰艦彼得羅帕阿司克○俄戰艦彼得羅帕阿司克中雷沈沒圖
- 第六册●日本第十二師團長(井上光)○第三旅團長(木越少將)○第十二旅團長(佐佐木少將)○日本接應陸軍艦隊司令官(細谷少將)○裝砲汽艇司令官(關少將)○摩耶艦及艦長中川中佐○日本堵塞旅順口船員移乘小艇圖○日本堵塞旅順隊歸陣圖○俄國海軍大臣(阿韋蘭)○俄國道路大臣(喜勒廓甫)
- 第七册●日本皇太子○日本威仁親王○日本載仁親王○日本騎兵斥候乘

## 社說

遠論附

論日勝俄後列強於亞東之現象 本社撰稿

翰富

偉矣哉。鐵血主義之能左右世界也。今者日勝俄敗。戰局將終。向時黃白優劣之說。不足復信。太平洋日本海之間。驟闢一新天地也。戢列強鷹麟鸚視之態。紆華族豆剖瓜分之禍。當此之時。正我中國四萬萬人投袂奮起。力圖自強之日也。此後亞東現象。有可豫計其必然者。請備言之。

一曰。俄於三十年中。不敢萌其故智也。俄自世守大彼得遺囑以來。無日不處心積慮。爲席捲亞東之計。至今皇尼古拉士第二。見中國國力日衰。不難遽償其大欲。於是狡焉思啓。旁若無人。築西伯利鐵道。營哈爾濱市場。規畫旅順軍塢。添設東方艦隊。糜財各以億萬計。不幸見梗於日。師徒撓敗。而此數事者。如河決沙飛。蕩析而不可收拾。加以軍旅運費之浩大。賠款損失之豫計。民間蓋藏如洗。巴黎銀行債票山積。俄欲回復元氣。求如未戰時之現象。且渺不可得。況欲恢其勢力。復與東亞爭衡哉。故此後哥殺克馬蹄。必不敢南向而蹂躪其情事。可斷言也。

社說

二百六十九

乙巳

一曰強俄既傾。德法亦斂甲韜。不敢用其勢力以壓黃族也。法之據越南。德之據膠灣也。皆恃斯拉夫族東侵之力。連衡以分其餘潤。自旅順之俄艦滅。德法已懼勢孤力薄。不能與日爭衡。蓋二國東方水師。向時合計。尙不及俄人之半。及對馬島一戰。盡覆波羅的海之艦隊。爲全球空前絕後之大海戰。雖歐洲至強之海軍。亦聞而惕然有戒心。況二國少數艦隊。潛伏軍港。自爲守禦之不暇。尙敢輕用其鋒哉。然則法人雖有下川滇。取兩廣之野心。我苟不予以可乘之間。彼必不敢貿然而來。德人雄心遠略。海外殖民地最少。國中膨脹力最大。其必擴張軍備。以與東亞角逐。事勢顯然。顧其艦隊尙不及十萬噸。日人百戰之餘。現有之勢力。覆壓之。已有餘裕。縱其艦數日有增加。而和議既定。日人必更擴張海權。以與英倫東西對峙。德與法雖合力以抗日。而主客異勢。勞逸殊情。其不能必操勝算者。又事之易料者也。

一曰英美注意商務。不肯無端啟釁。以亂東亞之和平也。英之與日聯盟也。非真與日昵。不過懼印度勢孤。欲借日軍以挫俄人之銳。一旦軍鋒所指。海陸全勝。黃種能力。竟駕白人而上之。亦英初時所不料。加以黃禍之說。日騰於耳。其向日親日之心。安知不變而爲忌日。然其屬地。徧於全球。一節失敗。全體俱解。苟非實有侵其權力之事。其不願輕於用武。以損失。



威。望。灼。然。可。知。況。與。日。人。持。裳。聯。襟。新。握。手。以。登。壇。坫。於。表。面。上。豈。能。驟。變。其。形。色。此。英。國。近。日。之。情。事。也。若。夫。美。自。麥。荊。來。後。變。孟。祿。主。義。恢。張。軍。備。略。古。巴。割。菲。律。賓。儼。然。有。為。太。平。洋。主。人。翁。之。意。顧。捲。甲。東。來。尙。須。時。日。計。其。羽。毛。豐。滿。之。時。日。人。國。力。已。舒。東。洋。鞏。固。偉。大。之。基。已。成。力。能。顧。大。陸。之。全。局。禁。外。人。之。窺。伺。縱。老。大。帝。國。割。惟。其。所。命。而。強。有。力。者。踞。坐。其。旁。其。必。欲。干。涉。不。肯。作。壁上。觀。者。美。人。又。思。之。甚。審。未。肯。輕。犯。其。鋒。也。

若。日。人。之。於。今。日。雖。已。遂。雄。飛。東。亞。之。志。而。滿。洲。役。後。丁。壯。苦。軍。旅。老。弱。困。轉。輸。舉。國。士。下。皆。思。休。息。以。復。既。罷。之。元。氣。苟。非。大。不。得。已。之。事。此。數。年。中。必。不。願。再。見。戎。衣。以。竭。國。力。其。於。中。國。也。非。不。欲。如。韓。之。歸。其。保。護。而。為。列。強。所。挾。持。則。不。得。不。還。復。其。國。權。存。留。其。地。圖。上。之。顏。色。且。以。孤。立。東。洋。之。故。必。將。開。通。此。龐。然。大。陸。使。之。日。進。文。明。以。禦。歐。力。東。漸。之。勢。此。日。人。之。用。心。也。若。我。中。國。固。惟。強。是。從。素。有。依。賴。之。性。質。者。也。曩。時。見。俄。強。大。之。勢。達。官。貴。人。揚。於。威。喝。昭。於。厚。利。皆。惟。俄。言。是。聽。雖。明。知。欺。詐。而。亦。甘。受。其。愚。今。見。日。本。百。戰。百。勝。俄。人。之。威。勢。一。日。掃。地。以。盡。遂。變。其。向。時。倚。俄。之。心。轉。而。向。日。其。初。不。過。學。界。風。氣。如。潮。流。波。捲。翻。然。一。變。其。故。態。今。日。政。界。諸。公。亦。恍。然。知。舊。義。之。不。可。再。守。新。政。之。足。以。圖。強。屢。屢。乎。有。舉。國。相。從。之。象。不。見。夫。近。之。迭。派。游。學。改。革。刑。律。致。察。憲。法。向。以。舉。行。新。政。為。酬。應。外。

人粉飾耳目之具者。近則變爲實行主義。事事將攷其成也。則我受善鄰之警覺。或則與日並興。兩黃種相維相繫。併力以抵白人之侵侮。未可知也。嗚呼。列強之在東亞。雖皆握有勢力。若在今時。固連雞不得俱飛之候也。我中國於此。安可坐失時機。而猶粉飾太平。爲得過且過之計耶。

論殖民政策 本社撰稿

時造

近世哲學家之言曰。天演公理。適者生存。驟繹之。義至精確者也。雖然。吾疑焉。夫所謂適者。天之適耶。人事勝之適耶。生存者。據已然之迹耶。抑造其因而逆決其果耶。且烏知非假適以求生存。既生存而諛之以適耶。又烏知彼所謂適。強不適人之所適。以便其生存。或暫得所適。日幸人之不適。而詭然以生存自命耶。孰愚孰弱。孰智孰強。具有其由。言之且長。而曰適也。適也是妙。其語言以鬻其伎者也。天之驕子。戕人子以成其驕。世之偉人。奪人食以養其偉。大爭小殺。一髮勝則千鈞懸。足己畜人。最甚而爲天下雄。議其後者。諡之以天演公理。嗚呼。斯歐美人所以挾至慘極酷之殖民政策。役其人。占其產。奪其生命。巨慙滔天。訟而得直。哲學家爲之揭爰。書曰。適者固宜爾也。然則公理在是矣。

殖民政策之要旨二。一擴張己之權利。二限制人之權利。二者一也。將欲足己。必先畜人。故

十九世紀之非澳南洋各島。三易其主。而新世界土著。竄荒匿谷。且絕其種。雖欲安食其農產物。保其家室之樂。又烏可得。自美創獨立。脫英羈絆。而萬國商會之趨點。與日耳曼帝國主義之政略。風潮日注於太平洋。率以中國海爲其旋渦。西葡之力寢衰。英德等之勢力益盛。深入揚子江珠江之流域。而殖民之猛進。厥效大著。美懲諸國之壓制屬地。以和平示全球。激於大勢。一變爲孟祿主義。謂美國人之美國。絕他國之同享利益。再變爲帝國主義。攫呂宋蘇祿。立東方根據地。而殖民政策之酷烈。遂無一強國不奉爲至尊無上之要典。日特其政治法律物質工藝之能力。與東方諸國競。東方諸國。皆失其治外法權。而適於天演適於公理之說。非特騰躍於彼腦中。浸淫洋溢於彼之耳目。且使東方諸國。亦若自愧不如。不得比天驕之毫末。而能殖民與否。遂爲世界人種優劣之第一關鍵。

華人以無殖民政策聞於世。然遷居南洋各島。及新舊金山者。不下數十百萬人。獨非殖民乎。惟無國力之保護。法律之裁制。致爲外人所輕視。澳洲之禁華人往者。已見於十餘年前。而近年美人。乃用酷虐之法。重困華工。致今日華商以不用美貨。要之毀約。而歐人猶微辭譏刺。以抵制爲不然者。如某西報不以不豈中國種族天然不適於生存。而於公理上。可驅之逐之。魚肉之。使永不反抗乎。華人徒以政體之殊異。民情之渙散。使勤儉耐苦靈捷勇健。

之。性。質。失。其。所。用。內。失。自。治。力。土。地。政。事。之。權。已。殘。缺。不。完。而。欲。外。恢。控。馭。抵。制。之。方。爭。國。體。高。人。格。作。平。等。之。優。待。其。不。可。得。也。宜。矣。且。希。臘。文。學。肇。祖。之。邦。也。而。一。見。蠶。食。於。土。耳。其。再。見。保。護。於。諸。大。國。然。猶。謂。國。權。未。墜。也。猶。太。教。宗。發。祥。之。區。也。戕。於。俄。土。民。散。四。方。商。業。往。往。富。厚。而。羈。旅。傷。情。卒。不。得。享。有。國。之。樂。然。猶。謂。教。派。流。傳。也。波。蘭。印。度。強。大。有。武。功。之。國。也。俄。墟。其。社。英。易。其。主。各。驅。其。人。民。以。役。賤。役。若。此。數。國。者。地。雖。不。遠。中。國。而。歷。史。之。名。譽。未。嘗。不。相。次。第。也。而。願。援。殖。民。之。例。凡。野。蠻。境。地。得。取。而。代。治。之。乎。然。則。可。知。殖。民。政。策。行。而。公。理。爲。筌。躑。矣。殖。民。政。策。行。於。太。平。洋。而。中。國。爲。矢。的。矣。今。欲。救。之。則。非。求。彼。之。所。謂。適。於。生。存。者。不。可。

研十九世紀之往迹。挈二十世紀之現勢。若何而適哉。亦惟曰。國力之保護。法律之裁制而已。苟強國力。則必思善政體。厚兵備。擴交通之路。研經濟用財之法。國體既變。民氣斯張。而外人始不敢侮。競爭之力。得以實行。苟講法律。則必多學問。有政治思想。內足以地方自治。外足以商律代國際之交涉。而外人始無可侮。權利之失者。得以挽回。如是則國土有主權。不致蹈非澳土著之覆轍。殖民有實力。亦無美人苛禁之恥辱。我不授人以不適之柄。故強權詘而公理伸。

日本。東方小國也。擧見播於公理。而爭之以鐵血。其居留外埠者。各國之接待。亦既右日而左華。遇彼不如法。則以全力爭之。而華工則加值減時不遂。力能罷工而已。猶時時逼壓之。而政府若無睹也。均此種族。而視之者歧。所謂人事勝之適耶。抑造其因而逆決其果耶。況英美人之始蒞澳美也。非猶夫我新舊金山之華民耶。新舊金山之華民。非猶夫留華之各國商民耶。而利害苦樂。懸殊若彼。強弱之故。亦既怵目痛心。美人財產生殖之饒厚。皆輕擲華人之血汗筋力。而為彼易之。彼非特不感。且視若糞土。彼之意曰。此不適於生存者。可蹴踏而蹂躪之。無罪也。華人思之。將謂彼不文明耶。彼固守天演之公理。將謂彼文明耶。彼解天演之公理。乃如此也。烏虜。我國人殆勿思而已。彼蓋以酷虐國衰之民。為盡天職。為適己之生存。故檀香山之街可焚。而登岸之木屋可拘。所謂強不適人之所適。以便其生存也。南北花旗之戰。數十年來耳。彼辛苦斬艾。闢土於此。與華民同耳。已幸得當。而遂絕人之問津。華工之不適。彼固禱祝而願之也。女無美惡。入宮見妬。華盛頓之宮。如其不易入。而坦然解嘲曰。適與否異也。哲家所言。貽害其不辭哉。蓋美人者。不竭用其孟祿主義不止也。所謂暫得所適。日幸人不適。詭然自負者耶。

孟祿主義者。美國之土地人民主權。永保守之。絕人覬覦。而非若中國古昔之閉關絕市。不



許人往者也。而獨不許華工往。忌華工能奪其利耳。既能奪其利。其非不適生存者可知。所以難言者。徒強權之未伸。即國力保護法律。裁制有所未至也。而美人實藉是以爲拒之有詞。微獨不吞公理。且不盡符其主義。而世固莫議其非。華人其何以處此。

吁。殖民之政策行。世固以能役其人。占其產。窮其生命。爲適於生存者也。今既役既占。而其入尙得於所役所占之中。輾轉以延其生命。馴且分人之產。餘幾幾欲立業。長子孫。有永遠之計。無絕種之慮。則行殖民政策者。無不願鋤而去之。使無萌芽。致他日尋斧柯而不勝。入室噴殿。莫可誰何。悔之且無及也。我民其思之。

雖然。今日之所謂適於生存者。在國力法律。言之既稔矣。苟惡美之禁約而求之。則挾殖民政策。與羣雄角逐耳。不然。將永屈於人之殖民政策之下。一日之爭。未決其藩籬。終詘於結局。則生存之望。猶未可必也。

論文明潮流之循環 錄乙巳第五號之景報

不讀萬國史。不知學術思想變遷之漸也。不覽五大洋。不知文化勢力膨脹之遠也。惟其漸也。如千章之木。茁於一粒。燎原之火。起於一星。惟其遠也。如洪濤鉅浪。挾沙石而飛。急雨飄風。不崇朝而徧。故方其始。一人倡之。數人和之。舉國嫉之。斥爲邪說。誣爲朋黨。必欲剷除而

後快。然萌芽已伏。公理自在。不數十年。而朝野崇拜。社會歡迎。舉向之所深惡。而痛絕者。且視以爲改良政治風俗之方。鍼焉。依古以來文明之機械。一啓。豈區區人力之所能阻遏。陳。舊說之所能抵抗哉。

試上溯四千年前。中國與印度發達最早。輝映亞東。其他之同時興起者。厥惟泰西之巴比倫埃及。夫中國文明導源黃河流域。逐漸而南。印度文明導源恆河流域。逐漸而西。歷數千年之傳衍淘汰。而其範圍終不甚廣。其進步終不甚速。者則以國於大陸。隔於重洋。不利交通。無外界之競爭故。

至巴比倫埃及。一沿幼發拉河。一沿尼羅河。且去地中海甚近。建築雕刻天文歷算諸術。莫不閎大精細。可與猶太神學。腓尼基航業。波斯軍政。並傳不朽。由是而希臘。而羅馬。藝學則梭革拉底之哲理。希老道德之歷史。侯美耳之詩歌。德眸斯德之雄辯。政學則該撒之武功。大喇壞之善政。哈的練之遊歷。入斯底尼之律法。洵皆卓越千古。彪炳一時。是其由亞而歐。也可謂之地中海文明時代。

自日耳曼民族南徙。沙蘭生回教。西侵而羅馬解紐。歐土諸邦束縛於宗教。馳騫乎戰爭。紛擾。文運闇淡者千餘年。迨路得復原。古學再興。倍根笛卡兒出。而格致算學精矣。奈端

雜說

一百七十七

乙巳

歌白尼出。而天文重學顯矣。達爾文斯賓塞爾出。而物理哲學明矣。復益以陸克霍布士孟德斯鳩盧梭諸政治家。五花八門。爲學界放一異彩。乃不謂首塞獨立之旗。撞自由之鐘者。竟在北美之合衆國。影響所及。改革之風潮大起。是其由歐而美也。可謂之大西洋文明時代。會幾何時。飛渡萬八千里之重洋。突有一新英國出現於東方。非此太和民族乎。夫日本承封建制度。武將擅權之後。亦似積重難返矣。乃尊攘議起。數載底定。熱心愛國之士。不憚風濤跋涉。吸歐美之新空氣。歸而輸入國民之腦中。知教育爲國要素。則注重之。憲法爲國基礎。則確定之。財政兵政律法交涉工藝商務次第改觀。大有旭日升天之象。此固西鄉隆盛大久保利通諸人拮据締造之功。而溯其原動力。尤不能不推吉田松蔭藤田東湖諸先輩焉。是其由美而亞也。可謂之太平洋文明時代。嗟乎。上下不過數千年間耳。而文明潮流乃由西亞而歐而美而復歸宿於東亞。其閒起伏盈虛。殆如環然。迄今巴比倫墟矣。埃及削矣。印度殘矣。文明古國。惟中國巍然適當其衝。夫既處此旋渦急溜過渡不穩之時代。歐風美雨捲地紛來。惟有急起直追。兼容並包。返觀自鏡。舍短取長。原有之國粹。則保存之。相沿之積弊。則抉去之。濟右文以尙武。化腐敗爲精神。

上下團體理想。一。新使震旦山河復耀乎。光明夫而後可以立此新世界而無愧。否則皮毛敷衍。事機坐失。是甘受文明諸國潮流之衝擊。而不以巴比倫與埃印之覆轍爲鑑也。不亦愚乎。

日本筭握亞東全部之霸權 錄乙巳六月初六日福建日日新聞

風雲舒捲。大陸蒼黃。鞞鼓喧闐。神州板蕩。嗚呼。此何時耶。夫非弱肉強食。優者勝而劣者敗之時耶。環顧歐美諸洲。若拿破崙也。若威廉第三也。若維多利亞也。其興也勃焉矣。突厥之破滅。波斯之削奪。印度之奴隸。其亡也又忽焉矣。值此過渡年代。恃其能自伸張之勢力。用以雄飛海上。獨霸一方者。比比矣。我亞東全部。蟄伏於地球東面之偏隅。其不爲突厥不爲波斯。不爲印度也。幾何而於是。日本乃起而圖亞東全部之霸權。

亞東三國中爲大。日次之。韓又次之。此按其方輿之廣狹。人民之衆寡言之也。若論強弱。則不在區域。而在政紀。不在戶口。而在輿情。日本維新以來。步武歐化。灌輸於文明之界域。而振刷其尙武之精神。爰乃撞自由之鐘。擊平等之鼓。舉獨立之旗。收三韓之土地。而有之。包羅亞洲。囊括東土。凡其侵略之政策。計畫之範圍。均有俯視一切之概。是雖不必再求進步。而三十年來之事業。已煌煌乎炳著寰區矣。嗚呼。霸矣。

駐說

一百七十九

乙巳

及夫東方之事起。戰雲方急。時局多艱。煽動風潮。全球震撼。論者謂此亞東大勢。呼吸存亡之大關鍵也。列強之勢均力敵。亦因此而隨之變動焉。以俄羅斯之橫跨歐亞。志在兼襲東西洋。大彼得之遺命。口血猶未乾也。西伯利亞鐵路告成。蓋駸駸乎獨握霸權。伸立於全地面。而莫可禦制矣。庸詎知一戰而旅順之險。要失再戰而波羅的海之艦隊。嗚呼。俄欲恃霸權而霸權終不可恃。而日本乃得獨顯其轟轟烈烈之手段。向前途而進取。一往無敵。特可以視俄人之膽。並可以服列國之心。其亦日本始念所不及料者歟。然而日本則實早有其把握也。

今者兩國將開媾和之會議矣。軍事上之判決。皆可了結。此絕大問題矣。五洲之評論家。政治家。兵學家。其視日本爲何如耶。卽同處亞洲之評論家。政治家。兵學家。其視日本又何如耶。東瀛三島。夫非亞細亞之一分子也哉。然而其拓地也如此。其開局也如此。其鞭笞而席捲也如此。其長駕而遠馭也如此。日人之雄視亞東。自命爲唯一無二。而莫與抗衡也。不亦宜哉。不亦宜哉。

雖然。日之所以能握此等霸權者。其道何以。以其財政之優。以其兵力之厚。是皆不然。日本獨有教育達於優點。故能父詔其子。兄勉其弟。婦勸其夫。以親上死長爲美。名以愛國。



保種爲義務。其宗教之要旨。則奉佛法爲依皈。故其臨陣也。曰無恐怖。無罣礙。此其所以勇也。至其兵之精。器之利。則潛心於歐美。而又益以考求焉。嗚呼。日本之霸其所由來者。非一朝一夕之效果也。

今中國依然亞東半部之大國也。第恐不能急起直追耳。若自握其權。不甘授人以權。則我固有其主權在焉。況夫同爲黃種。同處亞洲。日人於此方將贊助之不暇。匡救之不暇。以期與白種成一對待。作一反抗。勿許歐美之勢。侵逼我亞東。此其素志也。若謂日本已握其權。不許我以共握其權也。夫豈其然。

嗟夫。嗟夫。我同胞。其亦知今日之地球上。主動而不主靜乎。我中國。若肯一洗故見。取其舊時之態度。而改革之。何嘗不可。自霸一方。何嘗不可。與日本共霸一方。時哉。弗可失。及今不圖。失之晚矣。吾民乎。吾民乎。曷弗伸首攘臂於亞東之部位。勿任人踐踏之。蹂躪之。牛馬而奔走之。胡爲乎。必唯阿。渙。忍。依人。肘腋。寄人。籬下。而自甘。退居於低度。哉。嗟夫。嗟夫。敬告我亞東之同胞。敬望我亞東之同胞。庶其亟亟以圖霸爲期。而勿失吾所欲擴張之權也。可。

論今年之多事 錄乙巳六月初八日中外日報

中國以積衰之勢。篤舊之政。沈積數千年。忽然而奉入於各國競爭。絕塵而奔之時。則其變

故之多。可知也。就此十年以來之事觀之。論者以爲以二十四史所紀二千年之事較之。猶不及其詭變。雖然。以此十年之事論之。則可謂其多於古人。而以今年六閱月中之事論之。亦可謂其多於此十年。計入乙巳以來。不過六閱月耳。而所遭之事。則十年未見若斯之大也。無論何事。若皆上足以爲百千年之結果。而下可以爲百千年未來世界之造。因以世界言。日俄之戰。日勝俄敗。而黃白種之界說破。而專制立憲之優劣定。此固人類建國以來一大問題。而其解決。乃於吾身親見之。俄德法與英日美成爲兩黨。幾成世界一定之局勢。而今有英法日同盟之說。英法日之盟合。則俄人與德人將各自謀一位置之所。其象將何如乎。美人之自處。又將何如乎。奧皇佛朗士斯老矣。倘一旦捐館舍。則德義又將何如乎。此皆普法戰後所成之局面。而一變於今日也。世界之奇變如此。以中國言。忽有立憲之說。則數千年一家專制之說破。而政教國俗所傳爲唯一之大原。將從而震撼。此其事一。保和殿考試留學生。則隋以來所設進士一科之界限。將大爲改易。而舉人進士翰林之觀念破矣。此其事二。刑部奏停刑訊。則自古明罰勅法之局。又一變。此其事三。此三者。非中國自古以來之風俗習尚。深入人心。而不可移易者乎。而今舉一改革之中國之奇變如此。夫積此諸端而觀。相爭競之事。幾同繁絃急管。風雨縱橫。一波未平。一波又起。支柱其間者。朝野上下。

無智無愚。幾有朝不及夕之歎。擬以五濁惡世末劫之人。手執草木。自成刀兵。幾何不令人歎天地末日之將至。然而轉而計之。則庸詎知非中國之進步也。蓋中國人雖性情安靜。不易激昂。然加以近日非常之激刺。一再不已。則雖麻痺不仁者。亦不能無所於覺。且四面合圍。生機漸促。窮而自奮。亦人之常情。合此諸因而近日社會之難處。亦百十倍於往昔。經此競爭之後。則吾人定當加無限之識見。試以近年以來吾人之意識。較之十年前。吾人之意識。必有見為大不同者。後之視今。亦猶今之視昔。吾願吾人毋以近日之惡社會為不可改而厭棄之也。

論中國民氣之可用 錄乙巳六月十三日時報

歐洲自十六世紀以來。文明潮流。遞推遞嬗。日見進步。至於今日。而演成此美麗龐大之現象。謀拓地。謀殖民。謀輸母財。以實行其民族帝國主義者。實自其民族主義之發達始。民族主義既組織完備於祖國之中。斯實力乃不覺磅礴橫溢於祖國之外。非洲澳洲。諸姬殆盡。於是又以我中國為尾閭之洩。中國乎。溯自道咸以降。凡與各國交涉之往事。其著者讓步。而著者失利者。蓋誠不可以僕指數。憤時之士。嘗舉向者之著者讓步。著者失利。以責我政府之昏庸羸弱。而不知向者之所以讓步。所以失利。雖政府諸公。或亦不無可責之

地。而。究。之。前。此。中。國。民。族。主。義。未。見。發。達。以。我。孤。撐。露。立。之。政。府。而。與。彼。弼。中。彪。外。之。澎。漲。力。相。對。待。實。有。無。可。如。何。者。焉。惟。然。曷。不。觀。乎。吾。民。族。主。義。漸。次。發。達。之。中。國。

自昔年上海有四明公所之事。甬人獨以堅忍之力。合團體以與法人抗。一時風聲所播。凡浙人之受備於法者。無大無小。一概歇業。是為中國民族主義發達之第一期。然猶曰此所爭者祇一公所之地。而又其事為一省之事。其團體為一省之團體。未聞有聯合數省之公民。以同謀數省之公益者也。粵漢鐵路之交涉起。湘鄂粵三省之紳民出。彼此一心。義勇奮發。抗議廢約。收回自辦。馴至而海外之志士應之。三省之疆吏助之。是為中國民族主義發達之第二期。然猶曰此所爭者為內地之事。而非外洋之事。且止合三省之羣力。以謀三省之公益。非合一國之羣力。而謀一國之公益也。比者國人以美禁華工續約一節。上下內外羣相告語。亟籌所以抵制之策。或議不用美貨。或議華人不為美用。於是開演說會者有之。設美貨陳列所者有之。刊印美貨商標布散者有之。辭退美國銀行交易者有之。是為中國民族主義發達之第三期。凡此結種種之社會。籌種種之方法。發起之人。與表同情之人。大抵皆商界中人也。學界中人也。未嘗身經海外而親受其虐待也。於華工禁約無急切之利害也。而顧雲合響應。風起潮湧。協力同心。如出一轍者。無他。皆由箇人主義。家族主義。漸進。

而為民族主義之明證也。

顧或者曰。如吾子言。中國民族主義之漸次發達。因信而有徵矣。萬一我媚外之政府。出而抑壓之。沮撓之。解散之。則奈之何哉。然以吾視之。政府蓋決不出此。何以知之。夫今日媚外之政府。固昔時排外之政府也。正惟昔時排外之策未工。不能有功而反受其過。故一變其排外之手段。而勉為此媚外之手段。以求旦夕之安而已。果有人焉。結團體。合羣力。謀公益。以實行此民族主義。為文明之競爭。為文明之排外。而不燒教堂。不殺教士。不學義和團。為野蠻之暴動。為野蠻之排外。則政府方且利用之。以為後盾。政府日美公使請政府解散教會不承認教會而自解散教會等語而顧阻撓之。抑壓之。解散之乎。即或不然。而此民族主義。非有所強迫而後能成。則亦非一經摧折而即可使銷滅。蓋此主義之原質。其胚胎也。以公義。其滋長也。以熱血。而又鼓之以方新之氣。持之以萬眾之力。譬如一機器焉。機關悉備。火門方啟。於此而欲塞其汽管。使不能行。吾恐外界阻礙之力。必不勝其內界膨脹之力。異一時而速力且倍之矣。蓋時機既熟。有自然衝動而不可遏焉者也。美矣哉。中國民族主義之漸次發達也。茂矣哉。中國民族主義之漸次發達也。吾為中國之前途賀。吾為國民之前途賀。

論中國前途之可危 錄乙巳六月二十日時報

社說

二百八十五

乙巳

中國以積弱之勢。處列強競爭之間。數十年來。所賴以爲一髮千鈞之繫者。無他。各國在遠東之平均力。有以互相箝制以支柱其危而已。各國在中國相與爭馳。此所得逞。則彼或欲奪之。彼所覬覦。而此或又先之。其利害既相持而不下。而所謂勢力範圍者。遂因此不能確定。以實行其分裂之舉。於是不得已而保全中國之說出焉。夫各國藉其平均力以相爭。固非中國之幸。而以保全爲侵略。尤非中國之福。然使中國能利用此說。以善延其國脈。而徐圖進化改良。亦未始非難得之會也。顧以今日最近之情勢徵之。則由前之說。亦若大有不可恃者。何以言之。蓋所謂平均勢之箝制者。其於列國之間。不外俄日俄英之爭。與夫英法之隙耳。中國向所至患者。惟俄。今者日竟勝俄。邊禍似可稍息。然自此一戰之後。俄人竟棄其在滿洲之利益。轉而圖西北之蒙古。一隅則其事與日本之安危無涉。日本固將聽之。如是而日俄箝制之機失矣。英俄亦世相嫉者也。其在中國之利害。尤不相容。然今日之俄。既已退出東三省之外。其在遠東之勢力。不足以爲英國憂。且一年以來。西藏之約已成。阿富汗之獨立已定。則英俄之交涉。亦更無大相衝突之故。如是而英俄箝制之機失矣。至於英法兩國。近二十年。其外交政策。往往相齟齬者。一以法之附俄。一以兩國殖民事業之糾葛也。然自英新皇踐位以來。首以聯法爲務。以宮庭之交際。而其交涉之情勢。亦一變焉。觀其



於非洲殖民政略相讓者不一端。則知其對於中國之西南亦將同此辦法。且俄人既敗以後。法之所以待俄者。已稍稍疏。而其嚮英也倍至。如是而英法箝制之機失矣。其尤甚者。德國之與日本。素鮮深交。且互相忌嫉者也。然今者有樓川之聘賀。既以見日之交德。而柏林應募日本公債之踴躍。亦以見德之交日。則其內情又將何如哉。夫以如是之情形。則各國之平均力。已殊其箝制之機。已失。而其勢力範圍。至是乃將確定。而不可易。舉數十年來。外交界種種疑難。不可決之問題。胥將於是決之。而中國之危機。可想矣。外交界之現象如此。若一返觀內國之勢。則其禍尤有伏於毫芒者。夫列國所以倡保全之說。其意欲藉中國在上者之力。以制中國之民。而彼乃得安然於其間。攘取利益。受其利而不自居其累也。然此事則固有不可終恃者。蓋天下事之公例。未有主權受制於外界。而猶足以固其內界之主權者。矧以中國國政之專制。孤立數千年。而未有所對鑑。則亦習焉安之。及今日列國鼎立。其勢力既被於中國。中國之民。苦苛法久矣。至是而其結者。未有不如水之走下。而相率以就庇於外人者也。故邇年以來。商之挂洋旗。民之入西籍者。既已聞不勝聞矣。其最著者。則宗教之信仰。本甚自由也。而釋徒乃有受牒於日僧之門者。官吏之去留。本有定例也。而州縣乃有乞靈於教士之信者。如此種種不一。而謂中國對內之主權。猶可以永保乎。而至是

與。列。國。所。謂。保。全。之。深。意。乃。大。相。左。中。國。之。實。力。既。不。足。以。自。治。其。民。而。使。彼。得。安。然。坐。享。其。利。益。以。受。其。利。而。遺。其。累。且。中。國。之。民。乃。反。日。日。而。乞。其。保。護。焉。則。彼。亦。何。必。定。以。保。護。爲。也。於。是。則。其。政。策。將。大。變。而。即。欲。於。形。式。上。有。其。保。全。亦。固。不。易。矣。由。是。言。之。各。國。平。均。力。既。分。則。外。交。界。之。勢。大。異。而。中。國。對。內。之。權。漸。蝕。則。列。國。之。政。策。又。歧。此。固。勢。所。必。至。可。以。斷。言。者。也。居。今。日。之。中。國。而。欲。免。於。此。則。速。行。立。憲。其。或。庶。幾。稍。救。燃。眉。之。禍。乎。

商 務 印 書 館 出 版  
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階叁集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋陸角

商務印書館出版  
中西文合璧教科書

華英亞洲課本	English and Chinese New Orient Fifth Reader	每本洋貳角
華英國學訓蒙編	English and Chinese Royal Primer	每本洋壹角
華英國學文編 一卷	English and Chinese Royal First Reader	每本洋貳角五分
華英國學文編 二卷	English and Chinese Royal Second Reader	每本洋肆角
華英國學文編 三卷	English and Chinese Royal Third Reader	每本洋柒角五分
華英國學文編 四卷	English and Chinese Royal Fourth Reader	每本壹元貳角半
華英文件指南	English and Chinese Complete Letter Writer	每本洋陸角
華英繙譯捷訣	A Manual of Translation	每本洋伍角
華英要語類編	English and Chinese Conversation	每本洋貳角
華英智環啓蒙	Circle of Knowledge	每本洋肆角
增廣英字指南	Method for Learning English	每本洋壹元
英法尺牘譯要	Select Correspondence	每本洋柒角伍分
法語陟遐	Course Progressions des Lecons Francaises	每本洋伍角
德文法程初集	Deutsche Lektionen	每本洋柒角五分

諭旨

六月二十一日至七月十六日

上諭廣東巡撫著即裁撤兩廣總督兼管巡撫事務欽此 諭旨本月二十五二十六二十八日均著撤銷欽此 六月二十二日

上諭商部奏廈門商政局積弊請將閩省保商事宜改歸商務總會經理一摺現在振興商政關係要華商回籍迭經諭令地方官切實保護茲據該部奏稱廈門商政局種種弊端實屬不成事體嗣後廈門保商事宜著即改歸商務總會選派員董認真經理仍由該部責成該會董等妥定章程力加整頓並飭該管道府等遇事維持聯絡一氣以資保衛餘著照所請辦理欽此 二十二日

上諭孫家新著授為文淵閣大學士裕德著授為東閣大學士世續著授為禮仁閣大學士欽此 旨唐生張仁侃著內用董世煜著內用翰林院撰文著文斌補授擬補內閣中書王寶田國子監學正李春澤俱准其補授解補湖北襄陽府同知唐華國著以知府在任候補四川試用知縣陳象離著俟補缺後以同知直隸州補用捐復前直隸永清縣知縣李振鈞前福建候補鹽大使宋尊望俱著准其捐復原官照例用兵部漢軍堂主事著全林補授理藩院漢軍堂主事著錫璋補授戶部漢軍堂主事著聯順補授吏部漢軍堂主事著潤謙補授甘肅新疆巡撫衙門筆帖式著文清補授廣東廣西知府張德淵貴印海廣成安俱著以知府發往廣西差遣委用揀發廣西知州王之俊黃天錫馬振濱王錫祺俱著以知州發往廣西差遣委用揀發廣西知縣邱學慎陸清翰周長年光雲錦查文淵傅作霖周岸登徐葆樞王丙瀾葉嗣洪冒傳鈞李佑元張應幹林傳甲許鄂起元俱著以知縣發往廣西差遣委用盛京戶部司庫著色克通額補授盛京工部

諭旨

三十九

乙巳

禮部

四十一

九月

可庫著鑄補授京察盛京將軍衙門主事維明著於筆帖式任內准其一等加一級奏留吏部學習筆帖式振儲補本筆帖式寶勳俱准其留部欽此 諭旨本日引見之明保福建補用道姚文倬著於七月初三日預備召見欽此 二十四日

上諭廣州將軍書蔭尙書衙前工部侍郎盛宜懷均著加恩在紫禁城內騎馬欽此 旨阿霖溥綱均著賞挑乾清門當差欽此 二十五日

上諭署兵部左侍郎徐世昌著加恩在紫禁城內騎馬欽此 二十六日

上諭鐵良差使較煩著開去正藍旗滿洲副都統欽此 旨英慈著調補正藍旗滿洲副都統所遺青州副都統著文瑞

調補歸化城副都統著模壽補授欽此 旨慶恩著賞給副都統銜作為西甯辦事大臣照例馳驛前往欽此 旨庫倫辦事大臣著延祉調補欽此 二十九日

上諭甘肅鞏秦階道員缺著賀元彬調補張鐸著補授四川川東道欽此 七月初一日

上諭四川敘州府知府員缺著劉傳福補授欽此 初二日

上諭湖南巡撫方著加恩在紫禁城內騎馬欽此 上諭本日召見之道員姚文倬著留於福建以道員補用並交軍機處存記欽此 初三日

上諭巡警為方今要政內城現辦工巡局尙有條理兩應實力推廣所有五城練勇著即改為巡捕均按內城辦理著派

左都御史壽耆副都御史張仁齋會同尙書那桐通盤籌畫認真舉辦以專責成原派之巡視五城及街道各御史著一併裁撤陳壁著毋庸管理一切未盡事宜及裁撤五城御史條詞訟案件應如何審理之處著那桐等妥定章程迅速

併裁撤陳壁著毋庸管理一切未盡事宜及裁撤五城御史條詞訟案件應如何審理之處著那桐等妥定章程迅速

併裁撤陳壁著毋庸管理一切未盡事宜及裁撤五城御史條詞訟案件應如何審理之處著那桐等妥定章程迅速

併裁撤陳壁著毋庸管理一切未盡事宜及裁撤五城御史條詞訟案件應如何審理之處著那桐等妥定章程迅速

併裁撤陳壁著毋庸管理一切未盡事宜及裁撤五城御史條詞訟案件應如何審理之處著那桐等妥定章程迅速



具奏欽此 上諭江南鹽運使員缺著朱恩斌補授欽此 初五日

督戶部貴州司主事著勞啓揚補授福建延平府上洋通判著孟憲初補授湖南龍陽縣知縣著潘運鋼補授河南汜水縣知縣著姜海瑞補授四川榮昌縣知縣著伏衍義補授直隸高邑縣知縣著周嘉德補授浙江清安縣知縣著屠寄補授湖南慈利縣知縣著陶福履補授廣東清遠縣知縣著朱永觀補授廣東始興縣知縣著文林補授湖南桑植縣知縣著雷以勳補授江西奉新縣知縣著袁鴻瀾補授截取舉人任授著以教職用張四維著以教職用王師會著以知縣用傅運亨著以知縣用潘文達著以教職用徐作霖著以知縣用曾志沂著以教職用段一恆著以知縣用鄧錫繪著以知縣用余天隨著以知縣用沈餘慶著以教職用左詠寬著以知縣用王登著以知縣用倅滿教職羅良弼著以教職用起居注筆帖式著富錦補授戶部筆帖式著春魁補授廩生霖和著以文職用工科給事中著王振聲補授浙江道監察御史著崇慶補授截取禮科給事中王金銘著照例用截取中書馮汝桓尙樁我載君義俱著照例用截取兵部司務王大勛著照例用保送直隸州兵部主事郭人凱著交部記名以直隸州知州倅滿西城兵馬司正指揮朱鴻祥著照例升用特旨浙江補用道劉潘祺著照例用保舉江蘇候補道何立坦湖北候補道張廣麟陝西候補知縣公恩溥雲南候補知縣陳文傑俱照例用解餉浙江候補知府袁思永著免補知府以道員補用改歸京職裁缺陝西西安府理事同知定泰著照例改補揀發廣西知州廖上仁著以知州發往廣西差遣委用服滿前安徽桐城縣知縣劉佐宸著不必坐補原缺欽此 初八日

上諭文瑞請假修墓一摺文瑞著賞假三個月歸化城副都統著貽穀兼署欽此 十二日

上諭廣東南澳鎮總兵著李準補授仍著署理廣東水師提督欽此 上諭廣東水師提督著薩鎮冰補授欽此 上諭

諭旨

四十一

乙巳

諭旨

四十二

九月

裕德著稽查銜奉上諭事件處欽此 十三日

上諭廣東惠潮嘉道著吳永嗣補沈傳澐著顧補高廉欽遵欽此 十六日

商務印書館新編  
初等小學教科書

最新

修身教科書

第一册

大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一册

大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰騭文有益多矣



商務印書館新編  
初等小學教科書

習畫帖

全部八册  
每册大洋七分

是帖爲初等小學堂第二年至第五年學生所用由  
簡而繁所繪皆尋常易見之物用毛筆臨寫計共八  
册每册十圖每兩星期臨  
摹一圖約半年畢一册

教員用習畫帖

一册全

此帖專備初  
等小學堂所  
用易學易精

共八十圖均標明用  
筆先後最便教授  
每册大洋二角

商務印書館新編

初等小學堂教科書

修身教科書	國文教科書	算學教科書	中國歷史教科書	地理教科書	習字帖	習畫帖	歌譜	體操教授法
已出未全	已出未全	已出全	已出全	近刊	已出未全	已出全		

高等小學堂教科書

修身教科書	國文教科書	算學教科書	中國史教科書	外國史教科書	中國地理教科書	外國地理教科書	理科教科書	習字帖	習畫帖	歌譜	體操教授法	修身教科書
		近刊	已出全		已出全	已出全	已出全		近刊			



## 內務

立憲淺說 錄乙巳六月初九日中外日報

中國改行立憲政體之說。近日已漸有端倪。本館昨者亦經論及之矣。而尙未覩有毅然決議之一日。夫在昔舟車之興也。猶待三世而始知其利。況以亙古所無之舉。乃欲以一旦定之。其必有無數躊躇而不敢發者。亦人情也。雖然立憲之效果。語其閎義縉節。固非紙墨所能窮。然卽以中國今日之形勢揆之。其所以爲對證之砭石者。亦歷歷可數矣。記者不審。請再以憲政之所以宜於中國者。撮其崖略而論之。冀以堅當軸之意焉。

一對於君上之利益。立憲國之君主。有權利而無責任者也。雖曰權有所限。然其在內國。非猶是神聖不可侵犯者乎。且以今日之中國而立憲。則爲帝室所賜之憲法。究與歐洲諸國之強半出於民意者有殊。而實與日本之立憲同例。審是則立憲之後。帝室所享之權。仍可與日本天皇相擬。固亦不爲不足矣。夫以地位之安樂。言則愛烈。珊德尼哥拉一世。諸君。孰與維多利亞以人民之擁戴。言則突厥之可汗。孰與大不列顛之君主。而況專制之國。左右蒙蔽。上下隔絕。皇帝雖有絕大之權。然恆不足以舉之。則其權實已四移而一身。乃成爲孤

立何如立憲之國。法度修明而其君主猶得善用其於憲法上所許有之權也。蓋專制之君其權雖若無限而實則猶之無權立憲之君其權雖若甚微而恆足厲行其實是則由專制以變爲立憲其君主宜若可無憾於削權矣。所慮者憲法既頒則皇室費與行政費不得不分而官中之出入遂不免有所限制。然此亦不利於近習奔走之人之冒濫而取盈者耳。於帝室財用之贏虧初無涉也。

一對於官吏之利益。官吏若必以威福自恃爲得計則亦不必言矣。若其猶以循分盡職爲心者則試思一旦立憲之後其俸入如故。規雖在必裁而廉俸亦必加俸固足以相抵也其尊榮如故而有預算決算之章程則理財之事易有地方自治之條例則行政之責輕以視今日之文網束縛責怨繁多內困於刀筆外憂夫清議其艱夷固不同矣。惡勞好逸避險就易人情之常度非至愚未有不樂於此者也。蓋自立憲之後而中材以下之吏皆可以奉法守成保其身名而毋虞隕越矣。

一對於吏治之利益。憲法之關係於羣治者極繁必舉其詳則將兼年累月而不能盡其說。本篇之意但取證明立憲之宜於今日其遠因近果固不能一一具論也。今姑舉專制所生之惡果一二端而與立憲之善果反鏡觀之。蓋專制之國其臣之對其君下之待其上也其

情不親其利害不相共於是則率以僞應而蒙蔽生焉賄賂行焉其在立憲之國人民爲國民通國爲一家其情親而其利害與共無所用其僞則蒙蔽之習除賄賂之風戢矣憲法之立所不爲彼暴斂橫征之事侵漁中飽之風固皆專制政體之所胎孕極其弊之所至則民既病而國亦隨之假爲立憲之國則君不能過責其臣而官亦不能多取其民政體既已判然則暴斂橫征與夫侵漁中飽諸端固皆有所督責矣夫蒙蔽賄賂暴斂侵漁固朝廷之所深惡痛絕而近日明詔猶諄諄以爲言者也乃追原其始固與專制俱來而欲去其弊則舍立憲之外更無他法則徇利避害固將何去何從矣

一對於行政之利益今朝廷非不動精神以圖治然革新之效終不可得聞者一言蔽之政體不立而已今朝旨之所頒布執政之所諮謀疆臣之所計畫以及卿士百僚所奉行者非不曰興學乎然興學之事首貴教育普及而以不立憲之國其民無國民之資格於國無與則亦何以教育普及爲也且既學矣無論其所師承爲英法爲德美其所講肄爲政治爲法律而以用之於專制政體之國則其不適用斷可知也然則欲興學曷不先改政體也非不曰練兵乎然果欲練兵必行徵兵之制使全國皆兵而後可否則朝募一軍夕編一隊

欲以東他人之舉國爲兵者。相見於疆場。竊未見其有功也。而以不立憲之國。其民既不足。以爲國民。卽對於國家無保衛治安之責。而欲以徵兵之法行之。其不揭竿而呼者。幾何也。且夫兵者。固所以置之於必死之地者也。故雖羅金珠。耀冠服。列於其前。以爲招。然不能以是之餌。而使人蹈死下顧。何也。財祿固其所貪。然終不敵其親生命之重故也。必欲其以生命之重易之。則惟有一物焉。所謂愛國心是矣。彼歐美日本之兵。所以敢死無前。亦賴有此而已。而如俄羅斯之兵。則不可得而語是。蓋愛國之心。之有無。視政體之立憲專制。以爲判。不待言矣。然則欲練兵。曷不先改政體也。非不曰理財乎。今以中國賦稅總入之數。持與列國相衡。不可謂取之之多也。而今日之民。其蹙蹙而呻吟。已若是矣。又以列國之公債。與中國今所欲募者計之。其爲額尤倍也。而中國之民之相拒而不納。又若是矣。以彼平日既不。知國爲衆人之公產。且已亦有預焉。一旦乃欲以其餘積而世守之。財與夫胼胝而入之。之息授之。於不相涉之人。投之於不可知之地。則亦胡可得也。且也專制之民。匪惟不思其國也。抑亦不信其國。此固積威勢之所致也。今使政府欲設銀行。而召天下之人以購其股份。則人將懼其成本輕提。而惴戒不敢從矣。又或欲修鐵道。而勸天下之人以投其資本。則人又慮其子金難必。而觀望不欲前矣。此實中國今日之現勢也。夫民之重視其財。固所以

保其生命之源。使非立憲之成效大明。則民財終不可得而集。有斷然矣。矧以專制之國處之乎。然則欲理財。曷不先改政體也。夫以興學練兵理財三者。爲今日鼎立之三大政策。舍是莫由。而其不可須臾離憲政也若是。是則立憲之事終不可免。當國者無甯早自定之乎。記者未嘗學問於憲法之精詣。非所具知。然以其平日之所親聞。證之。以今日中國之世事。而其必不可外。已若是之彰彰矣。抑更有言者。立憲之事。勿徒望之國家也。尤必國民之能力。足以副立憲之資格。而後其效可言。與立憲政體相維持者。地方自治政體也。既以立憲爲望。則於地方自治之實。不可不力舉之。此在吾民之所自爲。而非官吏所能掖導者已。至於憲法之美備。首推英國。然英國憲法。爲不成文之憲法。苦無專書可考。而日本當日之編定憲法也。實頗以德國爲宗。然則今日中國學子。欲研究憲法學。其將遠採德意志聯邦之通例。而近取日本學者之粹言乎。

讀十四日 上諭書後 錄乙巳六月十六日時報

六月十四日 奉上諭。方今時局艱難。百端待理。朝廷屢下明詔。力圖變法。銳意振興。數年以來。規模雖具。而實效未彰。總由承辦人員。向昧講求。未能洞達原委。似此因循敷衍。何由起衰弱而救顛危。茲特簡載澤戴鴻慈徐世昌端方等。隨帶人員。分赴東西洋各國。考求

內務

一百五十一

乙巳

一切政治。以期擇善而從。嗣後再行選派。分班前往。其各隨事諏詢。悉心體察。用備甄採。毋負委任。偉哉。此舉洵改革政治之先務。而朝廷以實心變法之意。宣布於天下者乎。甲午之役。和議既定。即遣李鴻章。歷聘歐美諸國。重臣奉使。環球聳聽。然其意專欲聯結邦交。固不甚措意於其他政治也。庚辛之間。醇王振貝子。疊使歐美。雖親王之重。然謝過賽會。各有專任。亦未遑考察政治之事。比年以來。考察政務於東洋者。趾踵相錯。然派遣者。不過各省疆吏私遣之委員。考察者。亦僅警察學務一部之庶務。人微事輕。其影響於我國政界者。區區至不足道。今朝廷赫然發憤。特簡專員。遊歷各國。其所簡者。固皆內參樞密。外膺疆寄。於政界占大勢力之重臣也。而其職任。又令聚精會神。以考求一切政治。為專職者也。而受任諸公。又類皆才略素裕。雅負時望。於政界。錚錚有聲者也。其影響我國。宜非曩者之比。約而言之。有數善焉。

一。可以定變法維新之國。是我之立國東洋也。與日本同。我之千年閉關也。與日本同。我之迫受外侮也。與日本同。而我之採做西法也。且先於日本。然日本變政三十年。遂綱舉目張。國勢勃興。近且蹶俄。定霸雄視亞洲。我變法三十年。而政治弛敗日甚。一日至今。日遂頹靡。而不能自振者何也。日本之國。是定我國之國。是不定而已。國是定者。如射者之有正鵠。如



航。海。之。有。羅。盤。懸。此。爲。的。範。一。國。之。精。神。才。力。心。思。言。論。而。趨。之。如。裘。擊。領。如。水。朝。東。雖。曲。折。而。卒。以。畢。達。國。是。不。定。者。如。以。無。柁。之。舟。泛。於。滄。海。隨。風。移。引。漂。流。無。定。徧。歧。路。百。舉。而。人。梗。焉。則。暮。罷。之。暮。行。一。新。政。有。人。議。焉。則。朝。易。之。東。塗。西。抹。置。棊。不。定。徧。歧。路。百。舉。而。卒。無。一。成。人。情。莫。不。樂。安。而。惡。危。彼。當。國。者。甯。不。憂。其。國。之。衰。弱。哉。徒。狃。於。閉。關。之。舊。習。妄。自。尊。大。動。謂。外。人。政。治。不。足。法。而。外。人。政。治。之。果。弊。與。否。彼。固。未。嘗。一。寓。耳。目。而。窺。見。影。響。也。羣。盲。警。說。衆。犬。吠。聲。遂。以。自。欺。欺。人。而。肆。其。撓。阻。即。有。二。三。耆。碩。疆。臣。知。法。之。不。能。不。變。亟。亟。舉。行。新。政。矣。然。於。外。國。立。國。之。本。原。立。法。之。精。意。行。政。之。條。理。茫。然。非。有。真。知。則。雖。有。變。革。之。熱。誠。然。既。無。以。自。信。於。心。則。一。議。搖。之。遂。徬。徨。而。無。所。措。手。即。仿。行。一。二。新。政。亦。止。掇。襲。皮。毛。補。苴。罅。漏。卒。之。千。瘡。百。孔。亦。且。牽。而。俱。仆。徒。爲。議。者。之。所。折。此。我。所。以。變。法。數。十。年。累。興。累。仆。而。卒。無。一。效。也。今。以。諸。公。之。明。達。受。國。家。之。委。任。以。考。各。國。之。政。治。觀。彼。之。所。以。盛。知。吾。之。所。以。衰。觀。彼。之。所。以。強。知。吾。之。所。以。弱。決。然。知。今。日。形。勢。舍。變。法。更。無。以。立。國。而。一。切。良。法。美。制。皆。直。接。於。耳。目。之。前。而。法。制。之。孰。優。孰。劣。孰。宜。孰。否。皆。可。身。親。目。覩。博。考。精。思。諸。公。者。固。於。政。界。握。大。勢。力。者。也。灼。然。既。有。真。見。毅。然。有。所。決。心。舉。而。措。之。非。復。警。說。吠。聲。者。所。能。動。搖。而。國。是。可。以。大。定。其。善。一。

內務

一百五十三

乙巳

一。可。養。大。臣。政。治。之。常。識。班。孟。堅。之。論。霍。光。也。曰。不。學。無。術。張。忠。定。之。規。寇。準。也。亦。曰。不。學。無。術。以。二。公。之。勛。伐。炳。然。猶。以。不。學。無。術。見。譏。於。當。世。則。不。學。者。之。必。不。足。以。與。人。國。家。也。況。今。日。世。變。日。新。爲。二。千。年。來。所。未。有。苟。無。政。治。之。新。智。識。以。濟。之。則。雖。舉。二。十。四。朝。名。臣。之。政。略。一。一。規。模。而。畢。備。猶。不。足。應。世。變。而。濟。時。艱。中。朝。大。老。類。皆。以。帖。括。起。家。歐。化。東。漸。不。過。二。十。年。來。之。事。政。治。之。學。必。非。諸。人。所。素。習。也。仕。宦。已。成。則。又。皆。倉。皇。於。朝。請。衙。參。奔。走。於。簿。書。期。會。雖。有。絕。人。之。精。力。亦。必。無。從。容。餘。暇。取。所。謂。政。治。之。新。學。研。究。而。講。求。也。卽。有。幕。府。賢。才。足。資。顧。問。然。中。國。人。才。素。乏。度。未。必。皆。能。挈。政。學。之。綱。要。以。贊。經。世。之。大。猷。今。忽。奉。朝。命。出。洋。考。察。則。曩。日。肄。業。之。所。未。及。者。皆。可。以。見。聞。閱。歷。以。補。其。缺。而。西。國。所。謂。立。國。之。本。原。立。法。之。精。意。行。政。之。條。理。皆。可。身。歷。目。覩。得。其。大。意。而。觀。其。會。通。此。後。續。派。日。多。出。洋。日。衆。則。凡。中。國。大。官。昔。之。狃。於。閉。關。自。大。之。習。者。行。將。漸。啟。新。智。人。人。皆。備。政。治。之。常。識。則。革。一。弊。政。興。一。新。法。自。可。令。下。流。水。無。復。捍。阻。之。憂。而。內。持。部。務。出。任。封。圻。一。切。規。畫。贊。襄。亦。必。釐。然。有。當。於。治。體。其。善。二。

一。可。振。臣。民。望。治。之。精。神。戊。戌。之。變。法。也。薄。海。之。觀。聽。咸。聳。翹。首。企。踵。斐。然。向。風。庚。子。而。後。亦。復。舉。行。新。政。與。戊。戌。無。以。大。異。也。然。政。府。之。意。止。以。新。政。塗。飾。天。下。之。耳。目。初。無。非。常。之。

舉動足以振士氣而鑿人心。天下人士亦知政府之意在敷衍廢然。知改革之無可復望。雖舉行一二新政。亦無當於救亡之策。則人心頽然。舉國絕望。遂沈沈而咸有暮氣。且既絕望於政府矣。則不能不亟起自謀。鬱極求伸。天下遂置然多事。乃政府願欲以強力摧抑之。是不啻加薪而欲以止沸也。今以考求政治之故。特命重臣出洋。朝命甫下。固未卜其後效之何如也。而人人意中皆若有大希望之在前。以爲年月之間。必將有大改革。以隨其後。人心奮則氣象一新。其善三。

善哉此舉。其影響於我國者固甚大矣。然私心竊計。竊謂有當留意者。昔有法人游英。入英三日。即欲著書述英事。乃遊觀旬日。而英非曩者所見之英也。游觀數月。而英又非曩者所見之英也。留英三年。而書卒不果。著此雖寓言。然固足見規國者之未易得其真相也。今諸公之行。固非徒欲瀏覽其形式之文明也。外國文化日進。政治亦日以繁曠。且任舉一端。皆無不與他端互有關係。而各有精意存於其間。舉一遺一。則良法亦弊。非從容稽考。則必不足見其內容之真相。窺其精意。而挈其綱領也。是則宜寬假時日。

日本明治之初。遣伊藤博文往歐洲諸國。考查憲法。調查精審。斟酌妥善。齋以歸國。遂以成立憲之政。而其調查之力。則實皆出於其隨員口口伯之手。而伊藤遂尸其功。我國出洋差

內務

使。向。視。爲。終。南。捷。徑。故。參。隨。諸。缺。半。皆。出。於。資。緣。其。才。既。非。上。駟。故。國。事。亦。遂。無。裨。今。日。諸。公。之。行。其。關。繫。於。吾。國。者。至。重。苟。非。得。學。識。精。博。通。達。治。體。而。又。能。樸。誠。任。事。之。人。爲。之。贊。襄。以。精。考。治。理。竊。恐。成。效。將。與。曩。日。之。出。使。者。無。異。而。必。無。以。收。日。本。之。功。是。則。當。妙。選。隨。員。

我。國。出。使。大。臣。每。苦。於。經。費。不。整。應。酬。無。所。取。資。而。外。交。遂。致。拙。滯。甚。者。乃。以。損。失。國。體。是。非。計。之。得。也。今。以。重。臣。遊。歷。考。求。政。治。則。凡。其。國。之。名。公。鉅。卿。與。夫。一。切。通。儒。碩。學。苟。有。富。於。政。略。邃。於。學。理。者。必。當。延。攬。結。納。諷。誥。博。訪。叩。其。政。見。以。供。採。擇。之。資。而。一。入。其。交。際。社。會。之。中。則。應。酬。之。費。必。多。而。不。能。過。於。陋。儉。是。則。當。寬。籌。經。費。

抑。吾。欲。爲。諸。公。更。進。一。言。樹。木。者。必。正。其。本。否。則。枝。葉。紛。繁。終。不。能。發。榮。滋。長。導。河。者。必。尋。其。源。否。則。港。汊。錯。雜。終。必。至。汎。濫。無。歸。泰。西。諸。國。之。文。明。非。可。貌。襲。摹。取。且。夕。而。致。之。也。經。千。百。年。之。進。化。變。遷。改。革。至。今。日。而。漸。以。完。備。故。其。制。度。之。疏。密。官。司。之。多。寡。法。律。之。繁。簡。與。夫。中。外。集。權。地。方。自。治。之。畸。輕。畸。重。國。各。殊。異。其。制。而。其。所。以。定。此。制。變。官。司。法。律。與。夫。集。權。自。治。之。制。而。能。善。其。用。則。莫。不。視。其。政。體。而。先。有。大。憲。以。爲。之。本。源。而。其。所。謂。大。憲。者。或。一。定。而。堅。固。不。搖。或。屢。易。而。輒。輟。不。安。則。又。視。其。立。國。之。元。氣。制。治。之。精。神。以。爲。之。根。根。

茂者實遂然後一切法制能綱舉目張而神於用我國議變法者數十年矣向之所謂洋務  
 者且勿論邇者改官制定法律變軍制興學校形式固亦粗具矣然朝易一法暮更一令搭  
 擇補綴如塗塗附西國之良法至我國而遂成弊政蓋無本之治譬猶傳皮肉於木偶雖具  
 形體終不能運動而且必腐敗也乃者通識之士咸謂我國積弊罔非政體之為梗誠欲圖  
 治不可不改弦更張於是立憲之聲徧於吾國而三數明達之大臣亦咸以立憲為請是不  
 可謂非知本之言矣然而立憲云者固非謂採掇歐美諸國百數十條之憲法移而布之吾  
 國即可改易政體而享歐美諸國之幸福也必先有立國之元氣制治之精神然後其用乃  
 神其治乃效今諸公出洋議者多謂朝廷令其考查憲政以備立憲之用其事之果否非  
 吾之所敢知然既負考求政務之重任則固當務其遠者大者深求泰西立國之本原吸收  
 文明之精髓歸輸吾國以立政治不拔之基而後可以報我國家而此行庶幾不負否則徒  
 眩於西政之形式掇拾一二以塞責昔之一誤者今且再誤我國前途將遂不可問也

政務處議覆改定刑律案摺

本年四月初五日軍機處抄交御史劉彭年奏釐定刑部章程又御史錢能訓奏改定刑律  
 宜策萬全各一摺均奉 旨政務處會同刑部議奏欽此據劉彭年原奏內稱刑部為天下

內務

刑名總匯不應審理詞訟宜遠規漢制近法日本漢之廷尉不過審定律法不必審定罪囚日本司法卿掌釋律意凡捕亡囚獄事務屬之裁判所擬將京師一切詞訟凡罪在徒流以上者內城由大宛兩縣外城由正副指揮依律審理由順天府尹五城御史覆核達部俾堂司各官專心法律無敲捕之煩勞是爲上策現行律例五城步軍統領衙門審理案件罪名在徒流以上者方准送部不得以情節介在疑似者濫行送部若將不應送部之案濫行送部刑部將原案駁回仍據實奏參現在送部案件有無關重罪之案擬請申明舊例是爲中策各等語謹案自古刑官未有專定律令而不治訟獄者舉陶作士察理獄訟周禮大司寇之屬聽訟決獄之法至詳卽如該御史所稱遠規漢制之廷尉治尉有平有史以囚辭決獄事日本裁判所承命於司法卿與漢制廷史與郡鞠獄受成於廷尉略同實無廷尉祇定律律不審罪囚之說京師浩穰人海奸弊所叢盜賊訟獄多關重要今之大宛兩縣員微權輕固非前代洛陽長安赤令之比坊官雜職資品尤卑刑名之事多不通曉該御史原奏方稱錢債細故尋常盜竊無關重罪之案猶以介在疑似濫行送部若遽責以審斷重大案件如何可行詳查所言上策係屬更改舊章又於古誼不合現行事例尤多窒礙應無庸議至所言中策本係現行律例應如所請辦理卽由刑部申明舊制一律遵守以定權限而省案牘

又錢能訓原奏內稱改定刑律宜策萬全慮教養未善警察未周刑官不諳律意請通飭各督撫盡心教養實行警察定陪審重見證舉行訴訟裁判諸法並請設法律學堂各等語竊維慎刑之道欽恤爲先該御史所慮者以現今教養警察等事尙未一律舉辦驟停刑訊恐有窒礙難行之處查劉坤一等原奏謂外國警察之法最密故證據多實洵爲洞中之言伍廷芳等覆奏亦請認真辦理警察並先請開辦法律學堂復申明訴訟裁判諸法將來仿照各國另設專章參酌妥當奏明辦理是該御史所陳各節伍廷芳等請停刑訊摺內亦已籌慮及之總之執法務求平允考核不厭周詳伍廷芳等所奏如有未盡周備之處應由刑部會商該侍郎參酌奏明辦理刑部查五城步軍統領衙門審理案件徒流以上方准送部例內界限甚明近年以來送部之案往往有罪不至徒流者且有無罪可科之案亦徑行送部者辦理參差殊失定例本意應如何明定章程之處俟臣部參酌妥當另行奏明辦理謹奏奉 旨依議欽此

刑部奏遵 旨酌籌經費擬請將州縣自理刑名案內笞杖改爲罰金一項酌提解部摺

光緒三十一年四月初五日軍機處抄交御史錢能訓奏請 飭部亟籌辦公經費一片奉

內務

一百五十九

乙巳

旨著刑部察覈辦理欽此臣等查該御史原奏大致謂欲求整頓部務必先籌備公費現在吏兵二部業已優給津貼臣部若不仿照辦理恐無以鼓勵司員約束吏役原奏以祿薄爲慮自係探原之論惟臣部公事殷繁較之各部院不同向來清苦情形亦較之各部院更甚近年迭奉 諭旨著各部安定辦公經費仰見 聖恩優渥欽感莫名無如臣部辦理爲難既無公款之可提又無私款之可化平日辦公經費皆取給於各省額解飯銀此外尙有戶部奏銷及三節幫費爲數本屬無多前年因用款不敷爲暫救目前之計並因兩監恤囚經費向由勸募而來實非政體奏請各省酌加飯銀蒙 恩允准在案現在綜計各省額解飯銀及新增之款共銀四萬二千五百餘兩戶部奏銷及三節幫費共銀八千兩每年共銀五萬零五百餘兩至於常年用款除恤囚經費外每月辦公之費極力撙節約需銀三千數百兩以臣部滿漢司員及筆帖式共五百數千員之多加以各司處所書手一百八十四名皂隸等一百七十四名每日進署當差無間寒暑而堂司飯銀書役工食皆取給於此其困苦情形已可概見如逢閏月或承辦要差則又須加增用款數千兩進款有定數出款無定數虧空愈積愈多騰挪借貸歲以爲常辦公時形竭蹶而於司員津貼一層更無暇議及逮至前年奏請酌加飯銀是時戶部尙書臣榮慶正官刑部以該司員等當差異常勞苦與臣



等公商酌予津貼以資獎勵原擬最優等每節津貼銀四十兩以次遞減及屆節期通計款項不敷只得批令照八折發給原奏謂此項區區津貼甚微而不知臣部行之僅及一年已覺難乎爲繼設一旦併此區區之數再議停止在該司員等雖不至存缺望之心第恐外人

不察或至別生疑義既苦無米之炊又乏善後之策此臣部經費支絀上下艱苦之實在情形也茲據該御史奏請 飭部亟籌辦公經費奉 旨著臣部察覈辦理臣等竊維部務關係極重又值時事艱難非切實整頓不足以挽積習非優加體恤不足以勵羣才雖臣部著名清苦該司員等安之若素第外務部商部以及吏兵二部皆優給司員津貼而臣部獨付闕如未免相形見絀且非所以仰體 朝廷重祿勸士之意臣等自奉 命以來籌維再四又復周諮博訪冀得擇善而從而議者曰吏部化私爲公之款所入甚鉅以吏部之有餘補臣部之不足此一策也抑或仿照各省臬司秋審費名目取給於各州縣在各州縣所出無幾而刑部合十八省之州縣而取之卽成鉅款此亦一策也更有謂泰西各國裁判有費狀紙有費刑部可略師其意明定訟費章程取之不竭出之有名此又一策也而臣等則謂吏部改章以來進款雖鉅用款必繁未必能多所贏餘以濟臣部之急即使吏部不分畛域而敷衍目前亦可暫而不可久其秋審費一項聞之各省多寡不一要皆取之於州縣臬司既

取之於前臣部又繼之於後不特州縣窮於供應且各省例有飯銀原備辦公之用於飯銀外又別立名目殊非政體至於仿照外國納繳訟費事本可行惟訴訟裁判諸法尙未變通必欲先定訟費殊覺稽查不易且恐流弊滋多凡此皆於臣部酌籌辦公經費之計無當也臣等伏念辦公固以籌款爲先而籌款尤以經久爲要現在戶部庫帑支絀既無專款之可撥而臣部例禁需索分文入署卽以贓論無私可化自不待言於此而欲籌公費其難可知然安於苟且任令困難終非政策不得不於無可籌措之中預謀一經久之計查新章笞杖改爲罰金此項新案罰金似可藉資挹注以濟臣部要需不特於國計民生兩無妨礙抑且以公家之款辦公家之事於言固順於理亦安臣等公同商酌擬請將外省州縣自理刑名案內笞杖改爲罰金一項提解到部以資辦公酌定每一州縣每年解銀一百兩按半年解銀五十兩每年分爲兩次由各該督撫彙齊解部年清年款不得滯欠分釐並不得藉口修改監獄及設立習藝所留作地方之用此係例應入官冊報之款無俟另籌當不至有所推諉至各州縣審理笞杖人犯折罰銀兩每年斷不止於此數除解部一百兩外其有餘之款以及奏咨案內笞杖折罰銀兩應令各該省年終彙案一併冊報戶部並分咨臣部以便互相稽核似此明定章程庶外省款歸核實而臣部辦公不至無資實於刑政大有裨益如

蒙 俞允恭侯 命下臣部卽行文各該督撫將軍都統府尹一體遵照辦理至臣部此次遵 旨酌籌辦公經費固以優給司員津貼爲大宗其次則如原奏所稱增加書役飯銀者是也查臣部各司處所吏役疊經裁汰尙存三百五十餘名以闔署之大其任鈔胥供奔走者祇有此數已覺日不暇給未便再議酌裁自整頓以來明查暗訪雖該書役人等尙無遇案需索之事惟每月工食甚微難資策勵且若輩誰無事畜抑且具有天良果能贍其身家斷不敢知法犯法正本清源莫要於此其次則又如原奏所稱增加恤囚經費者是也近年兩監恤囚經費較之從前擴充一倍圍扉之內固已實惠均霑惟查奏准新章凡各省臬司府廳州縣各衙門監獄飭令一律大加修改屋宇務須廣潔並優給口糧及冬夏調理各費以示體恤等因臣部爲各省問刑衙門之表率尤應採仿東西各國監獄成法將南北兩監大加修改一洗從前因陋就簡之習作速改良爲天下先凡此款項之所需實非敷衍所能成亦非涓滴所能濟是在各該督撫力顧大局將此項罰金按年掃數解部則臣部辦公無虞支絀矣謹 奏光緒三十一年六月初七日奉 旨依議欽此

直隸總督袁奏實缺州縣應先赴日本游歷三月然後赴任片

再今之識時務者輒憂民智之不開願治民事者官也而官之泄沓如故作民望者紳也而

紳之蒙昧如故欲求民智之開非由官紳入手不可開智之道年少英俊者使之游學年長更事者使之游歷二者分途並進多歷年所收效必宏直隸游學官紳士人經臣先後派遣官費自費各學生計一百數十人陸續東渡但費重時長暫難普及因議訂官紳游歷之法期於祛網蔽而廣見聞親民之官莫如牧令凡學堂警察農工諸大政皆關緊要師資現通飭實缺州縣人員除到任已久未便令離職守外其餘新選新補各員未到任以前酌給津貼先赴日本游歷三月參觀行政司法各署及學校實業大概情形期滿回國然後飭赴新任並責令呈驗日記以證心得數年以後出洋之地方官日見增多庶新政不至隔膜此派官游歷之辦法也又以各州縣學堂工藝諸端官不能獨任其勞皆須紳董相助爲理特以風氣未開或漫不經心或暗相掣肘現通飭各屬公舉品端學粹之紳咨送日本游歷四月應需經費有取諸學款者有另行籌備者每州每縣至少須送一人選派護送員譯員隨同東渡此遺紳游歷之辦法也方今時局更新惟有上下一心博采鄰邦之良法此項官紳游歷爲目前行政改良之法漸即將來地方自治之基謹 奏奉 硃批知道了欽此

商務印書館出版  
日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每足一冊卽付手民陸續發行不預定期以戰局終結之日爲止

定價 每冊 大洋二角五分

日俄戰紀之圖目

- 第一冊 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國皇帝 ○ 俄關東總督(亞力喀塞夫) ○ 俄陸軍大臣(若魯巴金)
- 第二冊 ● 旅順港地圖 ○ 日本軍事參議官(寺內、奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、片岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商務印書館 字典類

華英音韻字典集成

洋裝 每部一冊 價洋七圓五角

金英華音韻字典 ○共集字語十餘萬其法以發音標其讀法繼以英字注釋華字譯義並綴文法字類音韻以英儒精納耳本為宗譯義以英國羅布存德本為主並加增訂附詞子有餘幅畢物奇器一覽便明末附英詞假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一冊 洋裝布面洋紙 價洋一圓二角半  
華裝洋面洋紙 價洋六角

本館編譯 ○君其照會輯華英字典頗便學界顧世人尚嫌缺略茲特增益二萬餘字全書計四萬言經義詳明注詞精雅并以文字聯綴成句以便選用附錄減筆字解各種記號有志西文者不可不手一編也

袖珍華英字典

洋裝 每部一冊 價洋一圓

上海南洋公學教習吳文甫先生編譯 ○詔與學堂習外國文字者益衆而英文為尤本館先輯華英字典集成華英字典與兩種猶不足以供學界之用乃酌刪繁重編為是編全書約四萬餘字製成小冊納諸懷袖最便翻檢嚴侯官先生編序謂取丁大義期於捷速簡當誠知本館之意矣

## 軍事

論軍世界之人格 錄乙巳七月初六日南洋日日官報

五洲交通。列強競長。或角智。或角力。張其勢者。無不以兵。今日之世界。一軍人優勝之世界也。我國據東亞之上腴。一切物產。較勝各國。故睨視我者。咸以我為競爭之重心點。軍備不振。奚以禦之。然則處今日而謀練軍。非曰黷武。亦將於軍世界中占一優勝之分子也。雖然。此蓋有人格焉。

各國之兵之占優勝也。以人人皆有軍人之思想。凡為民者。皆入軍籍。一有兵事。無不慷慨振勵。不欲墮其國家之令名。是全國之精神。莫不舉而注重於其兵矣。人人有注重於兵之精神。即人人有軍人之思想。有軍人之思想。故其事重。其事重。故其人亦與之俱重。此軍世界。中所以能占優勝之分子者。豈倖致哉。吾因思吾國之兵。

國非兵不能強。民非國無所庇。民託於國。而必須兵以衛之。練兵者。名為國事。實民事也。國得所衛。而後國以固。民得所庇。而後民以安。其產業也。其室家也。其身命也。能使外無侮。內無亂。熙熙皞皞。樂處無事。而並備禦夫不虞者。此則盡其為兵之天職。即所以完其為兵之

人格也。知是者。宜若何重兵。敬兵愛兵。恤兵。合輸財力以供費用於其兵。

夫重兵敬兵愛兵恤兵供用於其兵者。非爲兵也。今使執人而語之曰。棄而產業。去而室家。忘而身命。人未有不鄭重顧惜。不憚竭資以求其保全者。然而斯三者之保全。皆係乎兵。不鄭重顧惜於其兵。而鄭重顧惜其產業室家與身命。此猶蔽風雨者不知堅葺其厦屋。捍頭目者不知壯養其手足也。否則兵爲民衛。民之視兵。果如視其產業室家身命而愛重之。則兵何不可強。國何不可固。民何不可安乎。

在昔中國亦重兵之國。祈父之詩曰。予王之爪士。註士軍士也。漢書仲長統傳。以才智用者謂之士。以士名兵。其重視乎兵。而不欲輕待之也。可知。近世之兵。或名爲勇。勇爲天德。充其大用。智仁之所不能爲者。必賴勇以濟之。故強國保民。撥亂反正。皆勇之事。顧名思義。則兵之自待。固宜重。而人之待兵。尤不可輕。今之列強。皆知重兵。重兵者。厚其餉糈。勤其操練。猶末也。其要在能重軍士之人格。故各國之兵。必由學校以教之。兵出於學校。斯人格重。及其入伍所執之役。雖王子貴族亦與同之。斯人格愈重。人格愈重。則兵之自視。不敢薄矣。彼將曰。國之強弱。民之安危。責胥在我。我不能盡其職。是自玷軍人之榮譽也。故以守則必固。以戰則必克。如日俄之戰。日本民人。途遇軍士。必加禮敬。捷書一至。羣起慶祝。爭爲頌詞。以表



其兵之雄武。以是知區區島國。能突飛於環球之上。而得第一等之位置者。非無故也。我國自兵與農分。斂民財以養兵。義亦取乎爲民衛也。然所望於兵者。矯捷善鬪而不濟之。以學術則兵之人格。已不備。況承平而後。兵無所事。或舉賤役以驅使之。民既習見以充兵。爲恥。遇有招募。其賢其能。皆不屑至。凡應募者。非貧迫無賴。卽強梁梟桀而已矣。是以無事則假竊官符爲民賊。害有事則甘從敵誘。貽玷戎行。兵之品愈卑。兵之用愈少。何怪出財以養兵者。痛心疾首。視如毒厲。而不知其產業其室家。其身命與有關係。而益以賤待乎兵矣。然而兵不可以賤也。人羣相交。準施爲報。以衆人遇人者。人亦以衆人報之。以國士待人者。人必以國士報之。不加禮遇。而曰兵之餉糈。我所自出。是不但待之以衆人。直豢犬馬耳。豢兵若犬馬。而將舉我產業。室家。身命之保衛。一以責之。此必不能。何者。彼冒烈彈。蹈白刃。肝腦草澤。血肉飛投之。必死而不恤者。斷非此。淺淺之餉。所能買其心。振其氣。鼓其勇。力使之爲我衛也。然則守兵不足。守戰兵不足。戰推尋厥故。亦不盡由材武技擊之未可用也。乃譚時事者。猶亟亟曰。練軍練軍。何也。蓋軍備者。國之衛。民之庇也。自戎政怠弛以來。守兵防兵。合二十餘行省。其人不下數百萬。或挂名軍籍。濫竽充數。非釐剔而淘汰之。其民未必皆可用。況列國競爭。相尙以戰。我縱不與外人開釁。願彼之政策。利在均勢。苟環起而逼我。

恐違言之起。抑亦不可以逆料也。處波譎雲詭。倏忽百變之時代。而無素練之勁旅爲之防。則不備不虞。不可以師。古人所誠。未必不切。今日之情勢矣。故有國可以不用兵。有國不可不備兵。

兵何以足備。曰兵之可用。由其人格之可用也。人格之壞。莫壞於市井游惰。不知刻勵之子弟。否卽腐敗舊旅。旣受裁汰。易名應募。不能振作之人衆。其外則隨宦之隸。驕奢淫佚。自致窮促。無所復之。投効行伍者。亦往往而有。若此皆卑賤巧猾疲軟齷齪不足論。其人格者也。故我中興諸帥。如曾文正。胡文忠之募軍。必取士著之民。良家之子。素無積習。誠樸耐勞者而用之。今之世界。一以誠樸而智識不逮。尙未足完軍人之人格也。必先之以學。而益之以訓練。乃庶乎其可矣。

或曰教兵以學。今不有學堂乎。曰武備。曰將備。曰陸師。曰水師。招諸學者而教之。教之而成材畢業。若將若弁若兵。自足用也。何待乎練軍。不知學堂者。所以育其才。練軍者。所以習其事。育才基於學。故設堂以教之。習事貴於嫻。故成軍以練之。各國兵士。學堂畢業。復使練習於軍隊者。大率爲此。蓋學堂之所學。藝也。技也。至臨陣之變化。應敵之權奇。非親歷者。神而明之。雖討論講貫。亦有不可以盡得者。故有學堂。卽必有練軍。練軍者。所以爲學堂之實驗。

相輔而相成焉者也。

今日學堂既立。遂及練軍。由體達用。事至順。理至當也。願吾竊有議者。今之學堂。其來學者。爲羨軍人之利益乎。爲知軍人之義務乎。是講求人格當如各國之完備也。今之練兵。其充兵者。爲有愛國之實心乎。爲行謀生之黠計乎。是整齊人格必如各國之嚴密也。人格何以齊。是必慎之以選擇時之。以涵養繩之以法律動之以榮名。有不率者則懲之。又之屏之。斥之。使人人自重。而知軍人人格爲吾舉國所崇拜焉。夫然後賢者出其中。才者出其中。即其次者亦必明恥達義果敢奮發受諸重寄。可以負擔而不辭。

否則一國之中。產業幾何。室家幾何。身命幾何。其安其危。其強其弱。重大之責。將於軍人任寄之。而受其寄者。乃猶是疲軟巧猾與夫貧迫無賴強梁梟桀之人衆如此。而望衛其國。庇其民。英武踔厲。能與各國之兵相頡頏焉。吾未見其可也。嗟乎。練軍者將練其精神。非練其形式也。精神之有無。視乎國民之鼓舞。人格之高下。視乎教法之隆污。故欲於軍世界中占一優勝之分子者。吾敢從而決之曰。必使人人皆有軍人之思想。然後可必使軍人無不整齊之人格。然後可。

。論分地徵兵之舉非現在所可行 錄乙巳七月初八日中外日報

徵兵之舉。北洋已行之有年。今南洋亦將次仿行。竊維此舉之利頗多。可以三端括之。一爲以本境之人守本境之地。既無人地生疏之虞。又可收風土熟習之效。一也。兵皆土著。則期滿退伍。既有所歸宿。有事徵召。亦便於呼應。二也。將從前招募之習。一掃而空。毋使來歷不明之人。混迹營伍。來去既可自由。訓練即無自見效。三也。惟是凡事各有本原。必明乎本原所在。以爲下手之地。而後乃有效驗之可收。若不明乎本原之所在。徒見他人行之而有效。遂依樣葫蘆。懸一格以爲招。而冀其有同等之效驗。此必不可得之事也。故南京督練公所所擬之徵兵辦法。似猶有當商酌處也。

夫徵兵之舉。各國所以行之而有效者。何也。一爲教育普及。人人有愛國之心。一爲法令昭垂。人人有當兵之義務。一爲矜尙武功。人人以入伍爲榮。具此三者。故人人皆可爲兵。就地徵兵之舉。於是乎有效。此明乎本原之說也。若中國則君民之睽隔已久。國家有事。既不使庶民與聞。而庶民於國事亦自漠不關心。已難言於愛國矣。近雖學士大夫提倡此義。然而萌芽之始。沾漑幾何。自唐以來。國家所求於民者。除農民納田賦。商賈納關稅外。殆無餘事。國家既不責民以當兵。民亦幾忘納稅而外。尙有當兵之義務。今欲恢復此義。殆非旦夕所能見效。又況重文輕武之習。今猶未能湔洗。一二里巷小民。至以當兵爲賤業。苟非窮極無

聊。執。則。願。爲。兵。者。重。以。禮。貌。苟。簡。驅。使。煩。苛。彼。爲。兵。者。既。無。一。事。之。足。榮。而。有。多。方。之。受。辱。又。誰。則。願。爲。兵。者。如。是。而。當。事。者。但。知。各。國。徵。兵。之。已。事。忘。其。本。原。之。不。同。而。猶。冀。其。有。效。是。猶。南。轅。而。北。其。轍。也。

是。故。徵。兵。之。舉。非。不。可。行。然。當。期。以。數。年。必。先。由。朝。廷。明。降。諭。旨。令。各。鄉。鎮。多。設。蒙。學。堂。堂。中。除。文。學。外。必。特。列。兵。操。一。科。日。訓。以。忠。君。愛。國。之。誼。有。勇。知。方。之。略。而。又。優。待。兵。士。等。於。貴。顯。於。是。風。氣。爲。開。俗。尙。一。變。而。人。人。皆。願。爲。兵。人。人。願。爲。兵。而。後。徵。兵。之。制。乃。可。得。而。行。此。挽。回。積。弊。之。法。也。若。在。今。日。則。於。無。可。如。何。之。時。姑。爲。急。則。治。標。之。計。似。徵。兵。之。制。猶。可。行。而。分。地。徵。兵。之。法。則。不。可。行。蓋。一。經。分。地。則。本。境。之。兵。必。用。本。境。之。人。然。而。本。境。人。民。或。不。適。於。當。兵。之。用。則。雖。徵。之。入。營。實。無。裨。於。營。伍。從。前。招。募。之。法。雖。屬。苟。簡。然。有。時。亦。間。收。效。者。則。以。其。所。募。之。兵。非。來。自。風。俗。強。悍。樂。於。戰。鬪。之。地。卽。招。自。軍。務。旁。午。習。於。戰。事。之。時。亦。可。知。華。人。之。於。兵。實。有。適。宜。不。適。宜。之。別。而。難。以。概。論。矣。南。洋。督。練。公。所。詳。文。有。今。則。教。練。方。法。日。出。不。窮。智。育。體。育。無。所。不。具。雖。以。文。弱。書。生。教。之。體。操。三。月。無。不。精。力。倍。生。之。語。不。知。此。正。由。已。受。教。育。故。能。有。此。功。效。若。兵。則。來。自。田。間。烏。能。同。日。而。語。與。其。招。不。適。宜。之。兵。費。盡。教。練。之。方。法。始。得。萬。一。之。效。何。如。招。適。宜。之。兵。已。具。有。軍。人。之。體。段。而。後。加。以。

訓練較爲事半而功倍乎。詳文又言各國自強之道。全在舉國之民皆兵。而不在一方之兵獨盛。既明知其民風素弱。更宜思所以強之。豈可棄之而不顧云云。此則規模闊遠。非執筆人所敢妄議。然猶當俟諸民智大開。民俗丕變。盡人皆願爲兵之後。而非所語於今日也。且此舉非徒無益。抑且有害。風聞北方舉辦徵兵時。奉令之委員。商諸縣官。縣官責諸董保。而以當兵爲畏途者。乃致有出資買放之事。貧乏無聊者。乃被迫充數。此等兵丁。卽招之使來。不知何所用之。此初招時之弊也。及成營後。乃又有隨時逃亡之患。聞每月每營。至有過十分之一者。督練處遂欲籌一杜絕之法。姑無論強爲束縛。心去而形存。無事時徒壯觀瞻。有事時不能得其死力也。而且費去無數之心血。耗去巨萬之餉項。以養此無用之兵。豈不可惜。而其弊則實由於不宜徵兵之地。招此不願爲兵之人。牽就充數。有以致之。北方風氣剛勁。其弊尙且如此。況於南方某某諸府。民風之脆弱。著聞遠近。良善者必不願爲兵。願爲兵者。又率係無賴之流。萬不足用哉。執筆人故敢斷言曰。徵兵之舉。非不可行。而分地徵兵之舉。則不可行也。

湖南巡撫端奏拿獲會匪渠魁審明懲辦隨案保獎摺

竊查光緒三十年九月間同仇會匪入湘放飄潛圖起事當經前署撫臣陸元鼎派員督飭

營縣先後拿獲匪目蕭潰先游得勝何少卿三名訊據各供認聽從僞督辦馬幅益即馬乾入會散票約期謀逆等情不諱即將蕭潰先游得勝正法何少卿監候待質所有懲辦情形業經彙案 奏報一面通飭各營縣嚴拿匪目馬幅益未獲奴才於本年正月到任正值桂匪未靖邊防尙未解嚴該匪首馬幅益黨羽衆多蹤跡詭秘深虞勾結爲患隨經選派得力員弁懸立重賞購覓眼綫交投四路查拿茲經湖南儘先都司楊明遠湖北儘先千總赫成額補用府經歷吳章帶同眼綫跟蹤追捕至江西萍鄉縣地方探明藏匿處所會同該處地方文武將該匪首馬幅益拿獲解湘經奴才督同署按察使張鶴齡候補道俞明頤迭次研鞫據馬幅益即馬乾供稱年四十歲湖南醴陵縣人曾在江南充當營勇因事革退光緒十七年創立回崙山會開堂放票自稱爲四路僞總統分派匪黨謝受祺郭幅何士才尹僅庭爲東西南北四路頭目輾轉散放票布約有一萬餘張去年八月同仇會匪首劉姓等圖謀不軌因該匪首夥黨甚多易於糾集派爲五路督辦並託謝受祺交給華興票布多張遂由該匪首分給已獲正法之蕭潰先等令其轉散糾人約期於十月初五日在長沙省城作亂嗣因蕭潰先等破獲懲辦匪黨四散隨即逃匿等供飭提留質之何少卿質審供情彼此相符隨將馬幅益就地正法並摘要電 奏在案伏查該匪首馬幅益即馬乾以軍營散勇創

立回崙山會自稱爲四路僞總統開堂放票煽惑極衆嗣復充當同仇逆會督辦贖款約期在於省城作亂實屬悖逆不法茲幸拿獲懲辦匪首伏誅逆會根株已拔夥黨瓦解人心大定裨益地方良非淺鮮謹 奏奉 硃批著照所請該部知道欽此

湖南巡撫端奏湘西防務情形片

再湘省防務自黃忠浩一軍援剿得手業將匪首梁濫六燒斃柳郡餘匪漸次肅清經奴才詳晰 奏報並將南路張慶雲杜俞兩軍分別布置情形附陳在案西路則自滇勇叛變撲滅之後邊防甚爲安謐劉光才一軍仍在城步新甯一帶防守該軍赴防以來雖未身遇大敵然當粵匪竄擾黔邊古州戒嚴之際湘黔壤地相接城步一帶民心惶惶全賴該軍忠毅兩營並新募四旗前往填紮始得安堵如故及達營叛變正在永從左近與湘邊相距不遠亦恃該軍扼要堵紮方免內竄之虞蓋寶靖各屬地勢袤長防務空虛又恐闖入外匪致生邊患劉光才所統兵力頗單卒因威望素孚得資鎮懾故湘防西南兩路雖有戰守之不同而論其保障之功則固無可軒輊至鎮筵鎮總兵周瑞龍辰沅永靖道莊慶良督率所部有事策應無事操防亦屬十分得力現據該鎮報稱黔邊無匪湘防安靜請將前次駐防靖州鎮標續備軍四百人駐防藕團靖州協兵一百名並駐防通道縣鎮標續備軍三百人先後



撤回歸伍以節糜費仍一面將原駐辰沅靖各處毅字三旗分別調防俾臻周密刻正遵照  
練兵處新章募練新軍其劉光才所統兩營四旗應先調回兩旗分別遣撤騰出餉項稍資  
挹注現在湘西一路防務解嚴地方靖謐實足仰慰 宸廑謹 奏奉 硃批該部知道欽  
此

兩湖總督張札營務處改編營制文

案准練兵處咨送 奏定陸軍營制餉章業經分別咨行在案查湖北地處長江上游鐵路  
交通實爲南北衝要至少須練足陸軍兩鎮方足以資控制惟現在餉力未充不得不變通  
辦理亟應將湖北常備第一鎮全軍改照練兵處新章添練足數第二鎮暫照練兵處 奏  
定章程內變通制略開辦第一年營隊之數依法編練俟餉力稍裕再事擴充至兩鎮礮馬  
輜重各營需用驢馬及協標營隊雜項委員勇夫有可酌量裁併撙節緩設之處應飭常備  
軍第一鎮統領張鎮彪第二鎮護統黎協統元洪妥速籌議酌擬辦法呈候核明 奏咨呈  
案不宜再遲其營務處亦應按照練兵處 奏章內督練處制分設兵備參謀教練三處其  
糧餉局軍械局軍醫局卽附設該處之內派員分司經理應卽由處遵照章程辦理此札

北洋陸軍衛生防疫章程

軍事

三百七

乙巳

衛生章程十條 一兵房宜高燥多光暢通清氣住兵不宜過於擁擠 二支搭帳房中間至少各須相離一丈六尺每兩日須將帳房及內之鋪草被服盡行捲起晾晒一二小時帳房上之通氣門亦須時常撐起 三軍士被服須冷暖適體尤以潔淨爲要無論冬夏均須勤換勤洗 四軍中汲飲河井之水醫官時爲考察宜飲與否凡盛水之器皿亦常洗刷潔淨茶水若未十分煮開者不可飲 五軍士飯菜醫官時爲察視當戒食者戒之不可缺者預告之 六軍士有病卽須醫治凡臥牀及恐傳染者須移入養病院調治 七遇有傳染病症醫官速辦卻疫衛生之法此條另詳防疫章程 八營中活水溝渠須疏通而上覆以磚石使穢氣不致外侵坑廁溺桶宜有定所必日日打掃潔淨 九醫官須將衛生之道隨時在營講解使各軍士自知留意衛攝 十辦理衛生情形醫官按月報督練處再由醫務股隨時抽查是否認真辦理

行營衛生章程十條 一開隊之先凡兵勇患疾及脚痛者報知醫官驗視施治 二醫官察視各兵背包各件輕重及背法是否得宜 三軍士各帶水壺盛開水約二十兩醫官察視水壺是否潔淨盛滿 四醫官察看軍隊歇宿之場是否潔淨合宜 五駐軍之所汲飲之水是否宜飲醫官逐處考察併指點何處宜人飲何處飲牲口何處作洗物之用 六醫

官察看車輛驢馬駐歇之所有損於軍士飲水之河井與否 七醫官出示軍士途中禦寒禦暑之法 八醫官出示打掃帳房潔淨通風透氣以及關係廚房坑廁之各條例 九醫官須隨隊後遇有因病落後之軍士驗視其病或准其卸背包或爲其安置坐車 十軍行到站後兵勇毋許脫衣露體其汗溼之小褂卽脫出晾乾等事醫官徧行察視各兵途中所得之病急施療治之法尤當預先告知使各軍士自知留意

防疫章程十條 一飲水宜極慎也汲飲之水須時時考驗其合用與否茶水必須十分煮開洗碗箸之水亦用開水爲安 二食物宜慎擇也瓜果生冷之物一概忌食葷素菜蔬皆須十分煮熟 三住房宜潔淨也牆壁宜刷以石灰水日用器具用開水沖避疫藥水徧行洗擦門窗宜常開使清氣通暢居者不宜擁擠屋之內外四圍臺塔上下徧洒避疫去穢藥水如石灰水柏油加波立水均可 四水溝宜通暢也傾污水之水溝必須使之暢流出外上蓋磚石更宜隨時傾洒去穢藥水 五坑廁宜潔淨也凡大小便宜有定所必須日日打掃潔淨傾洒去穢藥水 六垃圾宜燬滅也垃圾必須於空曠之地焚燬或傾倒避疫去穢藥水於上以上三項宜與汲飲水之河井相隔愈遠愈好 七有病宜急治也偶有微疾趕速就醫如係疫癘卽宜與無病者分居只留服侍之人室中徧洒却疫去穢藥水 八吐瀉

之污宜即埋滅也吐瀉之污須用盆接盛又用去穢藥水傾入深埋曠野中凡渣污之衣褲急用開水及去穢藥水浸洗後於烈日中久曬 九病故者宜急埋葬也凡病疫故者必須趕緊收殮埋葬地不可與汲水之河井相連穴深六七尺棺周多用石灰木炭病中衣褲被服一概焚燬其所居之房宜燒硫磺薰之 十以上各項章程應添改之處隨時添加更改

北洋醫院預擬設立戰地醫院章程

一前敵醫院每一大軍二萬五千餘人設容住傷兵一百名之前敵醫院六所皆在槍彈界限之外六七里或借民房或支帳房圓帳房每架住傷兵六七名醫院一所需圓帳房十六架又長方式大帳房六架圓帳房十架爲存放藥料器具及醫官書司役夫所居由前敵醫院分設收傷所裏紮所收傷所設開仗之地附近派役搜尋受傷弁兵擡回所後即換役擡送裏紮所裏紮所設槍彈界限之外里許專施止痛止血提神諸救急法隨將傷兵安置運車送前敵醫院凡傷兵至前敵醫院醫官即將其名姓排棚營隊及受傷輕重登簿驗視傷創情形凡能速愈者留院以便速歸本隊不能速愈者安置運車送中路醫院 二中路醫院或借民屋或支帳房前敵送到之傷兵察驗傷創數日內能愈者留院醫治否則送後路

醫院 三後路醫院宜設在合宜房屋內以能容傷兵八百人爲度須格外多存藥料器具以備接濟前敵至各傷兵名姓營隊排棚及傷創情形每兩日須彙報督練處 四各醫院所需員名計後路醫院需總醫官一員二三四五等醫官六員正副文案各一員清書三名司藥十八名裹紮夫三十名醫役四十八名中路醫院需一二等醫官一員三四五等醫官兩員清書三名司藥六名裹紮夫十名醫役二十四名前敵醫院六所連收傷裹紮等所共需一二等醫官八員三四等醫官十二員清書八名司藥三十六名裹紮夫六十名醫役九十名營撥者在外戰地醫院統共需用醫官三十九員文案二員清書十七名司藥六十名裹紮夫一百零八名醫役除營撥外一百六十二名 五軍醫學堂學生及常醫學學生准隨同醫官赴前敵醫院學習以資閱歷 六醫藥隊雖無攻戰之責而身冒鋒鏑援人於槍林彈雨之中如遇不測無論員司夫役皆應優加恩卹擬請各給二年之薪餉

北洋醫院預擬征戰時辦理醫務章程

- 一 征戰時督練處分遣醫官帶同文案司書夫役隨營料理醫務及設立戰地醫院等事宜
- 二 各軍醫院平時置備存貯一切療治內外科藥料器具及擡牀帳房等類使征戰時不虞缺乏
- 三 各軍醫院置備戰地醫藥車及運送傷兵車輛
- 四 應用藥料器具擡牀帳房

等類由所派醫官開單向各軍醫院支領 五各軍醫院設法接濟務使戰地各醫院所需一切無有缺乏 六所需裝運車輛及馱子若干稟請督練處飭各營就近預備 七各營平時每兵百人備擡病牀一張每牀醫役二名醫役平時須習練擡牀之法 八征戰時各營醫役均歸入醫藥隊聽醫官約束差遣 九醫官各給馬一匹喂養支領 十各員司夫役均加給津貼

新定北洋督練處薪公餉項章程

一協以上之督練處 按練兵處奏定陸軍營制略凡各省新軍兼經練及一協以上應於省會設督練處一所故北洋督練處亦公餉項自一協起算

督練處督辦 月支薪水銀三百兩公費銀五百兩外官兼攝者不支薪水如隊伍加至兩協足成一鎮者薪公各加一倍開支至兩協以上每加一協雖事體較繁亦祇加公費銀三百兩不支薪水以示限制而資辦公應用之先鋒官稽查馬弁護勇長夥夫等項均由督辦酌量分別加增以能敷用為度 按陸軍現在已有十一協除督辦由直督兼攝不支薪水外一二兩協應支公費銀一千兩第三協至十一協應支公費銀二千七百兩現時督辦每月共計應支公費銀三千七百兩

參議官項下 應按增協數目酌量添派如協數在六協以上者亦可另增總參議官一員以下參議文案收支三項每加一協薪水均加一倍至一軍為度不再加支 總參議一員月支薪水銀四百兩 按現時核算每月支薪水銀一千六百兩 正參議一

員月支薪水銀五十兩 支按現時核算應月 副參議一員月支薪水銀五十兩 應月支薪水

百無二 文案二員各月支薪水銀二十兩 支按現時核算每月 收支委員一員月支薪水銀

二十兩 支按現時核算每月 收發文件委員一員月支薪水銀十六兩至一軍則加支至三

十六兩為止 清書四名月支餉銀十二兩名數可隨時酌加不加餉銀 督練處所屬

兵備處 參謀處 教練處 以上三處自總辦至委員如加至兩協辦均加一倍開支兩

員按八成開支二十兩提調加支五兩委員加支二兩五錢凡署理之 三處總辦各月支薪水

銀六十兩公費銀六十兩 支按現時核算每月 三處幫辦各月支薪水銀五十兩 支按現時

水銀每三個月支薪 兵備參謀教練三處所屬 考功股 執法股 籌備股 糧餉股 醫

務股 以上五股 謀略股 調派股 測繪股 以上三股 學務股 校兵股 以上二股

各股提調各月支薪水銀二十五兩公費銀十兩 支按現時核算每月 各股委員各月

支薪水銀二十兩公費銀五兩 支按現時核算每月 三處文案各月支薪水銀四十

兩 各股文案各月支薪水銀三十六兩 三處及各股清書各月支餉銀十二兩 以上三項均例

不加

各省軍事紀要

軍事

軍事

三百十四

九月

奉天 新民府張管帶廣平縣周管帶等各率兵隊在桑林子八角臺一帶搜剿匪徒兵匪互有死傷官擒著匪十餘名追至黑帝廟買家荒一帶而回 馬賊頭目金壽山向在日本軍管統帶義勇軍副連散歸巢復奏故技民受其害增府尹因與日本兵官申明利害設計邀金置酒歡會宴罷日員先行左右伏起即將金擒縛處斬

江西 定南廳會匪劉必振勾結粵匪葉青山等搶擄拒捕殺弁兵十餘名又有粵匪攔入大庾縣境肆行搶掠又會昌縣亦有匪警迭經贛撫胡鼎帥飛調營勇督率鄉團并電粵閩兩省撥兵會剿擒斬悍匪多名并獲匪首劉朱安餘匪始各散匿

浙江 湖州水陸各營開往陸家灣左近剿捕巢湖幫匪至則不見一人越日其前隊途遇一人持械前驅心疑其匪方待追詰匪突返身開槍兵勇奮力攻擊伏匪四出包抄抵禦兵勇漸不能支冒死衝出計被擊斃二名受傷七名失去一名並劫去洋槍三桿泊後隊兵至匪已遠颺

四川 儀隴縣土匪聚衆謀叛經黃大令率勇掩捕三十餘名即經川北道周觀察親往訊明正法得以無事 甯遠府馬支夷叛亂經川督錫清帥委高太守培焜馳往會同建昌鎮甯遠府剿辦日久無功茲特嚴批稟牘以儆之略謂該鎮等前稟攻奪勾勾梁之後前敵即紮四塊壩慮濫壩一帶空虛調常備前營查看地勢由燕子落移紮前進以期首尾相顧布置本屬合宜當經批令節節穩紮以規進取何以忽然變計輕率抽調以致後路不能固守前敵不能穩紮該逆乘隙竄回碗廠河殺我兵勇奪我馬糧不啻引人蹈瑕調度乖謬已極假使前後聲援相通則張仁德之假信何至真辨其偽城內之人心何至於驚惶前此高守稟稱無得魁在中途斃逝并生擒四名此稟則稱係出兵及保路之夷所擒斬語出兩歧殊不可信至稱擒獲兇夷訊明正法是否即此四名未據聲明亦屬含混又稱被劫之馬清回二十六匹尙餘六



匹勒限繳出逆叛既未投誠我軍尙與相持從何清回從何勒繳尤不可解爲今之計正宜穩慎防禦力圖振作以快前功乃高守則智盡能索一籌真展李守則袖手旁觀一若稟辭時本督部堂叮囑之語茫不記憶而何身處與委蛇不置可否竟甘負破格 奏委之苦心均堪痛恨未使畏威安能懷德不爲搜剿之謀轉盼範圍早就該守等用心不週重賞甘言誘其口口盟誓敷衍了結而已不料敵兵轉餉百費經營仍蹈上年覆轍言之實深憤懣自來辦結夷案口口者率非真正夷首捆獻者大都非無用之家娃即被擄之難民皆由敷衍結局是以旋結旋叛現在該逆等尙無悔罪之請該守等已存苟且之心何以靖邊陲而規久遠總之此案必俟該逆創鉅痛深具心乞降再行詳細稟陳聽候核辦仰即凜遵批飭奮勵精神切實辦理倘再玩視軍務貽誤機宜該鎮府等斷非參革所能蔽辜云云 夷匪自戕鳳大臣後聯合各寨土司叛逆并聯名具稟錫清帥及有副戎並宜告各處謂向來欽差只住巴塘三日由土兵保護鳳大臣不應帶兵一住數月致使無從支應而帶來兵丁盡係洋式又調土兵練習洋操概將糧食買盡尤不應禁止丁甯寺喇嘛喇度所以代 大清皇帝將此貪官污吏殺却總之 大皇帝大帥萬勿動兵報仇若果兵來則全邊全塞惟有抵死相拒云云

廣東 羅定州屬會黨賴亞發有左右翼先鋒陳亞容梁亞就均兩龍人分往各處誘人入會謀爲不軌約期起事爲各鄉耆紳知覺當即面稟州官請上憲移營解散云云 靈山首要著匪黃天堂九等向與西匪勾通近經統帶欽廉西路續備軍宋觀察職擒傳首靈山縣示衆自餘匪黨分別剿撫并搜獲匪槍二百餘桿一律肅清

廣西 柳州保安營擊獲匪首潘日新一名積匪歐老三等十名得無煙槍一枝治斗團斃匪黃老四一名四鄰團斃匪軍老背一名共得針槍兩枝割取首級示衆潘日新等訊供後稟奉右江道王觀察飭即懲辦備供稟報 中平城匪會

軍 事

三百十六

九 月

四會十一會亞掌三名均王田悍黨近因潛回該墟爲馬統帶購線全獲均解交象州訊明正法又象州北鄉團紳覃元在恩勞村圍捕著匪潘老恩章老平當場擊斃斬級以獻署象州牧孫直刺立即給賞飭將首級資回懸示 馬平縣首要著匪章立冠張老佑張老社覃老一張老六覃老告並二三等頭目尙未悉獲餘黨亦多散匿巖穴頗難搜捕現經柳守在鄉查辦該縣周大令復督親兵協團嚴緝拿獲張老佑覃老告等二名懲辦 降旨陳天雄本館容縣著名匪首糾黨三四百人盤踞運江一帶屢剿未平自統領柳河水師又兼統成字兩營胡副將令宜設法招降留成字營効力詎陳降順雖久依然桀驁且糾黨滋擾屢戒弗悛及中渡殺降之案傳播遠近陳頗不自安胡統領以爲若不設法殲除必生他變一面密爲布置一面飭陳隨同出差行至象州二塘地方即將陳天雄斬決其黨悍目九人亦一併在成字正營醉而誅之餘黨遂各逃散 以上柳州

黃和順黃五嫂及周特先餘黨等百餘人撲攻高井寨司地方該司巡檢程二尹憲章迎敵敗績受傷身死匪遂大肆淫掠復攻破圍堡數處乘至七百餘人 以上恩恩

鬱林州屬逸匪頗多著要近經該州牧唐直刺設法購捕已陸續拿獲梁會大及楊馬留等共十四名又在北流縣境獲匪謝泗等四名已稟報省憲懲辦 以上梧州

桂平縣屬著匪頭目梁亞福久緝未獲嗣該匪首潛匿大滄江附近村中經線工密報由署桂平縣覃大令飛派親兵幹役會圍往捕適該匪首正在村內金王廟聚賭遂爲兵役圍擒卽行押解回縣甫出村寨數里卽有匪黨數十人追奪槍傷兵役兩名將梁亞福搶去各兵役見匪勢狂悍奔入鄰村躲避匪竟追至該村嚇逼村民將兵役等趕出村民尙猶豫間匪已縱火焚燬村口草屋數間并放槍數十響兵役僅十餘人伏不敢出危迫之間適有大隊營勇經過匪始遂巡遁

去 以上海州

左江匪首黃和順自竄擾武緣後復潛回宜化五塘糾集悍黨百餘人直至二塘攻掠團總林紳家因林紳昔曾帶練隨同官軍剿匪殺匪頗多又剽燬黃和順祖墳故黃逆恨之當其帶匪至二塘時林紳率練勇抵敵以寡不敵乘敗退入村練丁四散林紳率子弟兵十餘人閉戶自守匪攻入後即將林紳焚害支解並斃斃四命重傷七人僅逃脫兩人飽掠所有而去鄰村民黃逆兇殘不敢援救事後始聯名赴城稟報云

### 日俄戰事紀要

#### 庫頁島第二戰

庫頁島南部自爲日軍佔守以後頗有再接再厲之勢六月二十二日下午一鐘俄兵之在第一愛爾科夫者日軍復擊退之凡自坡羅溫塘以迄第二愛爾科夫一帶之地皆爲日軍佔據是時俄軍共有步兵一大隊義勇兵若干並野戰砲八尊悉向尼羅科夫潰退先是日兵一枝隊由片岡出羽兩艦隊援護運送至亞力山大夫斯甘海口上岸俄軍欲焚燬建築各物經日軍力擊登岸俄軍未及焚燬而遁日軍遂一律佔據並無損傷俄軍反攻數次皆被日軍擊退復會同魚雷艇隊進擊波曼台地方俄兵敗之而佔其地是日三鐘日軍別一枝隊佔領第三愛爾科夫復以一枝隊派往亞力山大夫斯甘城攻擊俄軍至七鐘十五分即將該城佔領時俄軍之在城東堡莊及東北高原者抵抗日軍甚力二十五日黎明日軍復猛力進攻遂迫俄軍退走努伏彌差羅夫斯開更將枯依城佔領是役也共獲俄俘二百名糧食及軍用品甚多二十五日下午日軍騎兵隊逕入魯衣科夫市中因有警備至夜即退二十六日上午三鐘日軍左縱隊續向魯衣科夫進發以圖佔領先遣前鋒會同騎兵攻擊該市北面之俄軍隨即直入市街與之巷戰至八鐘三十分已將該市全

軍事

三百十七

乙巳

軍事

三百十八

九月

部佔領日軍右縱隊亦在維德尼哥斯克附近破走俄軍二十五夜俄軍大隊倉皇北遁日軍派兵追擊翌日及之於魯衣科夫之南與俄步兵八百人交戰俄兵死者二百人逸者一百人餘皆爲日軍所俘是日下午日軍騎兵進攻俄軍於帕利烏大敗之獲野戰砲二尊及砲臺車輛槍彈等甚多二十七日復會同新增援兵窮追至陀崙之南俄軍益憊不能支二十八日俄司令長官利波諾夫遺書乞降日軍許之惟勒令將軍需各品悉行交出限於次日上午送至亨達塞地方交納俄官答如命於是利波諾夫及其將校七十員兵士三千二百名同降於日軍而日軍軍政遂得施行於庫頁全島矣

中立彙誌

中國 直隸大沽口外查獲民船一艘內載牛乳洋酒呂宋煙等二百七十餘箱均係戰時禁品立即將船扣留並將船月甲乙解送天津發縣嚴訊拘留貨物亦悉行解往天津此後大沽一帶除原派巡警稽查禁貨外大沽協及新關並各派官輪一艘幫同日俄所派稽查輪船盤詰出入以維中立之局 華人趙須榮傳之英王文等三人利俄軍之賄偽裝商人至津結託外國人等暗購銃械藥彈潛輸往新民屯附近接濟俄軍警務總局查知其事遂將趙等三人捕獲搜出彈藥九百顆新式槍四桿以及其他軍械三件訊供私運軍火接濟俄人不諱判將主謀之趙傳二人監禁十年兼作苦工王係從犯從寬判禁三年兼充苦工 俄國病院船科斯脫羅馬自對馬海戰後爲日人拘至佐世保旋查其無違背海牙條約情事將其釋放於五月十二日行抵上海船上有看護婦三十二名病人六十五名 駐華俄使向政府聲明中國須將蒙古一帶之中立地再爲擴張限於六月一日以前實行其事又須於此期限內令駐紮新民屯之日軍退去否則俄國不復認關外鐵道一帶之地爲中立地而將從蒙古進軍該處云云旋政府答以今日兵撤退新民屯一事現

正向日本交涉者俄竟蹂躪蒙古之中立而加危害於關外鐵道一帶則賠償之義務須由俄國擔任云云 吉林華官王立山紳商劉康平趙常清及其子趙同貴因憤俄軍蠻野不遵其命故俄軍視該四人若仇敵突派兵丁將其拘去並籍其產業謂係日軍奸細理應處死云云該省將軍即電達外務部請與俄使交涉云 日本兵官帶兵至昌圖府屬康平縣索取所押命盜重犯八名縣官不允勢將用武只得點交日官帶走現由外務部照商日使屬令交還 六月初四日外務部照會各國駐使及日俄駐使聲明議和條款內如有牽涉中國事件凡未與中國政府商允者概不承認云云 蒙古寶圖郡王咨呈外務部略謂戰國兵隊入界搜括牛馬糧食民間受累已深近更有日本所募匪隊趙五把等率隊闖入聲稱假道赴哈爾濱當遵守中立嚴拒而該匪等膽敢開槍攻擊傷斃團丁多人不得已督隊抵拒該匪隊散潰四散恐其捏詞挑唆又生交涉特此呈明云云 四月下旬有俄人突至海龍府屬西豐縣署屬德大令凱將命案犯人釋放德大令未允俄人又強指鈕河團警兵為日人間諜送縣訊辦德大令因無憑證即行釋放俄人因而遷怒越日俄武員米海羅夫驟入縣署將德大令拘往孤家子並派俄兵至某營將快槍五百餘桿子母彈四萬餘粒一併搜去俄人猶以為未足復向西豐縣典史孫少尉逼索在押犯人干鳳海林永春二名孫少尉未允俄官復帶同通事郭錫善逼令啓獄即將二犯提去留下俄文執照一紙盛京將軍聞報後即電告外務部請向俄使理論並請速將德大令釋回越數日始得俄使照覆略云現已轉達俄軍司令官查辦若有此等情事即行釋回云云 又康平海龍總巡程克寧亦被俄兵凌辱備至槍枝馬匹均被奪去 日軍佔據營口後以城東之牛家屯係俄人汽車總站遂為卸積軍實之所再行轉運內地日役華工千百人近忽出令凡在廠作工者悉給腰牌出入稽驗否則不准濫入如違則治以軍法某日有某縣令之猶子因入省路經該處閒步入廠日兵索驗腰牌無有立即縛去監廠官疑為奸細力辯不聽飭令梟首示衆

軍事

三百十九

乙巳

在奉天之日軍以山東人犯鳳臺有爲俄人作僥倖事其罪不亞於李某故亦懸賞十萬元以購緝之 六月初旬政府向日俄及各國駐使通告言將來日俄和款所有關涉滿洲之條件中國無應當服從之義務駐華日使當即覆答云和約應由日俄決定貴國此際惟應信賴日本必無有所危懼日本則僅欲爲保全東方平和起見出於公明正大之處置而已 俄國醫滬船員爲數甚衆前曾由外務部商請日使擬請准其具結回國旋據日使復稱膠灣西貢扣留之俄國弁兵德法兩國已聲明不能放還中國亦應照中立例管束云云外務部以日使不允當即電告江督轉飭江海關道申明約束妥爲防範 駐華代理俄使照會外務部署稱日人在奉天徵收地糧關稅出示採辦牛隻豈獨無礙中立何貴國置而不問今本大臣已調查確實請即示復如貴國不加攔阻則俄亦得在滿洲及其他境內同享此權利云云外務部即照會日使并電北洋及廷將軍速行攔阻并將俄使所指各節先行查復 六月中旬外務部堂官親覽 皇上手書一函送呈美使轉奉美總統書云大清國皇帝致書於美國大總理璽天德殿下屢承垂念敵國維持調護以保全東亞平和厚誼殷懃感無既茲值日俄戰氛近逼蒙大總理璽天德首倡和議不但解兩國之紛實以定全球和平之局敵國雖處中立而邊境盡爲戰地得叨福庇受賜尤多但兩國和議條款關係於敵國者甚重尤望大總理璽天德秉持公理終始玉成俾得永保先業無損主權此朕所幸盼禱祝者也惟大總理璽天德圖之

各國 英船聖基爾大由新加坡起程擬取道香港以往日本中途爲俄艦納伯拘留該船所載者郵件之外全係米糧經俄人一一查閱即命該船中人速行離船旋即發破將該船擊沈內有發往日本郵件均被毀滅并拘捕其船主及隸籍歐洲之水手等官將送往波德些德埠其餘華人四十一名郵件若干袋概交荷蘭商船佛羅斯轉載旋由駐俄英使海定治照會俄外部藍姆斯當夫聲稱俄艦擊沈英船聖基爾大一案必須向俄索賠請設法禁止以後不得復有此等

舉動藍姆斯會夫允將此案移交海軍省辦理 俄假裝巡洋艦來恩至荷蘭巴特爾斐亞埠上煤有下士官兩人兵四十名逃逸登岸均爲荷官扣留 日本橫須賀捕拿物裁判所已將所捕之艦威國商船亨利包爾科判定充公 前駐日法使之武隨員鮑哥恩大尉曾以洩漏日本軍情被捕後定以監禁十年兼作苦工之罪旋因有疾交保釋放日皇復赦其罪無庸再行拘禁其所屬之日人某曾定監禁八年之罪者亦蒙赦宥 俄國補助巡洋艦利那曾於甲辰年九月在舊金山拘禁今已釋放

### 和局可成

日俄自對馬海峽大戰後美總統出爲調停日俄皆允其請遂各派重臣予以全權以便開議和款俄宰相維特等日外都大臣小村壽太郎等同爲議和專使共認美國拍司謀夫爲會議之地各由本國先後起程

### 日輪遭擊

日本大阪商船會社所租德船忒他士斯由北海道裝運鐵路軌料前往大沽行至高麗海面忽與俄國假裝巡洋艦黎杭斯<sup>即斯莫倫</sup>名相遇不及逃避竟被擊沈船員及水手等均被帶至南洋爪哇島之巴達菲亞云

### 俄員被擒

俄艦厄蘇瓦羅甫之下士官一人水手十三人押解英輪俄爾罕米亞之船員前往海參崴行至庫頁島之橋子島崎旁近爲日本陸軍所獲

### 各國軍事紀要

土耳其 六月中旬土皇在回教聖沙飛亞會堂行禮畢方出大門忽有以開花彈向之擲擊爆裂之處近衝死傷者頗

多士王幸免於難

俄國 瓦爾預有社會黨以官兵前在耶路撒冷愛芬紐路茶寮百姓皆出於警察官阿伯拉海塞克之謀羣相恨之繼有該黨人與之相遇遂出手槍斃之又有警察長兩員警察副長一員亦為革命黨所擄必欲致之死地云 莫斯科太守蘇瓦羅孚伯爵當收受百姓稟牘之際忽為人以槍擊斃當將兇手拿獲 高加索省梯爾斯革命黨聲亂即尋獲私造炸彈廠一所得炸彈二十八枚火藥炸藥五百箱獲亂黨十二人 黑海艦隊之坡梯艦及忒勞兩艦兵士突然叛亂俄皇聞報立將該管帶員撤任奪其所賜寶星並命其須將坡梯艦立時捕獲或即將其毀滅坡梯艦旋向羅馬尼亞乞降而忒勞艦員一百五十名則拘至色伐斯拖波破臺內監禁

希臘 希臘國首相兼內務省大臣達爾益尼斯當出議院時有人近前作歡迎狀乘其不備突出利劍刺之直中其腹遂即斃命當將兇手拿獲訊供因禁賭太嚴故出而復仇云

荷蘭 荷屬西里勃斯島 在澳洲北海岸土人作亂荷蘭已派兵由板替羅登岸向北進發

匈加利 匈加利國近有亂事該黨中人已發布檄文迫令商民不准繳稅並不得充兵



希臘史

每部一册

價洋七角五分

日本桑原啓一著中國國民叢書社譯○泰西文化發源希臘欲知歐洲諸國今日之盛不可不知溯流而尋其源是書記載最詳譯筆雅飾蔡民友先生序謂必為歐化家所歡迎非虛言也

羅馬史

每部二册

價洋八角五分

日本古部百太郎著鄧縣陳時夏章起涓章師濂鎮海胡絳時同譯○羅馬為歐洲繼古開今之一大關鍵其歷史之關繫重要不問可知是書取材繁富紀事詳明著者自序謂英雄豪傑志士仁人聖君賢相文學名學美術雄辯之輩雲集總舉肩望踵接驚天動地變幻出沒幾如山陰道上使人應接不暇洋洋乎誠史乘之大觀也書中附名人小像十餘幅英姿颯爽面目如生尤為本書之特色

蘇格蘭獨立史

每部一册

價洋二角

美國那頓著本館譯○蘇格蘭當十三四世紀間陷於英國其受壓制之慘幾不忍言厥後蘇格蘭出於能光復舊物再造新邦是編紀其先後戰績及修明內政恢復獨立之事有志者事竟成願我國人取以為鑑也

商務印書館出版  
歷史類

法蘭西史

每部一册  
價洋三角五分

本館編譯○凡五卷一上古政治二封建時代政治三立君政治四革命時代政治五今世政治自紀元前迄十九世紀一切人物政教風俗文治武略先後敘載詳審精密我國編譯史書尙無法蘭西史此可爲之嘆矣

俄羅斯史

每部一册  
價洋五角

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列侯時代迄前皇亞歷山德三世疆域之開拓政治之變遷鄰交之得失君權之隆替原原本本記敘賅博

日耳曼史

每部一册  
價洋七角

英國沙安著江甯張鑄譯○書凡二十章三百八十三條自古以至近世其中盛衰分合存併攻奪之迹靡不具載日耳曼處歐洲中原其先爲無數小邦互相剽殺無甯日自威廉第一勝法後克成一統之業內安外攘遂稱雄於世界世有抱轉弱爲強之志者不可不熟觀其書

埃及近世史

每部一册  
價洋四角五分

日本柴四郎著本館譯○埃及久困於土耳其洎讓罕默德阿梨起能與土抗雖未能完全自主而英名偉績固已炳耀寰區祇以繼體無人遂爾凌替其弊在國是不定舍己從人一切變法皆爲取悅外人之具故

商 務 印 書 館 出 版  
地 理 類 地

中 國 通 覽

每部一本  
價洋五角

是書於中國地理政治工商業等記載明晰揭要刪繁適於實用原本係日文乃為日人來吾國者導引之書  
吾國政治界實業界中人苟取而讀之則於己國情勢瞭如指掌即用為中學堂課本亦可稱完善者也

最新 滿洲朝鮮地圖

每幅價洋五角

滿韓一隅為近日世界之爭點東亞大局關係於此日俄戰後尤為世界所注目我國士大夫有經營宇內之  
志挽回時局之心者不可不備此圖

滿 洲 地 志

每部一本(洋裝)  
價洋七角

日本參謀部原本本館譯○日俄交戰實肇端於我東三省滿洲一隅愈為世人注意之點本館先印最新滿  
洲朝鮮地圖以備世人研究惟有關無志終錄未便昔人龍沙紀略松漠紀聞等書皆嫌陳舊茲覓得日本參  
謀本部近刊滿洲地志記載精詳圖畫明確發售即行重印以冀留心時事者之參考

商 務 印 書 館 出 版  
政 治 類

萬國憲法比較

每部一冊  
價洋三角五分

日本辰巳小二郎著房顯誠譯○是書於各國政體之得失憲法之異同比較明晰評論精確讀之可知各國憲法之體裁及憲法之沿革

憲政論

每部一冊  
價洋四角五分

日本菊池學而君著侯官林榮譯○凡事皆先有理論而後有實事我國渴望憲政已久願理論尙未完備是書以論其精而譯者亦能達其論旨不失分毫

議會政黨論

每部一冊  
價洋五角

日本菊池學而而著譯○歐洲政界傑其精者為議會為政黨日本步武泰西遂雄東亞盱衡中原大勢必當同循此軌菊池法學士政學湛深著為是書夙推佳本亟即印行以為將來立憲之先導

萬國國力比較

每部六冊  
價洋二圓五角

英國歐化著日本菊池學而著譯○是書廣集各國政府統計報告而成於五洲萬國實情文野程度之差考察精詳分領地人口商力蒸汽力農林漁礦製造等業貿易運輸

## 教育

普通學校宜兼課兵學說 錄乙巳六月十一日大公報

今日中國所視爲切要之圖者無他焉。興學而已。練兵而已。興學所以培養一國之人才。練兵所以擴張一國之武備。其事似判然分爲兩途也。然以予之所見者論之。則竟可合爲一事。何則。今泰西各國之所以強者。通國皆學。亦通國皆兵。當齠髻之年而不入學。則罪其父兄。屆弱冠之歲而不當兵。則罪其本身。而凡入學者。無不有以養成其軍人之資格。以備異日于城固圉之選。如軍歌也。測算也。繪圖也。體操也。皆軍人之所不可不學者也。西人不惟於普通學校中設有此數種學科。卽幼稚園中亦設有此數種學科。蓋欲其童而習之。以便壯而行之。不必待其選入陸師水師等學校而始得稱爲軍國民也。中國三代之時亦然。樂正有舞干之典。澤宮爲習射之場。射御書數。一身兼通。俎豆干戈。同時並授。其學成畢業而釋褐登朝者。無論其爲大夫卿士。一旦有軍旅之事。則身甲冑而手戈矛。變而爲將校兵弁矣。故曰。有文事者必有武備。蓋當時學校之盛。軍備之衆。固有非後世所能及者。考之禮經王制一篇。當時中國之地。畫爲九州。除一州爲天子之國以外。自餘八州。則每州建百里之

國三十。七十里之國六十。五十里之國百有二十。凡二百一十國。八州之地。共爲一千六百八十國。而以大國三軍。次國二軍。小國一軍計之。除天子之六軍以外。當爲一千六百四十軍。以每軍萬二千五百人計之。當爲三千一百萬人。以視目下中國現有之兵額。幾多至三十倍。此三千一百萬人者。蓋皆由黨庠塾序之中。禮陶樂淑而出之。人人知有執干戈衛社稷之義務。非後世得諸倉猝召募之軍士所可同日而語也。夫兵出於學。是以兵必兼士之名。而謂之兵士。逮三代以降。乃判文武爲兩途。而古制寢亡矣。雖然。亡於中者。不亡於西。人所設之各種學校。莫不有尙武之精神寓乎其中。其所以特於普通學校之外。另設陸師水師兩種學校者。實緣近一世紀以來。兵制日備。兵械日精。爲兵士者。非授以專門名家之學。則不能勝任。而愉快。非謂普通學校之內。不必兼課兵學也。今者中國雖學務大興。學堂林立。而專講兵學者。尙屬寥寥。且所謂大中小三等學堂者。僅以教授中西文字爲目的。其餘不遑計及。其尤爲腐敗者。則謂學生不宜令知兵學。甚至并體操而亦廢之。殊不值通人之一哂。竊以爲中國而不欲興學。則已如欲興學。則凡屬普通學堂。均宜兼設測算繪圖體操軍歌各課。尤宜於閒暇之時。並習打靶技擊。俾學生一經畢業。卽具有軍人之資格。其應升入高等學堂者。必先儘陸師水師兩學堂挑選一過。餘始令習他科。如是。則人材衆而民

氣強。可以逐漸擴充而行通國。皆兵之制。蓋寓練兵於興學之中。則興學即爲練兵之起點。兵出於學。則皆上知愛國。下知愛羣。忠信以爲甲冑。禮義以爲干櫓。萬不致陷中途。譁潰臨陣。退縮之覆轍矣。願中國之策治安者。幸勿河漢斯言也。

說報錄乙巳七月二十四日南方報

報章之進步。視社會爲緣者也。蓋報章之進步有二。因而皆緣於社會。其一爲作報之人。受社會之影響。夫作報之人。其思想言論。雖異常倫。然其人既受社會之薰陶。初未嘗大相懸絕。如崇八股之時。則言改試策論者。已爲特識。當閉關之際。則言通商游歷者。已稱知幾。待其後社會之程度愈高。則凡立言者。又必務出乎普通社會之所未知。以矜先覺。昔之言改策論者。今必言廢科舉矣。昔之言通商游歷者。今必言興實業教育與留學矣。由是類推。則凡社會之程度高一級。作報之人之程度。亦必更高一級。其一爲報章因社會而立言。夫天下未嘗無遠識之士。然立言太早。陳義過高。入裸壤而耀山龍。見弓彈而求鶉炙。紙增抵牾。何補事機。故明知取法乎上有不得不先取法乎中者矣。明知所要在甲。有不得不先言及乙者矣。非識慮有所不及也。因時立言。不得不爾。故社會之程度不增。則報章之程度亦因之稍遜。此報章與社會之大關係也。吾國之有報章。越四十年。其初起時。主之者初未嘗有

教育

三百七

乙巳

意於社會之進步。其實際祇供官場之用。體例既多未協。紀載尤患多謬。此其人因受社會之影響。致無進步者也。迨丙申丁酉之際。報章雲起。主持大半通人。發論既有本原。辦事亦具條理。然其失也。偏於懸想。而不根於學理。好爲高論。而不切於事情。雖有振聾發聵之功。而無宏毅任重之力。緣當時社會。雖稍開化。然多數頑蔽。無異於前。諸君本特異之天姿。受外緣之刺戟。艱難奮起。良有足多。然舊社會之薰染頗深。尙未能擺脫一切也。至辛丑壬寅而後。遊學生之出報者漸多。前此秉筆之倫。亦多更習於事。於是議論漸歸純實。學術多所發明。而社會亦歡迎之不暇。足徵報章之進步。實與社會之進步爲緣。世人祇知報章能促社會之進步者。實一孔之見也。然諸君見理雖瑩。以朝野上下痼蔽太深。則其立言也。往往降格相從。以冀其易悟。如科舉未能卽廢也。則先勸辦學堂。徵兵未能卽行也。則先勸改營制。如此者。雖持義非甚精確。然因社會幼稚。不能不委曲言之。是非立言之人。程度不高。實緣社會程度尙低。尙無能受此言之資格也。比者時艱愈棘。外交內政重大之問題亦愈多。然朝野上下。漸已廓然開明。在上者如調查憲法。改革軍政。更定刑律。在下者如爭粵漢鐵路之廢約。爭美屬華工之禁約。皆虎虎然有生氣。且對待施行之法。皆有條理。非以前之敷衍豪昧者可比。是社會之程度。較前已高一級。則凡對於社會而立言者。其程度亦必增高。



然後足以相副。繼此以往。諸事之應辦者愈衆。則報章之陳說愈難。諸事之待舉者愈多。則報章之責任愈重。我國報章之發達。約可分爲數期。光緒初元至甲午以前爲萌芽期。甲午後至庚子前爲發生期。庚子後至甲辰前爲增長期。甲辰後至今則應由增長期而入成立期。夫人之生也。必具五官四支。聰明智識。體格堅壯。思慮徇通。然後可謂之成立。今報章既由增長時代而進於成立時代。則其識見。其學問。其思想。其議論。皆必由粗而歸於精。由渾而歸於畫。由膚而歸於切。然後足以盡監督國民之任。而奏改良社會之功。我同志而不欲肩此任乎。環顧中原。寥寥無幾。處八面受敵之局。際萬端待理之時。又當報務更張之會。而僅恃三五報章爲之鼓吹。風雨如晦。而雞鳴。輟音來軫。方道而馬。瘞致歎。我國民其謂之何。此則本報之所以不能無作也。

署兩江總督周奏選派員匠分赴英德各廠學習製造以裕軍儲摺

竊查上海製造局諸事廢弛亟須改良。經臣與北洋大臣商定辦法。劃出船塢另派大員經理。前經奏明在案。查滬廠所造彈丸火藥鍊鋼製礮等事。皆因摹仿而成。非由心得。終未精良。上年曾派員匠赴鄂廠考察。以期觀摩取益。惟良匠難攬。且滬廠機器不全。非赴外洋細心考驗。無從購補。查製槍製礮爲費甚鉅。非一時所能驟辦。彈丸火藥則須多製以供操防。

現查南北洋所用各種槍礮之彈丸無煙藥栗色藥皆爲行陣要需刻不容緩應卽先就現有經費加工精製以儲軍實一面選派委員學生帶同明練機匠同赴英德各名廠學習講求並考察製造槍礮彈藥及鍊鋼之法學生未習機器則藉匠人爲目驗匠人不通言語則藉學生爲舌人兩者相成易於深造至稽查約束須人經理查有分省補用道李經紱精練核實堪以委令帶往應如何分駐各廠分習機件俟到歐洲後稟商英德駐使博訪周諮擇定分派所需經費仍就滙廠籌撥但學成歸國至速計須數年工匠不能久閒機器不能虛設此數年中擬先雇東西良匠來滙試辦訂立合同約定期滿華匠學成可以自行製造卽仿日本辦法將洋匠辭退如此前後承接則目前既不曠誤後日更復精良此誠正本清源之計用費雖鉅成效可期臣與北洋大臣袁世凱往復電商意見相同擬卽照此舉辦謹 奏奉 硃批該衙門知道欽此

山西巡撫張奏籌款開辦師範學堂先授簡易科摺

竊維振興學務以多設蒙小學堂爲始基而成就教員尤以開辦師範學堂爲要務晉省各蒙小學堂雖已次第設立而教員不由學堂出身一切管理教授未能如法實有師勤功半之虞臣自前年到任屢思措辦此事祇以財用奇絀無款可籌未能舉辦去冬查得各州縣

解司錢糧向有加收寶定升平銀一款藩署書吏於前撫臣張之洞批准每兩六錢外又加收錢其釐稅等款向無升平者亦私自加收經臣飭委前臬司豐仲泰提集審訊查出淨收之數甚多當飭大加裁減釐定章程計提撥歸公之款每年約一萬三千餘兩又有州縣節省規費約銀二萬五千兩現議歸公之款撥充學堂常年經費而以州縣節省之費酌提萬金令解充學生膏火均自本年正月爲始其開辦之費則用上半年積存之款以吏胥中飽之資爲造就教員之用不必另籌別款諸從撙節已可敷用因與學臣寶熙會商就省城舊有令德堂書院改爲師範學堂分飭各廳州縣保送學生並查明鄉試薦卷遺才及學臣歲科試所取優等各學生一併調查擇其文理優長品端體健者送取二百名先令試習三箇月考留一百六十名遵照 奏定章程先授簡易科定一年半畢業延聘留在日本師範學校畢業之內閣中書羅襄爲該堂監督專事教課又派候補知縣李兆麟爲提調綜理該堂庶務應延各分教習查有上年派赴日本肄習速成師範生即將回晉堪以委令分充試習期內派員暫代現已於六月二十二日開學俟來年年底該學生等畢業考試給憑分別程度淺深派充各廳州縣初等高等小學堂教習庶幾學有淵源管理教授悉合法度將來俟簡易科師範生悉數派出再當接辦完全師範以期仰副 朝廷興學培才之至意謹

奏奉 硃批學務大臣知道欽此

署兩廣總督岑等會奏籌設兩廣遊學預備科造就高等師範摺

竊維興學育才爲今日自強之要政朝野上下盡人皆知然而 朝旨敦促亦已數年興學之效仍未大著何也此其故固非一端而大端則以無師範故目前所需用者尙止初高等小學之教習學科程度並不高深物色教習已甚難得三五年後中學徧設物色高等師範自必更難奏定章程原令各省設立優級師範學堂惟此時無合格之學生仍從初級師範辦起必待八九年後始有畢業學生可用固屬緩不濟急而求優級師範之師範則難而又難臣等再三商酌擬於廣東省城設一遊學預備科考選中學已有根柢及普通學略經研究之學生一百八十人在內地預備兩年精選百二十人派赴日本直入彼之高等師範學校本科留學查該學校本科係分四部除第一部注重言文非我所急無庸派人肄習外其第二部以地理歷史爲主第三部以數學理化爲主第四部以動植礦物生理等爲主皆我今日學堂中重要之學科擬每部派學生一班肄習日本高等師範學校東京廣島各有一所我派往之學生如一校不能容可分入兩校惟受業時必以與日本學生同班爲最要現已由臣春煊特委專員赴日稟承駐日使臣楊樞與日本文部商訂辦法預備科應用課程

及教習並由派往之員與日本文部分別議訂延聘總期兩年之後即可直入彼之高等師範學校本科合計預備兩年本科畢業三年五年後即有高等師範可用優級師範學堂學科大致仿照日本高等師範學校編定惟經學諸子學爲我有而彼無羣經諸子國粹所在誠不宜轉使闕略但此乃我固有之學日後補習或於暑假年假內補習亦不甚難此項派往師範學生姑以百二十人計每年學費約需五萬金現經臣春煊等與臣經羲電商將來畢業選派出洋時何省學生即由何省籌費惟此時臣等雖意見相同會商定議所慮者學生出洋尙在兩年之後彼時設有異議此舉即廢於半途合無仰懇 天恩飭下總理學務處立案將來兩廣無論如何爲難此舉不得中輟庶於兩廣學務有所裨益謹 奏奉 硃批學務大臣知道欽此

陝甘總督崧奏甘肅文武學堂籌辦就緒酌擬章程請 飭部立案摺

竊於光緒二十八年二月先就省城書院改課策論算學一面籌款於省城南門外樓閣局傍擇地修造學堂委員赴南洋考察學舍課程規模延聘西學教習添購時務書籍暨應用各種儀器創辦大概情形業經奏明在案嗣據文武學堂提調即補知府楊增新詳稱文高等學堂自二十八年十月初一日開工起至二十九年八月底工竣計修造講堂齋舍客廳

藏書樓各房屋一百八十七間製造器具七百六十二件武備學堂自二十九年九月初一日接修起至三十年四月底工竣計修造講堂齋舍一百九十九間另修師範館房屋三十五間內外操場各一所製造器具一千八十九件計文武學堂共修房屋四百二十餘間器具一千八百四十九件工料等項切實撙節共用銀六萬三千五百三十三兩九錢一分七釐此修造文武學堂工程用款之實在情形也又委員教習學生執事人等即於二十九年九月初一日移駐新修高等學堂考取學生一百名一應學規悉遵 欽定章程辦理統計每歲額支銀一萬二千五百餘兩武備學堂因經費支絀招考非易即由通省標營挑選文理清順年力合格學生八十名各帶本營馬兵錢糧一分再由學堂津貼火食統計每歲額支銀七千八百餘兩文武兩學堂定額之外均有附課學生無論客籍土著官場子弟有志向學者許捐繳學費考錄肄業以廣造就計兩學堂每歲額支銀二萬餘兩製辦活支各款不在其內此文武學堂常年經費之實在情形也自開學堂以來奴才不時率司道等分赴學堂按課察看教習學生皆恪守學規蒸蒸然日有起色上年曾准學務大臣調取甘肅學堂史學輿地算學各國語言文字各學生四名赴京業經考取收入京師大學堂分門肄業在案現在武備學生入堂未滿一年一切柔軟體操器械體操兵操卓然可觀此皆提調卽補知

府楊增新及幫辦卽用知縣劉春堂等稟承司道昕夕在堂督率稽察各委員教習等口講指畫勤苦異常始克有此效驗邊省人心質樸風氣初開倘能恪守定章始終不懈將來畢業必有蔚然可用之才此又奴才所期望忻幸者也茲據司道何福堃等開摺詳請 奏咨前來奴才覆查均係現辦實在情形惟學堂工程及經費銀兩係由藩庫釐局兩處隨時借支俟籌有的款再行撥還應請開單報銷免造細數清冊以省繁牘謹 奏奉 硃批該衙門知道單二件併發欽此

署貴州巡撫林奏開辦蠶桑學堂請 飭部立案摺

竊維農桑之利從古並重然以食爲衣者利有定以衣爲食者利無方故蠶桑之利視耕稼爲尤厚禹貢九州多以田賦蠶桑並列而於梁雍等州未之著錄後人遂有地土不宜之說不知天道變化不主故常幽原桑蠶岐山壓柘周人之詩已殊禹貢至於成都之桑蜀地之棉皆可爲梁土宜桑作證滇黔於古皆爲梁州之域臣前在雲南巡撫任內購種各省之桑已長成百數十萬株參用西法養蠶出絲可與江浙相埒貴州遵義湄潭亦係取山東之蠶用山東之法流衍布濩利被至今其非不宜蠶桑尤爲近而有徵臣去冬奉 命移黔卽沿途查勘土性雖沃饒稍不如滇而荒棄究屬可惜抵黔以後又查知前撫臣潘蔚購種浙桑

尙有存者各屬得蠶桑之利有數州縣因集司道會商僉稱黔省貧瘠爲天下最可憐所入每歲僅一十餘萬現在生齒日繁若不爲開濬利源將來不免凍餒遵義府綢現已議設公司力求推廣桑蠶養之於家施工尤易出絲又可銷行外洋開邊民之風氣保中國之利權事誠無急於此從前因辦理不善利益未著小民不知其失由於科學不明輒謂浙湖佳種遷地弗良官府勸誘之言概弗深信今非及時改良示以近利衆情仍不免疑阻因議於省城設立蠶桑學堂講求科學仍就現有桑株試辦養蠶以期成效當即電致浙中聘定教習隨帶種桑養蠶工人兼購儀器蠶種尅日來黔一面札各屬選派學生送省入堂肄業委按察使全楨績爲該堂總理就舊有經世學堂齋舍分別修理由總理擬定章程擇期開辦臣查蠶桑學堂之設主於研究種桑養蠶各實業由中國之教法參西洋之新理因黔省之天時地利互相考證期以宜於實用學生分別堂內堂外兩級堂內學生課以養蠶製種繅絲栽桑各專門之學爲主以算學種植理化各普通之學爲輔兩年卒業堂外學生專在試驗場學習養蠶繅絲各法半年卒業堂內學生正取四十名備取二十名堂外學生不限定額堂中設監督文案收支稽查各員紳均由總理委派一切經費由善後局按月支撥所有聘定正教習陳翰副教習徐翻均係浙江蠶桑畢業學生已於二月底到黔臣卽於三月初



六日考選學生如額於十四日開堂送學堂外學生亦卽於是日起在試驗場學習一切惟桑葉太少養蠶不多又天氣寒暖不時異於內地出繭稍遲而病證絕少將來可望有成至各屬桑株現在已經飭查陸續報到有成活較多並已設局養蠶辦有成效者仍當授以新法責令改良其桑株較少或尙未栽種者亦飭令從速補種約計各學生卒業後卽可派往各屬逐一指授或添開學堂廣業甄徵以副致不資之富果其有成不徒爲黔省濬利源卽以抵制外洋塞漏卮而興商務亦所不難矣但在事人員非優加鼓勵卽恐事廢半途據總理蠶桑學堂按察使全棟績詳請具奏前來合無仰懇 天恩飭部立案所有教習委員如果辦有成效准照學堂成案擇尤保獎高等學生畢業時照章考驗優予出身庶足昭激勵而期有成以仰副 朝廷崇實業以裕民生之至意謹 奏奉 硃批該衙門知道欽此

學務大臣奏據編書局監督編成鄉土志例目擬通飭編輯片

再據編書局監督翰林院候補侍讀學士黃紹箕咨稱查初等小學堂章程歷史輿地格致三科均就鄉土編課用意至爲精善謹遵原定章編成例目擬懇奏請 飭下各省督撫發交各府廳州縣擇士紳中博學能文者按日考查依例采錄地近則易詳事分則易舉自奉文日始限一年成書由地方官運將清本郵寄京師編書局一面錄副詳報本省督撫庶免

轉折遲延並令各省地方官先將本省通志及府廳州縣志郵寄編書局以資參考各處鄉土志輯稿送到由局員刪潤畫一呈請學務大臣審定通行各省小學堂授課又各省前次繪送會典館地圖並需各寄一分以備編纂之用如無印本可照底稿摹繪寄京各等因臣等察核各節均爲編輯課本力求翔實起見謹附片具陳伏乞 聖鑒謹 奏奉 旨知道了欽此

鄉土志例目 奏定學堂章程所列初等小學堂學科於歷史則講鄉土之大端故事及本地古先名人之事實於地理則講鄉土之道里建置及本地先賢之祠廟遺蹟等類於格致則講鄉土之動物植物礦物凡關於日用所必需者使知其作用及名稱蓋以幼稚之知識遠求高深之理想勢必鑿枘難入惟鄉土之事爲耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法無逾此者然必由府廳州縣各撰鄉土志然後可以授課海內甚廣守令至多言人人殊慮或龐雜用是擬撰例目以爲程式守令雖事繁但能徵本地讀書能文者二三人按月考查依例編撰不過數月即可成書事必求其詳核文必期於簡雅俟采輯成編一面將清本郵寄京師編書局一面錄副詳報本省大吏以免轉折遲延經局員審定刪潤俾歸一律訂成定本並各種教

科書發交各府廳州縣以為小學課本庶可成完全之學科迪童蒙之知識他日進學成才皆基於此賢守令幸勿忽視 鄉土凡分為四曰府自治之地縣所轄之州曰直隸州自治之地縣所轄之州曰州曰縣今於四者均名曰本境

歷史 本境何代何年置所謂本境者即現在之府州縣名也未置本境以前 唐虞夏商周屬何州 春秋戰國屬何國 秦漢以降何代屬何郡縣 何代改何州名縣名 既置本境以後 何代屬何郡何州何府

政績 官本境者有惠政均記之以年月先後為次約分三大端統古今而後仿此 興利 去害 聽訟

兵事 有全在本境者 或本境有何叛黨或他境有何叛黨來犯本境均錄其事之本末 有涉及本境者 如一大兵事或在本境為戰地或以本境為險要或在本境屯駐則節錄在本境一要事

耆舊 以本境之鄉賢為後學之感勸約分為二 事業 以實行為憑孝善於父母友兄弟睦 九族親於外親於友 姻親於友 鄰親於友 里親於友 是也 學問 以著述為憑經史子集小學輿地算學校勘醫學理化是也 凡歷代名儒名臣功臣名將循吏忠節為本境人者均應收入惟已見正史

及國史有傳者不必詳錄全傳但著錄姓名注明見何史何傳其事蹟果能感動人心者亦須節錄一二不見正史國史者應稍詳 附名宦祠 鄉賢祠 忠義節烈附入

人類 本境於旗漢戶口外有他種人者務考其源流敘其本末世系現在戶口若干聚居何村何山其風俗大略均應編入其種約分 回 番 畚 裸 苗 犒 獐 狔 狔

狼 皿 狹 打牲 貂 黎 土司 如土司不屬府州縣者則由布政司查明編輯

戶口 本境戶口丁數務查明現在實數編入如有兵荒疾疫及因農商各事情形變遷致與生齒盛衰聚散有相關之故者詳悉載入并查近年來本境 旗戶 男女 口若干 漢戶 男女 口若干

口女若干

氏族 本境有何大姓 某姓如何受氏 何時自何處遷居本境 至今傳幾代

宗教 本境所有外教務查明編入 回教人若干 回教與回種有分別回種係真阿刺伯者均編入此 喇嘛黃教紅教人若干 天主教人若干 耶穌教人若干

實業 凡齊民不入他教者務查明實業分而為四 士若干 農若干 工若干 商若干

地理 本境在省城之何方向若干里 凡諸方尚分四正四隅官里數以人行道計 在府城之何方向若干里

凡府與直隸州自治地無此條 本境四界係何境 如本境之界不止四境者則以四隅向明之 本境

分爲若干區 或名爲鄉或名爲村或名爲圃或名爲里各就其舊稱記之 何區在城之何方向若干里 區之四界係何區 城內區內有何古蹟祠廟坊表橋梁市鎮學堂 山 某山在本境治所之何方向若干里何區內或盤亙數區山之何方距何水若干里指最近處如近山有數水均詳之山內有何水源其水向何方流 水 敘水道之源委約分爲四 有源委全在本境者 某水源出本境治所之何方向若干里何區何山其水向何方流經歷何區何市鎮至何處與何小水會其小水發源何區何山向何方流經歷何處來會又向何方流至何處入何水約行若干里 有源委均不在本境者 某水發源何境何山何方流至何處入本境 入本境處在本境治所之何方若干里 向何方流至何處有何水自何方來注又向何方流過何城何區何鎮市何大山之麓 須明山之何方 至何處出本境 出本境處在本境治所之何方若干里 入何境內行境內若干里 有源在本境而委在他境者 敘法略同源委全在本境者但後不言入何水而言至何處出界入某境行境內若干里耳 有源在他境而委在本境者 敘法略同源委均不在本境者但後不言出本境而言入何水行境內若干里耳 又有人力溝通之水道務載明何方自何處上承何水向何方行過何地至何處注何水 凡水之可通舟楫者務注明自委上溯至何區何地可行大船自何區何

地至何地可行小船石計大小之或可行筏 凡瀕海之境則須明海岸之灣曲港汊及所轄之島嶼并註明海岸島岸之灣港何處可泊輪船何處可泊民船瀕長江大湖之境亦須記江湖之港何處可停泊 凡山間之水道可行船者務註明何處為急流何處為平流水有春夏漲而秋冬枯者須分別注明

道路 自本境治地起出城之何方行若干里為何地每十里必又行若干里逾何山嶺渡

何水至何地與何支路會其支路何方自何地來經何地道何山水行若干里來會本路又

向何方行若干里山嶺水過至何地或左或右分一支路其支路向何方行計里過山嶺水過地至

何地或會何路或出界或止本境路又向何方行若干里同至何地出何界與何境何路接

物產 分天然產製造產二端天然產動物植物礦物是也用三者之本質製成器物則製

造產也今以天然產列上製造產列下 動物 動物製造 植物 植物製造 礦物

礦物製造 製造之品雖多其本質不外動植礦三類如虎豹牛羊皆天然動物產也其骨

革齒毛所製之物皆動物製造也絲出於蠶蠶為動物產絲則為動物製造布出於棉棉為

植物產布則為植物製造他如金銀銅鐵錫玉石所製之器皆然茲舉一二以概其餘或有

合數質為一器者則取其多數而歸類焉惟天然產製造產均應分大宗常產特產而注記

之又有本境之天然而在他境製造者或他境之天然而在本境製造者尤應分別詳載  
商務 本境所產之物 所製之品 何項在本境銷行每歲若干 何項運出本境注明  
在何地銷行每歲若干 自他境何地運入本境之何貨物注明在何地每歲銷行若  
干

署兩江總督周請派學生赴奧學習武備片

再臣准出使奧國大臣楊晟函開本年二月間在維也納宮謁見奧主謂中奧兩國夙敦睦  
誼比聞中國整軍經武深願協助從前曾有學員來奧練習陸軍倫此後有人續來定必切  
飭教習武員盡心指授等語查奧國陸軍講求根柢最爲精詳從前曾派員前往練習頗著  
成效現駐德使臣蔭昌卽爲從前留奧學員之一今奧主極意聯歡若派學員來奧學習當  
必周妥等因臣查前署兩江督臣端方選派學生游學英德法比四國業經辦有成案奧國  
武備既精若援案考選學生前往留學必能獲益茲擬遴選普通德文之學生十名蒞奧  
國就其才性靈學加習馬步工輜等項武備以爲行陣儲材所有匯支學費及稽查約束等  
事即由駐奧使臣就近照料無庸專派監督以省繁費謹 奏

湖南熊庶常希齡上前湖南巡撫端推廣實業學堂辦法說帖

教育

二百二十三

乙巳

湖南自軍興以來元氣凋敝民不聊生農無可餘之地利工無可恃之技能情民滿野器械窳敗無可稱者辛丑明詔維新老成者宿皆以形下之道必取西人之長故主持實業教育衆口同聲無有以爲可緩者特以變法伊始諸務未遑莫能審定目的條理而行次帥雖有其志爲時甚暫未竟厥功幸逢福星照臨振興庶務規模宏遠千載一時希齡游歷東瀛留心實業考究辦法稍得其詳敢就湘省物產之宜而預定創興實業之基礎請爲大公祖陳之竊觀近時談國是者均以富強爲主義強國之道固在練兵然以齡所見於人國大勢參觀互較知工業不興練兵雖有成效亦不能堪一戰何者日本全國機械工業日新月異其統計表所載工人約四十八萬八千二百七十七人除手工及農商者皆不在內工男十八萬二千四百三十五人工女三十萬零五千八百四十二人當此日俄之役男子出充兵役女子各守職業主持家政能養能教男雖戰死於其家固無所累也一議增稅募債則各埠商會各地方府縣郡村會無不同心贊助以求保其國之光榮一欲增製軍械則全國之鐵工廠織布製絨製革製罐製鈕扣布袋各廠以至監獄之罪犯下級之工藝無不日夜工作以代供其國家之所需故俄之敵日僅恃政府之力日之敵俄則直統全國之民以與之戰造礮雖祇東京礮工及大阪礮工兩廠而全國民立鐵工所爲之擔造彈丸等項直可化爲數千百十



廠工廠也吾國所號稱製槍礮者不過天津上海湖北廣東著名之四處耳而規模尙不完  
 全其他項工廠亦不成立果欲與一國戰爭軍需之品無一件不仰給於外人而戰時禁制  
 品又不能任中立國之自由復何所恃而能與人開釁乎日本改易軍制用西洋服色必先  
 建立工場製織所以免購之於人我則不然工場既未成立練兵處遽即更革章服前見滬  
 報載直督章奏北洋各軍需用皮袋一項之數估銀至五十餘萬兩之多則以全國軍隊  
 推算當有數千萬輸出銀貨之漏卮矣 國庫支絀民生困窮何以堪此即不必有戰事而  
 貧弱之險象已在目前矣此工業與軍事上之關繫也日本島國土瘠民貧工廠雖已林立  
 而大宗物產原料多仰給於鄰國如麻棉輸自中國糖麥來自美洲往返萬里之河海尙能  
 贏什一之利工業之可恃如此近因泰西各國於揚子江流域布置完密彼故專注於內河  
 貿易以占先步如蘇杭及湖南之通商是也蓋工業不發達之區人民智識幼稚見有新麗  
 之物無不爭購以爲奇者習見既久則不肯改用他式此中國人民之一種怪性實則皆由  
 見聞不廣耳目因之不靈耳各國商學家即利用之以博贏利故專意於各項貨物以先入  
 爲主極力推廣以求人民之信用模倣花樣投吾所好前在日本農商務省見其調查員將  
 所得於吾國綢緞布疋及各種器物繪具圖說顏色尺寸備極詳細印刷成本頒發各工廠

令之照製洵可驚歎又於大阪見商報載有該國官商集議欲爲直接貿易之法不令華人經手辦法分爲兩種一推廣清語學校二於中國內地立商品陳列所果如所爲則此後湖南人之需用品皆變爲日本人之市場矣此次回省往觀市廛貨物大半日產實兩年所所未有若不力求抵制則膏血之枯可立而待而德美各國趁日俄戰爭之際盡力推廣內河商務以與日人競爭乘間抵隙無毫釐權利之讓湖南士商尙立於旁觀之地位不爲之計殆與束手待斃無異此工業與商務上之關係也日本全國人民衣服器物皆取之本國工廠而有餘中國海關冊所載進口洋貨值關平銀三萬二千六百七十三萬餘兩出口土貨值關平銀二萬一千四百三十五萬餘兩相懸一萬餘萬之多工藝不興則害中於生計卽如常澧棉花雖豐而無廠紡紗不能不運鄂銷售由鄂製成又復進口且有以生花運往日本者徒以固有之物產仰給受制於外人推而至於日用尋常之器稍精者非來自各省卽爲東西洋貨湖南之孤陋如此卽竹木油鹼號稱大宗然人民祇能販賣生貨謂之爲勞工則可若云職業彼固倚賴於人無自立之權力也牛皮白蠟攪以偽質則下游各莊相戒不敢收受知識不通卽行之本國亦覺其難況與外人相爭又如黔陽等縣本地學工者少木石諸匠皆求之寶慶衡州往往富室因修造議值卽爲彼等所挾制內部且然加以通商外

力侵入其患更不堪設想矣此工業與生計上之關係也今時局日迫財政日艱即無外患相乘亦不免有蕭牆之禍故貧之一字實爲今日莫大問題救貧之術工業其最要也希齡詳考日本工業振興之由大要分爲三種一日移植工業仰外國原料之輸入又用外國式諸機械以製造之如棉花紡績護謨帽子鐵工煙草藥品諸物品是也一日模倣工業以本邦物產之原料爲基礎而由外國式諸機械以製造之如洋紙絹帕紡績釀造石鹼玻璃粉類諸物品是也三日特有工業以本邦產出之原料而用內國人發明之新式機械以製造之如織物製茶清酒醬油陶磁漆器銅鐵器諸物品是也然日本維新已三十餘年而工業尙未盡臻完備凡精巧重大機械必須購之西洋故其國所造之物品模倣者爲多由新式發明者實居少數以吾湘大勢論之目前欲興工業不可遽求輸出宜先爲模倣工業以抵制外貨之輸入則成本輕而收效易人民之學識技能逐漸發達必不患無新式機械之發明也惟是風氣未開提倡維持端在長官尤須分別專利公利兩種以定辦法之次第何謂專利如織布紡紗榨油爲湘中豐富物產而以巨大資本組織公司所獲之利爲公司所獨有民間僅沾其勞動工資之益於他項實業無關係也何謂公利如硫曹公司爲一切製造不可少之藥品實爲工業之母又如瓦斯即自來水公司電燈公司雖不能製造物產而於晚

間使用光力之外能以白晝電力租之各小工廠每一馬力收電料若干各小工廠藉此動力可省汽機鍋爐煤炭之重費日本東京西京大阪以瓦斯電力租之民間者約數十餘家是興一公司而各種小公司皆附之以成立也此外則鐵工所爲一國所不可缺之工場以其能製造機械又兼修理之責任故記其國機械工業之振興以鐵工所之設立大小多寡爲斷又如實業專門學校亦爲公利之一端兒童學成工藝高等者可爲國家及各大公司之技師次者亦不難自營職業如幹分枝如枝分葉則物品之日臻繁美又理有所必至矣故爲湘中實業計當以設立學堂爲先義然近日之論實業者多震驚於東西洋之程度甚高以爲非一蹴可至不知吾國今日國力民智祇能爲模倣工業以求進步改良耳模倣之技現在粵滬工人亦優爲之加以教育自不在日人之下前在日本曾與同鄉學實業者爲之籌畫入學方法以年少而精力強者學永久科因高等工業須七年方能卒業將來益求精進及發明新式機械皆此輩也以年過三旬者學速成及工場管理與工業簿記之法因日本工場固由技能嫺熟而其精神則在管理與簿記之嚴密不於此兩者注意則工場獲利頗難中國各公司規模壯麗遠過日本然多虧本者由此故也又觀於日本各府縣農林學校染織學校皆有所謂別科者選粗知文字之生徒教實習之術俾之速成分布各地方

各謀生計其教育尤爲普及吾湘而欲工業之勃興也似宜先購機械設列工場挑選兒童作爲別科俟有成績卽於各小學校普通卒業生中考取數名列之本科然後漸求精良以備專門之選於是緩急皆可用人人知有成效之可期則工業之發達亦可決矣茲就湘省物產相宜之區定實業學校置備之域條列於左

一 徒弟學校 此項學校按日本學制附屬高等工業學校課程分金工木工兩科金工又分爲六日 鑄造 模型 鍛冶 仕上 板金工附鉛工 機械製圖 木工又分爲三日 大工 指物 建築製圖 此外則修身算術理科圖畫體操各科而尤重在實習工場入學兒童年以十二歲以上十六歲以下由尋常小學校卒業者充之程度本甚低也湘中自戊戌設立製造公司即日本鐵工所之意與徒弟學校金工科相同惜當時技師務博不專旣設電燈又爲織帶或造飛車或製留聲器或仿東洋人力車多供玩好無便民利用之器故湘中工業不能進步夫日本鐵工廠如松井之石油發動機全國銷場甚暢豐田氏之織布機數年來售去四千餘臺多田式之浴巾織機爲輸出上品又如軋花機器銷於湖南常澧一帶約十餘部苟非於此種學校先行開辦不獨模造西式機械之學不能發明卽興辦手工如製造石竹木銅諸物亦無錫刀利器以善其事其最不便者他項工廠機器苟

有損壞亦須遠求漢滬各廠之修理此滯中所亟宜籌畫者也日本教育家謂人民智識愈進則勞動力愈加以同一運動之百臺機器日本須人一百有五英祇須四十五美祇須三十六運動同而人之多寡異則教育之功也又謂徒弟學校補習科生徒皆工人傭工之餘以數時入校研習及卒業後所得工資比較未學之時常增十之四五再加經驗所得之費常增十之五六然則此項學校之關繫亦重矣今宜於常德長沙衡州三處先行設立以其與三路師範學校相近師範學校例有金工木工兩教科亦可挑選生徒附入此校學習藉省經費且地勢交通竹木煤鐵均富尤扼要也此校購辦機械經費共需洋二萬八千四百元三校共八萬五千二百元

二染織學校 此項學校均就絲綿所產之區設立規模大小不等學科分爲色染部機織部學生有本科豫科別科之分本科課程曰 修身 作文 數學 理化 圖畫 色染 機織 英語 簿記 經濟 體操 實習 豫科課程則多地理歷史習字而少色染機織簿記經濟別科則僅修身圖畫色染機織實習五項至簡且易也考選年齡本科十四歲以上豫科十二歲以上別科十五歲以上凡文理清順者即可入學日本全國染織工場四千五百一十二戶工男三萬四千七百六十三名工女二十三萬零九百二十六人前在

西京曾見色染廠林立街市皆非有大資本者而其國染法亦以西京爲最著名由於學校之提倡也蓋世界日進文明則服物日求華彩駐俄胡公使謂西俗於織物花紋時時更新凡創一花樣斷無半年三月尙見於市上者洵確論也湖南向不產絲民間所用綢緞皆來自他省價值甚昂常德布業最盛遠通雲貴年年市場銷數至數百餘萬惟染法單簡僅爲青藍等色是不可不設法改良也日本綢緞織機其式仿之我浙特其所用花紋係以板紙刊成圓眼循環上下自然成花比之浙江以一人用杼一人提花較爲省費且能以此法成種種新式之花樣又其學校購求各國織機一一仿效門類甚多卽如瀏陽之麻在我祇能製成夏布日本則用提花織法蘭西人臥具之被單褥子食具之桌單及巾多貴麻織銷場極大所餘粗短麻絲可爲地毯銷之美國日本所謂麻段通者前在堺市目觀之工廠皆七八歲及十餘歲女孩織之每年輸出亦不少也染法分浸染擦染友禪染三項擦染用機浸染友禪染則多人工染色有七十餘種鮮明奪目如能將內地各地棉絲或先染後織或織後加染成墨綠古銅等色吾知其銷路更暢日本名古屋愛知物產組全以人力織染價雖比機械爲昂然全國尙喜用之也宜於長沙常德兩處設立此種學校所需機械經費七千五百五十四元兩共需洋一萬五千一百零八元

三農林學校 此項學堂日本公立私立者共有八十一所每所生徒八千零九十四名課目亦分本科豫科別科三項本科又分爲農科一修身 作文 數學 物理及氣象 化學 博物一經濟 土壤 肥料 作物 園藝 畜產 養蠶 林學 獸醫 農產製造 病蟲害 英語 體操一林科一修身 作文 數學 物理及氣象 化學 博物 地質及土壤 經濟 法規 造林 森林保護 森林利用及土木測量 測樹術及林價算法 林政 森林經理 農學 英語 體操一豫科之目八日一修身 作文 算術 日本歷史 地理 理科 圖畫 體操 別科之目十日 修身 國語 算術 理科 造林 森林保護 森林利用 測量 測樹術 實習 入學年齡亦與染織學校相同日本土質礫礫全恃肥料以爲補助每年輸入我國豆粕約七百萬元可知其民之勤矣森林之政講求不遺餘力其國有林歲約入款三百餘萬元民有林尙不在內以彼區域不過中國四川行省之一而所獲如此近年輸出我國北方如鐵道枕木一項約一百數十萬元俄人前日經營東三省亦在北海道購運樹種林政之進步靡所止也湖南穀價低賤小民日獲工資五六十文即可自贖故習尙偷惰不肯竭力田畝山林以盡地利入不敷出銀錢均荒有岌岌不可終日之勢又因團規不嚴盜伐樹木爲薪者無鄉無之民間相



率棄置山坡付之不種沿河兩岸所望皆濯濯也茶麻爲湖南固有之利近則漸形減色蠶桑雖值有年絲繭不聞上市洞庭堆淤甚廣畜牧未見繁滋卽如西路所恃木植一項歲約二百餘萬實爲物產大宗然調查近年價值從前托口每木一碼價銀五兩運漢八九兩售價十四貫者去年則托口加至九兩運漢加至十三兩售價加至十八貫今年則托口加至十三兩運漢加至十七兩售價加至十七貫木商虧累益甚皆由上游一帶苗河之木砍伐殆盡必須踰山架橋搬運程途至百餘里成本增重以至於此而不急設法種植再二三年木利窮矣百萬黎民復何恃以生乎今宜於辰沅寶慶兩處設立此種學校共須購辦器械經費五千三百二十一元五角兩校共洋一萬零六百四十三元

四陶器學校 此項學校皆就陶磁工廠所在之地設立課程分爲甲科乙科甲科之目曰修身 作文 算術 理科 製陶法 圖按 圖畫 習字 實習 乙科課目與甲科同而教法較淺皆以三年畢業選年在十二以上者充之齡在瀨戶陶器學校觀其製成之器均出自幼年兒童之手尙比吾國景鎮爲精日本工學家謂磁土最忌鐵粉惟江西景鎮之土純粹無他雜質以不善調和泥土製造新式故日見減色然迄今每年銷售之數猶值價銀三百餘萬兩也日本製磁之法傳自中國近時內國用品皆係舊法無用機械者內

國品專供本國民之用然其風俗及飲食起居不同其式多不宜於吾國此種工廠資本甚微僅數千元至萬元此外則爲輸出品專販賣美洲諸國如名古屋森村組西京錦光山大阪藪明山工場資本皆數十萬元所製陶器精益求精圖畫之細緻用放大鏡方能詳觀一茶器約值三四十元他可知矣竊有兩種一素窰土質成形後入此窰燒之多舊法二錦窰或先釉後彩或先彩後釉有種種之不同多從西洋窰式總之皆不難於仿造也駐俄胡公使謂西洋之工雖陶如磁中國之工雖磁如陶又謂外國磁工專在造畫造色而於磁質上則次之中國磁工於質上頗知講求而於造畫造色造式上次之正與西法相左無怪其不能暢銷可謂探本之論現在湖南士紳多喜用洋式杯盤棄舊尙新月異而歲不同宜於醴陵出磁之區設立公司先爲模造西式磁器以求抵制之術既有成效再求輸出之精良可也惟地方居民恃此生活僅設公司其利未免近專非便民之道宜先建立此種學校即選現在該處工人子弟入堂肄業俾得各謀改良以示利益之普及則工業亦從此發達矣此項購辦器械標本經費一萬一千餘元

五圖畫學校 此項學校在日本上野稱爲美術學校然其程度甚高未易仿辦外此則皆附於各工業學校中稱爲圖按圖畫兩科吾觀日本工業如染織陶磁磁器及雕刻印刷諸

物無一不精於毛筆畫法故能投外人之嗜好而輸出額日益超過也維新之時以古畫古器流出各國政府禁令販賣或發款收買只准本國人民互相授受不准投之外人每年又開展覽會以鼓勵之其於保全國粹之道可謂至矣蓋美術有助國民心思活潑靈敏之能力而尤必以合其嗜好爲目的日本明治十年間聘美國著名家精繪紙幣及印花稅各色樣繪成而日人不以爲美其人遂改而研究日人所嗜之紋與彩色不半年所繪之物即合日人之意觀此即可知商務暢銷之理也吾國嗜好美術多爲上等搢紳該學之人莫辨妍媸故其腦筋日鈍影響遂及於工業靡陋粗劣幾近陶尊瓦缶之世近來學堂雖有圖畫一科然多爲幾何用器之法於毛筆畫尙缺如也況湖南繡貨日新可駕蘇杭之上以畫法不良頗有遺憾今宜設立此種學校集選能畫者十餘人延聘日人爲教習研究改良學成後發往各學校爲教員異日染織陶器各業振興則皆有賴於此矣日本圖畫多用石膏爲模型磁器工場用之尤夥中國此物價值最廉尤便利也此項學校共須購辦標本經費洋五千餘元

以上九校實湖南目前所宜次第開辦者數百萬人民所託命之源比之各小學校尤爲普及偷蒙採擇另有辦法四條用再附陳

一實業學校性質本與專門普通各不相同日本文部省制分學務爲三一專門學務局凡大學校高等學校醫學校及各專門學校等隸之二普通學務局凡師範學校中小學校幼稚園等隸之三實業學務局凡工業學校商業學校等隸之實業事務複雜必須詳加研究方不至南轅北轍若聽外府縣自行設立誠恐難收完全之益擬請另立實業學務局於省垣仍歸學務總辦節制委派士紳分往各區辦理以求劃一而便督察

二實業學校有陳列標本應用機械之實事可觀有教員學生製成器具之實效可觀則士民自必見信而風氣可望大開日本教育家謂中國興學從耳入者疑信參半不如從目入者一見了然即此意也擬請照上所陳先設別科以期易行而收速效

三日本實業學校如名古屋工業學校西京染織學校奈良農林學校每年經費不過萬餘元所有工場僅足陳列器械規模並不宏大可爲目前簡易辦法惟器械標本必須完購統計以上九校約共需開辦經費銀十萬兩擬請提撥公款照數購備其常年經費尙不爲難容另條陳辦法

四編輯課本近日學風好爲平等自由之論實爲工業家之所大忌西洋各國工藝勃興資本家贏利十倍根深蒂固雖有人煽以社會主義或至同盟罷工尙不致搖動大局中國工

業幼稚實本微細利尙未見即遭罷工之害可決其一敗塗地實業萌芽不能再生也擬請由實業學局自行編輯課本務合工商程度日本有商工地理等書以防未然之患希齡學識荒庸僅就所見貢陳鈞座是否可行伏惟裁納示遵不勝惶悚待命之至

#### 湖南蒙養院教課說略

教育發初之程度曰蒙養院即外國所謂幼稚園家庭教育不足以此補之是頂門上一層工夫滿三歲以上未屆學齡之兒女即四歲至六歲皆應入園同學所教主旨列目如下

一談話 談話者即教師示以爲人之道也正言之如中國二十四孝故事之類其中頗有趣味譬言之如犬能守戶雞能司晨等事令孩童聽之心中自然有所感觸凡此類者皆教者所當知也 分修身話庶物話修身話即示以作人之道須淺而有趣庶物話者單簡事物之名稱教師一一指示之而粗說其義凡談話皆須善於設問令其不難對答 二行儀 擇效作規矩自然合度而乏苦趣者教之此是真實修身專在踐履上講求教師應時時隨事指導 談話行儀二端皆小學中修身之第一步爲德育之始基 三讀方 日本學文分爲三事曰讀方書方綴方讀方者讀其國文之字書方者即書其所讀之字也綴方者聯字成句聯句成文也書方綴方皆小學中事如讀方則應於幼稚園第二三年教之即中

國識字課也 四數方 係用指數器單雙數之分合數之參差數之此紀數之法教師指授 五手技 卽配插恩物是也恩物種類甚多任小兒自爲堆積配插使知輕重大小長短力點中心之度此物造自德人苦汝皮氏計二十種日本更變化用之 日本用恩物仿自泰西初止十餘種更變化爲二十種不能盡教擇其最開發心思者十一種教之 所以用恩物者以幼稚園非講學之地惟發其天然知識使自習之異日用心不覺其煩得自然之進步其爲物也關係甚大功用甚廣工藝之原實基於此日本工藝發達此其原點也 十一種條說如下 木積 係取木方按圖堆積各種屋宇坊表舟車橋梁之形 板排 係取木板排配各器具什物式初排配時有製本可仿下 箸排 係用竹籤爲箸排作字形如イウ工才キ工ク甘ラニヒフヨ井口テ等字皆可排也此係排日本字 鑲排 凡圓郭有中孔可貫繫者謂之鑲以銅爲之配排之法有圖可仿 豆細口 以竹籤貫豆製肖樓臺屋宇車船橋梁人物之形 紙織 係用五色紙摺爲條編織肖各種物形方圓長短皆可爲之 紙折 係用小方紙折作各動物及什物形 紙剪 係用各紙剪配花雲人物之形 紙刺 係用鍼刺紙上作諸花樹水雲之形 縫取 卽用鍼線縫紉各物之類 畫方 畫各間架之形爲圖畫之初步教師按圖指授宜於第二三年習之 按恩物

木塊有方長鈍銳角形如□◇△▽△彷彿中國七巧板圖之類任小兒自開合排比以發其思致即暗寓幾何學之理又如八者名彌治郎兵衛因其形狀借人名以名之此物兩邊齊中正直竹片勻三者合度方得成之中國如蜀中小兒即常爲此俗稱七姑娘用指承其中籤自作擺搖之狀有如女子行步故象其形而名之也稱曰七姑娘者必有所指如日本之稱彌治郎兵衛是也凡造此等類物皆具有深意久失其考徒視爲玩具不加講求更久則廢棄之矣一端之微可概其他 此類爲智育之始基 六樂歌 樂歌爲體育之一端與體操並重體操以體力發見精神充貫血氣強身之本而神定氣果心因以壯志因以立焉樂歌以音響節奏發育精神以歌詞令其舞蹈肖像運動筋脉以歌意發其一唱三嘆之感情蓋關係於國民忠愛思想者如影隨形此化育之宗也安可忽之 各歌皆取發育小兒身心教育機關云唱歌者養美感高潔心情涵養情性也有單音唱歌輪環唱歌複音唱歌之分輪環複音稍難幼稚園中惟教單音 樂歌一道爲用最大凡立學堂不設樂歌是爲有教無育是爲不淑之教蓋不止幼稚園爲然也 體育功夫體操發達其表樂歌發達其裏強健四肢莫善體操暢舒四體莫善樂歌蓋必二者相濟爲用而後體育乃全樂歌之妙在於舞蹈以狀所歌之事與詞而用音響節奏以發揚之學童得此天養其粗躁之氣

卑鄙之心久自消除 應將本省名山大川勝蹟名區鄉賢名宦動植各物製爲淺顯歌詞譜出新腔令學童歌唱以樂和之先教單音唱單音入穀複音乃合凡共同之唱聲音洋溢最足感人名山大川勝蹟名區地理所關鄉賢名宦歷史所關動植各物理科所關本省地理歷史理科是本省學童特性中事先啟發其愛鄉之情然後以言愛國將來歌詞有忠孝節義等發揚蹈厲之事則愛國之教也 七遊戲 保姆領袖之或在課堂或於室外以有趣之動作寓自然之規則蓋活潑其生趣而又暗調和其性情也 遊戲一作遊嬉所教類種不一遊嬉皆有具士農工商各有引導使各得其性之所近孔子爲兒嬉戲常陳俎豆及成人遂有志於禮樂教法之善極有關於德體兩育以上爲體育之始基 幼稚園之宗旨所以養成異日受教之根柢 幼稚園恩物之類爲德人苦汝皮氏所造其設園之規模則爲德人扶禮培氏所創未入學堂之先而欲兒童思想齊一幼稚園爲最要 幼稚園設立之始意所以將貧賤家兒童養成美材富貴家父母當不慮其子弟同處染壞氣習有此感情將來小學堂不分貧富貴賤可施共同教育此爲小學堂行同等教育補腦之法故幼稚園教育所關甚鉅

各省教育彙誌



京師 練兵處近以添練陸軍工程隊尤為緊要查東西洋均設有工兵專科而餉銀亦較步馬隊為優緣製備橋梁  
 暨安設地雷電線非有專門學問不足備異日工兵之選擬速設一工兵學堂並附工程隊專科以便講求 南橫街  
 近創設惜餘學社聘請日本教習教授東英文字凡京官日中有事者晚間均可就學云 崇文門內方巾巷公立之崇  
 實學堂開辦未久頗著成效近又附設第一高等學堂不論宗室八旗紳商子弟均可附學惟須粗通文字方為合格束  
 修一概不取 西單神樓有清真禮拜寺者摩哈默特之教也近聞該堂信徒羣議設一學堂專教教中子弟即名為清  
 真學塾云

直隸 直督袁慰帥以電信隊為行軍要需特設電信學堂於軍械局專講習無線電報原理及其應用方法 天津高  
 等學堂近改名北洋大學堂與京師大學同一體制學生畢業即直送出洋游學並添設礦學土木工程各專科云 李  
 太守映庚近奉直督委派籌修軍樂樂譜因即採用中外音律纂成軍樂數種計有聲無字之錦亭樂一套軍中散樂男  
 兒漢歌五闕弁兵唱和浪淘沙四闕頗蒙嘉許當命組織一軍樂學堂選取聰敏營兵六十名肄業其中即以太守總辦  
 其事 天津敬業學堂副教習嚴君智惺於城西八里小稍直口地方設立小學堂一所 永定河南岸同知文司馬仲  
 脩近集同志於固安城內設一官話字母學堂並教算學又附設講報處且躬自教習以開風氣云 蠡縣布里村孀婦  
 馬齊氏因村中蒙養學堂結於經費獨力捐助京錢三百緡噫村野孀婦熱心教育創立義舉巖眉何在能不愧然耶  
 行唐王女史綺然素以女子教育自任其夫王君大鶴近自日本游學歸為說東瀛女學界於此次日俄戰起多以備值  
 助軍費各情多方鼓舞女史聞之志益壯乃悉出俸時奮資以助本縣興學之費稟請視學官及縣令皆大嘉獎女史又  
 竭力經營設一初等小學堂招集童稚男女四十名而身任女生徒裁縫科教員之職云

山東 曹州府圖書館近集同志捐募經費創設公學一所遵照 奏定小學堂章程分學科為修身國文經學歷史地

教育

二百四十一

乙巳

教育

二百四十二

九月

理算術博物圖畫體操九門堂中教育管理人等俱由同人擔任義務輪流承充云 壽光任君象益近獨力創一小學堂即附於該縣學堂之內 禹城楊氏近設一家族小學堂招集生徒兩班甲班授以作文歷史地理等科乙班但授識字拚句習字教法頗稱完善該縣金大令聞而嘉之獎以匾額 安邱劉君慶雲近設一學堂略仿濟南辦法專為貧家子弟無力讀書者而設先教以識字學算嗣察學生程度再量加功課云

河南 官汴蘇籍同人近於江蘇會館新設公立小學一所專教旅汴子弟不收學費並供午餐紙墨書籍等項均由堂中發給

江蘇 江甯董桑公所規模狹隘經費拮据辦理多未如法近由署江甯周玉帥札飭實業學堂兼辦嚴定班次推廣學額畧仿速成辦法以收目前之效 朱君鶴情近於江甯設一義務小學所授課程計分修身國文地理歷史英文算學體操七門教員概由朱君招集同志擔任義務 蘇撫陸春帥以省會各項學堂均經次第設立惟講求實業者尙付闕如特 奏准於省城設立實業學堂內附試驗場董桑傳習所工藝傳習所等已札飭學務處遵辦 江北各屬學務漸興周玉帥以地方遼闊非有總匯之處必致漫無稽考特於清江浦設立江北學務處即以淮揚道總理其事 鎮邵蒙學雖經官紳籌辦苦無經費某君因集同志在西城外設一蒙學名曰養正業經開辦 常熟李君國勳捐資辦一讓塘初等小學堂所定課程均照 奏定章程已稟准學務處立案 皖屬旌德縣人在揚州經商者甚多並設有會館置產生息以為撫卹同鄉等善舉之用茲議將會館收支各款逐一清釐即就會館餘屋設一旌德旅學專教同鄉子弟 安徽 皖撫臧果帥以本省礦產極優而開採沿用土法往往半途而廢特籌備的款擬就礦產興盛之地設一礦務學堂實地研究參用西法以收實效 蕪湖某孝廉近議開辦襄垣小學堂由鳩江書院撥出租穀五百石以作經費 安徽公學近附設一速成師範學堂以研究初等教育養成小學教員及中學學監合監為宗旨已稟請學務處立案開辦

東城縣小學堂前任陸大令創辦以來規模雖具經費甚絀茲有縣紳胡君慨助萬金當由縣具詳學務處請轉稟督撫分別奏咨立案

江西 歐陽君溥存胡君樂根近於贛垣合力創辦一育材學堂所有教員均係擔任義務 樂安縣風氣閉塞向未興學近經該縣胡大令籌集鉅款創立小學一所聘請教習招募學生額至八十名云 九江蔡君懋近自日本游學回滬在郡城設一東文速成館業經開學

浙江 杭州孫君智敏等近就省城下城頭巷原有之杭州教育會量加擴充更名浙江教育會凡各學堂管理員及教員熱心教育者咸入會研究管理教授各法已擬章呈請縣中丞批飭學務處立案保護開辦 烏程縣屬之南潯鎮近有曹君等邀集同志組織女學一所並由龐君清臣以房屋一所捐為齋舍且有餘地栽植花木殊形寬敞邱君冰壺則擔任學費之半餘皆分認義務擬仿杭紹二處女學定章辦理 山陰葉君雅谷與公乘商妥將該處賽會演劇無益之費撥作正用設一鑑湖小學堂又恐經費不足以該處產產議按款收捐以資津貼當向學務處稟准飭山陰縣核辦

蕭山施君崇恩等近在縣境辦一普通學堂以中文為主而輔以英日語言文字分為普通高等專門三科約須六年卒業聞高等學生卒業後擇其尤者由堂給資照送日本游歷或願留學日本或隨時保送為他學堂教習均經該堂擔任義務云

福建 陳發靈開學熱心教育前在福州烏石山麓設立東文師範學堂頗著成效近於該堂左近添建女學一區專選十六歲以內女童資質聰穎者入堂肄業俟其學成即令教習幼穉云

湖北 漢口蕪濟安善實善廣善各善堂近因貧家子弟難以久在學塾練習功課即賂贖之無亦可謀生擬將原有義

學務仿東西半日學堂辦法以恤窮黎由軍備批准開辦

湖南 湖南鎮軍一標自甲辰秋間改編續備軍後經周鎮軍督率將弁講求新操步法槍法頗有可觀鎮軍即擬設一學堂教授科學旋因桂亂未靖湘防戒嚴未暇及此近因鎮標中營額外武備畢業學生陳君文富業已領憑回營鎮軍遂又稟請前湘撫譚午帥批准開辦在署旁內衙道改建講堂一所名曰鎮標營學堂即以陳君充當教習酌給薪貲並委正副監督各一人挑選兵士子弟年在十五歲以上二十歲以下者共六十名入堂肄業教以武普通各科學 常德府近擬創設養院一所仿照前湘撫譚午帥新訂章程辦理額設八十名男女各半已由西路學務督辦提調李紳致檄稟商府尊朱太守其慈安議章程聘請日本女教師一人爲之保姆其男班不收學費女班每歲各收脩金二十四元 湘潭楊君仲榮夙具熱忱銳意興學近集族人會議籌備款項就族中公屋開設學堂一所悉遵 欽定章程辦理其組織一切亦甚妥善云

四川 順慶蕭廣文善齋近將學署餘舍改建蠶桑傳習所招本學生員十餘人聘請合州蠶桑公社社友張君教授養蠶新法 南充胡君國政前辦因材學堂以教貧苦子弟近又設一開智學堂招集木泥石土及肩挑負販之人擇其年富力強資質穎敏者教以修身算學字義體操諸科 宜賓縣屬思坡溪有武貢士龍君糾合鄉人辦一女學力矯舊習凡入學者必須放足云 合州蠶桑公社開辦四年頗著成效近已稟請改爲中等實業學堂各州之備資往學者絡繹不絕 南川僻近黔邊風氣鄙陋甲辰由童君仲帆捐資千金自立學堂近該縣楊大令亦知教育爲立國基礎特飭各鄉分設初等小學八十所陸續開辦其邑中官學亦擬速籌款項即日開辦 平武爲龍安府首縣而民貧地瘠風氣未開近由該縣創立高等小學堂並附設師範傳習所以宏樂育 大邑傅春煊陳九韶兩君合捐鉅款將城南文昌宮

聯三刺修葺創立義務高等小學一切教員概不受俸復經該縣紹大令極力提倡就學者已有六十餘人

廣東 粵省武備學堂現行章程本係參仿日本中央幼年學校及士官學校辦法實具有陸軍中學堂之資格近因練兵處 奏定新章有各省設立小學其原有中學仍准照舊設立一條故粵督岑雲帥特將該學更名爲廣東陸軍中學堂專收兩廣暨廣東駐防各陸軍小學畢業生並於堂內附設陸軍小學堂一所添招中學堂學生六十名云 廣府陳太守以蠶業爲中國自然之利土絲爲粵產出口大宗而蠶業之家於檢種飼養之法素未研究因特稟准粵督於省城附近設蠶學館並購地栽桑訪聘華洋教習酌招學生數十名分作兩班以一班專學檢種飼養之法作爲速成以備分佈各州縣村鄉開設試驗場之用以一班專習蠶學本科研究新理爲異日大加改良之計並由柴胡兩大令認籌開辦經費萬金又於土絲釐金歲收項下按年撥給銀三千兩關務處及官銀錢局按年撥給銀一千兩以作常款而垂久遠 粵垣育嬰醫目瘋疾普濟五堂向由海關撥充經費銀四萬兩岑雲帥以五堂有養無教擬與辦學堂使國無廢人其經費所出嗣後在關務處撥足四萬之數節存五堂虛額款項以供學費如仍不敷再行指撥已札行王雪澄觀察查照辦理一面咨請駐日楊大臣查明東洋辦法以便仿照 河泊所王君鶴年籌辦蛋戶學堂早有成議茲聞擬就番禺縣屬流塘南海縣屬黃沙地方各設學校一所一曰珠海東小學堂一曰珠海西小學堂暫賃船旋泊爲校地先收學生五十人授以最初級學教之讀書識字將來畢業與縣學堂一律出身所需經費已稟准學務處在縣學堂存款內撥費應用

廣西 梧州某太守以振興農業爲富國之命脈特擬就農林公司山場添設農業學堂講求新理 怡郡學務頗有進步不但男學多已成立即女學亦紛紛而起其始有容縣龍騰女學堂繼有同縣神童陸君紹榮等請設之女學堂今又

有職員李君大纘等稟請梧府將保安施醫局借爲女校舍當蒙批准開辦

雲南 滇省留日學生袁君樹五糾合同志在省城倡建教育學社社中設一報館中分圖書局派報所印刷局鑄版所製紙廠儀器館等部其辦法特仿日本株式會社已在東京訂定章程招集股份又擬另捐建一學堂採日本私立十大學分級教授之良法組織多級中分師範學實業學中學小學女學幼稚園等部 騰越屬屬與緬甸接壤之南甸土司刁君化南擬自籌款項創辦武備學堂及兼養各學堂以造就人才而爲保邊計云

### 各省游學彙誌

京師 外務部准駐美使臣梁星使咨稱查美國海陸軍學校收入外國學生必以中央政府照會爲憑嗣後各省如有遣派海陸軍學生應由該督撫咨請貴部轉行出使大臣照會該國外部以符通例等因故已咨行各省查照辦理

直隸 宣化府視學官賀君培桐近據直省留日全體學生稟稱公商籌款在日設立理化專修科專以養成小學教員爲目的請稟生前往等語當經商准本府倡捐廉銀三百兩公舉中學教員郭維城庶務官劉景南派往游歷考察學務並由宣化縣謝大令愷在公款內籌提一百兩爲津貼復由賀君會同各屬官紳推選勸募士紳等多奮然投告願往留學於是宣化縣謝大令愷捐銀二百五十兩舉得馮延鑄一名署龍門縣經大令文捐銀二百五十兩因本邑無人舉得中學學生楊潤懋一名署懷安縣普大令容擬按五年由官攤捐銀二百五十兩舉得中學學生黃松齡一名萬全縣前任王大令錫光現任萬大令和寅合捐銀一百兩並該縣紳董公捐銀一百五十兩舉得馬增基一名懷來縣周大令世銘捐銀一百二十兩並在該縣官立高等小學堂公款內撥銀三百六十兩舉得席之琦中學學生高士廉二名赤城縣周大令學淵在官立高等小學堂公款內撥銀二百五十兩舉得本學學生程瀛一名張家口督館局總董王君乃節捐

銀二百五十兩舉得中學學生保安州人趙慶元一名共計官費公費生八名各與訂立合同將來學成歸國須在各本處効力義務又有中學學生宣化董啟會全士端延慶州高仲三李懷榮蔚州賈聯陞安雍熙懷安宗翰漢焦登保安州李寶珍暨該州高等小學學生趙魁章初等小學教員呂震王不振樊瑛懷來梁兆之共計十四名均願自備資斧前往以上官費公費自費生二十二名均認明顯學理化專修科此外尚有懷來徐湧王錫珍杜春晴保安州學生趙慶民中學學生福建黃兆芬五名亦願自費前往留學別項實業經宣化府呈請學務處轉詳督署分別給予咨文即以賀君爲之監督護送前往近有曲周縣考送官費生楊世鋒永年縣考送官費生程書元王汝錫肥鄉縣自費生王英才孫榮慶永年縣自費生孟繁蔭等六名先後由各該縣申送學務處考驗合格即詳請督署發給咨文前往日本學習理化專修科云

山東 福山姜君宗漢研究種植有年曾試栽果木二十畝每歲能致千金近復聯約同志十二人自備資斧前往日本專學一切工藝之學以期學成歸國改良製造而挽利權云

江蘇 上海商部高等實業學堂近選派優等學生前往美國留學各種專門計商務二名秦銘博周承裕管翰三名林汝耀張鏞徐恩元駕駛二名夏孫麟孫家聲任家璧電學二名沈宏豫周善同

福建 國醫近選武備學堂畢業生前赴日本留學陸軍經咨送練兵處考驗合格給咨東渡

湖南 端午帥在湘撫任時就湘省考選官幕紳多人赴日游學計法政科官類十一人湯原鏡趙守本熊從龍李玉林宋景平呂遂先譚偉雲王學固黃得中薛宜琪劉守豫幕類二十人俞峻陳麗渠陳天聽孫杰蘇炳烈陳源年李基環徐鍾麟黃永保費光李正傑俞成銳俞讓慶俞蕃馨成應瓊賀家耀譚永端謝銘黃懷清沈國勳紳類四十四人李蔚然陳

國瑞郭振聲熊毓湘江鎮三彭祖植王煥昌余和治周可均張通晉鄧超勳楊樹毅會緯球王爾陳嘉祐劉作霖劉光觀  
羅鼎許定一楊德麟譚毅李漢丞沈秀登楊有勳會昭琳湯鐵樵袁家普王毓崑張通煥彭錫環江自任鏡緣聯王毅文  
梁煥奎易翔陳洪範張登壽劉映美周天錚鄭家健周延李學銘任紹選沈紹周各項實業十九人鄧曉彭毅陳光益楊  
宜誠陳爲幹俞善豐余駿王國助孫壽宋壽梅陳光晉鄧恢宇羅超方肇祺周風古關盛騰湯尙丙皮宗石舒癸申師範  
永久科六人任裕昆李驥秋戴啓琨顧心休胡崇禮黃謙 王君壬秋之子名恆之者近偕其女弟赴日遊學同行者尙  
有女學生二十餘人云

四川 南充縣葉子宜大令之次子堯臣甫於季春與西充縣陳大令之女完姻近已偕往日本留學實業 瀘州溫君  
筱泉稟准學務處在體仁堂餘款項下提二千金資助學生五人赴東游學

廣西 容縣龍膽女學堂學生陸書燕年十八歲陸菱桐年十七歲均於普通學畧有根柢且具尙武精神馳馬放槍并  
能嫻習近結伴同行赴東游學

雲南 陳筱圃侍講榮昌近赴日本游歷考察學務並帶領學生蘇澄等十人前往游學又有女學生十三人稟准官道  
資助日本游學又有學生束於德等二十人則由大吏遣派赴法屬安南游學

貴州 興義爲貴省南境重鎮有劉統之者其地豪族也近其次子顯治與貴陽蔡君嶽同赴日本游學偕行者尙有官  
費生劉笙倪樹林孫孝寬三人云

### 各省報界彙誌

京師 練兵處近派各營文案每日編輯中外名將逸事及忠君愛國行軍對敵各事演成白話日出一紙名曰兵學白



話報發交隨營學堂向各兵丁宣講以開兵智 李君與北近在北京創設華字彙報專就所有華字各報擇精選錄按日出報手握一紙無異備讀中外報章誠善策也 張筠齋女士近在京創一女報以進女界於文明之域其體裁悉仿日報一上論二宮門抄三論說四電報五新聞六小說均演以白話間用淺文俾各等人皆可購閱 崇文門內方巾巷近有人設立白話普通學報每星期出版一次 近來京中風氣大開閱報處逐漸設立自西城首先開辦為各處倡於是蔣君範五等結成團體合資設一克明閱報處於方巾巷路東李君星五等設一講報處於東直門八旗學堂同人設一閱報處於護國寺琉璃廠內王君設一閱報處於土地祠其餘王子貞照相館亦購報數份聽人觀覽某茶館旁之藥舖亦購白話報在內宣講東單牌樓有某志士亦捐資設立中外閱報處前門外大宛試館內朱君仲孚昆玉出資創立閱報處又聞錦什坊街悅公亦調取閱報章程即在府第外院購備各種報紙組織一閱報處以為社會進化之助 直隸 天津某志士近於英租界創立益智閱報社專備京津滬粵南洋各種華字報紙人觀覽不取分文 日人某君近在天津日本租界設一青龍報

奉天 近有人於營口廳之重慶街開設滿洲日報館業經出報

山東 萬君奎基等以環球各國雄視海上智識交通實業大備實以報館為之濫觴中國各埠風氣日開報章近已增至數十百種惟煙臺一埠自通商以來四十餘年凡商務消長之機民人智慧所出獨無報章因特糾合同志創設報章名曰之宗按七日出報一册票由東海關道轉稟直督准其立案並飭各屬一體購閱 利津僻處海濱士民見聞不廣該縣吳大令近就城內小書院改建之習藝所中設一閱報處購備北京北洋膠州濟南農學商務各報陳設廳內任人觀覽以開風氣

啟者

二百四十九

乙巳

安徽 浙商吳君少齊近於蕪湖就浙江會館設一商務日報業經出版 安慶周君皖溪近集捐款在東門外崇善堂內設一閱報社選購日報及各種俚語雜備人取閱並擬將有關本國重大問題由社員演講以開不識字者之智識 四川 川省擬辦學報早有成議近聞第一期已經出版由學務處札發各屬官紳一體購閱凡學堂較多之處按堂派定數目其餘酌定大縣四十份中縣三十份小縣二十份分別發交郵局按期遞送

### 僑民興學彙誌

南洋荷屬爪哇各埠近來風氣頓開大興教育統計學堂之成立者八十八所學生三千餘人近該埠倡辦紳商李君興廉等以學堂林立無所統一特遣何君揮如返粵稟學務處立案並請特派委員巡視各處以正規則云 檳榔嶼中華學堂近開辦速成科先開夜課來學者不下千餘人而房舍狹隘僅容三百梁壁如領事特擬捐廉擇地將家藏書籍安置其間為各教習暨諸志士博覽參觀之助 粵人僑美者以新甯人為最多而新甯一縣又以余姓為最多近在美余姓族人捐集十二萬元擬創立一余氏家族學堂并建一丰采樓以為藏書之所

商務印書館新編  
算學類教科書

洋裝布面  
共兩大册

中學堂用  
**代數**

每部定價  
二圓四角

代數一術為格致底理中學要科舊有譯本非缺而不全即繁而寡要且閱時已久其法未免陳舊本館特請山陰謝君洪賚取美國最新中學教科之本纂譯是書綜其專長凡有三事簡要不煩完備無缺一也起手合法引人入勝二也設題新穎習之多趣三也刷印鮮明洋裝精緻猶其餘事各處學堂及有志獨修者試取用之

高等學堂用  
**微積學**

微分積分術為算學上乘吾國習算之士久已講肄嘗苦書籍之寡不足以資研究美國績學士潘慎文先生前著八線備旨代形合參二書久受學界歡迎今復纂譯此編付本館印行以備高等學堂教科之用其書價值無待贅述卷首論微積學源流可補疇人傳之遺末卷以微積推科學要題為最新最捷之法各學堂及自修之士均當奉為寶笈也精印西裝布面金標全部一册定價一圓六角

商 務 印 書 館 出 版  
格 致 類 教 科 書

最新中學生理學教科書

洋裝布面每册  
售價大洋一元

奏定中學堂章程第三年第四年課程均有生理學一門本館覓得美國史威爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一  
册售價大洋二元

英儒巴克爾謂進化之功蓋學居十之九而政教之力不與曾哉是言今欲開吾國民智非人人稍通格致之理斷無實益是書為美國最新教科之本本館特聘素精格致之謝洪實先生譯為漢文理明辭達特未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元  
熱學一册 七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭辰先生編輯先生留學英國大學有年精通理化蒐羅西國名家著作彙譯成編陸續付印圖畫精美為學堂教科善本而搜羅宏富疏解詳明尤為專門家參考所必備○磁學現已付印不日出書

## 財政

論滿洲稅則之沿革

譯日本明治三十八年五月十六日國民新聞  
本社譯稿

滿洲中俄之交替。當時中國設旗民兩署於金州。各司其事。旗人歸副都統管轄。民人歸海防同知管轄。旗人之稅。副都統徵之。民人之稅。海防同知徵之。奉天將軍轉解戶部。其海關稅則。由山海關稅務官局。送之奉錦兵備道。轉解直督以呈之戶部。惟稅有國私之別。國稅納於朝廷。私稅以供官吏也。其稅目。則有地稅海關稅鹽稅酒稅牛馬稅船稅之別。及俄人管理。又增以營業稅。而一切責成華官徵集之。

地稅。中國課稅。旗民不同。旗稅不分土地上下。每六畝。課粟二升。銀五錢。歲以十月開倉。至翌年三月而止。徵收之事。金州協領主之。民稅則例納銀穀各半。由金州廳收納。餘地之稅。無分旗民。無山林稅。惟養蠶則徵稅若干耳。及俄人管理時。地稅則畝徵俄銀十錢。收稅之期。自九月初五日至初十日爲限。逾期而村長收稅不足額。則罰以所缺額十分之一。若以其有舞弊滋事之故而不足。則責以賠補。中國有時減徵。俄則無之。且納稅及購汽車票。皆禁用華幣。故市中俄銀一圓。得易華銀一圓二角。而租界內耕田之地。凡十七萬餘畝云。

鹽稅 中國之鹽。以七十斤爲一斗。斗納稅五角。稅金由奉天府尹納之以解於戶部。凡發一石之鹽票。則徵稅一圓二角二分。國稅釐金。皆具於此。外有田長斗記書記等小費若干。既納稅。則領稅票以去。其售鹽時。以稅票與鹽雜付之。而鹽田之抽稅。則旗民兩署。各派人承辦焉。俄之制度。每鹽一石。徵稅五角八分。其辦法不外立約擔保。擔保之額。歲有變更。而稅法仍依中國舊制。聞華人紀鳳臺擔保之額。歲及二萬圓。或謂一萬一千圓而貔子窩一帶。約有九千圓之擔保額。鹽田所在之地。以貔子窩三官廟鹽場羊頭窪小平島韓家屯。小磨子北境一帶老虎灘等爲主。而貔子窩三官廟爲最巨。貔子窩一帶。有鹽田百五十八所。歲產額六萬石。三官廟一帶。有三十六所。如有漏稅而被擔保人察出者。倍罰之。或以便宜處理。然未有因而爭訟者。

牛馬稅 中國之法。凡買賣牛馬者。納二分之稅於政府。即從價稅也。買者報稅務局。而領其證書。若漏稅。則罰銀十倍。俄國無牛馬稅。而買豚者徵稅五分。買羊者匹取稅五角。買熟豚無稅。殺時。匹當納稅八角。

船舶稅 中國之稅船舶。稱五百石爲大掛。三四百石以下爲中掛。大掛者。船納稅銀三十六圓。官費銀十圓。小掛者。船納二十圓。官費銀五圓。歲以六十四大掛爲定額。歸國稅。定額

不足。集小掛以充數。有餘。則不歸國庫而歸旗民兩署。又三十石以上者。課國稅。否則無課。然別有造船稅。修船稅。裝貨稅。卸貨稅等目。而俄則無船舶稅焉。

酒稅 中國酒稅。小麥粟徵四枚。一枚九十圓。故一年四枚。凡三百六十圓。即金州城小平島羊頭窪貔子窩四處。金州少酒。以售雜貨之商人賣酒者納稅。其稅額大店一圓。中店六七錢。賣燒酒者。納小麥粟銀外。別無他稅。蓋小麥粟。本遼陽燒鍋之稅票也。其後票鍋歇業。凡有三票者。皆可兌納於金州。俄國則賣麥酒黃酒者。必月領酒票。酒票一枚。納二十七圓五角。其稅額。歸金州公議會報告。聞領受實際酒票者。謂六月酒票。納二十二圓五角。是否雖不可知。惟每六閱月。領三百十二圓五角之酒票。得以販賣一切之外國酒。惟禁止販賣中國製造之燒酒。今查領酒票者。金州有二十七圓五角之票者九人。三百十二圓五角之票者無之。大連無二十七圓五角票之人。而三百十二圓五角票之人有二。貔子窩亦無三百十二圓五角票之人。

煙稅 中國向無煙稅。俄始徵之。每年收納。分十二期。一期領煙票一紙。販賣本國煙者。一年納稅七圓五角。販賣外國煙者。納三十七圓五角。大連及貔子窩之中國煙稅。一年六圓。今調查收稅者。金州納三十七圓五角票者一人。七圓五角者九十人。大連納三十七圓五

角者一人。六圓者十六人。鴉子窩納六圓者四十八人云。

海關稅 中國於金州一帶稅務。由山海關道掌管。設稅務局於各港。而收其稅。其稅率依山海關則例。俄則招人擔保。金州全部關稅。歲為二萬六千圓。西海口。紅土崖子。大連。三港不在內。其餘關稅二萬圓。任人擔保。三港關稅。別命金州公議會擔保一千四百圓。對於三港之關稅。其額尙廉。殆以其營業稅較重。而特輕其關稅也。擔保關稅人。所徵者。照中國制定之山海關則例徵收。又金州公議所擔保之一千四百圓中。有三百五十圓。乃大連灣商賈八戶擔保者也。

營業稅 中國無一定制度。至俄始盛行。俄國營業稅。門票酒票煙票。各撫民府異其制度。如金州城中。商店三百一十一戶。月納千圓。公議會徵之。各商店按商業之大小為處置。月納稅十八圓者九。十五圓者一。十四圓者五。十二圓者一。十一圓者七。八圓者七。七圓者十。六圓者二。五圓者四。四圓者六。三圓者十九。二圓者二十二。一圓五角者二十七。一圓二角者六十五。八角者三。六角者五十一。五角者十四。肉肆酒肆飯肆等十九戶。自二圓五角至十二圓有差。月徵百十圓五角。共八百九十圓。販鴉片者。別有納稅之義務。月納五十五圓者一。四圓者一。三圓者四。二圓者七。一圓者二十五。共計二百二十圓。而以其半及從各商店



所徵之八百九十圓。歸公議會。餘納撫民府。蓋鴉片稅。前由撫民府直接徵收者也。在城商戶。以負擔太重。分其半以與公議會。亦如金州城內。別徵門票稅。酒票稅。煙票稅是也。一等酒票。歲稅額六百二十五圓。今尙無承納者。二等酒票五十五圓。納者九。納一等煙票。每年稅額三十七圓五角者一。二等煙票。七圓五角者九十。有一等酒票者。無論何處之酒。皆得販賣。二等酒票。則以中國及麥酒爲限也。然仍禁止販賣燒酒。有一等煙票者。得販賣各國之煙草。二等者。以中國爲限。右二稅。歲兩徵之。大連之稅則。門票分四等。輒於六月領新票。一等一百八十圓。二等六十圓。三等二十圓。四等六圓。酒票不分等級。煙票一等十八圓七角。二等三圓。按大連納稅之商店。五十三戶。一等門票二。二等四。三等六。四等四十一。酒票僅一。煙票則一。二等十六。貔子窩門票。分十二等。商店二百三十八戶。每年額數。十五圓者二十九。十圓者三十六。八圓者二。七圓者一。六圓者三。五圓者三十九。四圓者八。三圓者四十。二圓五角者一。二圓者二十六。一圓者三十四。五角者十九。酒票不分等級。歲定五百圓。昔有領本票者一。今則無之。煙票不分等級。每年六圓納。此者四十八。

總稅額 中國稅額。尙不知其詳。俄之所徵。則如下。地租凡十萬圓。蓋徵稅地凡百萬畝。依俄制畝徵一角也。鹽稅萬一千圓。或謂二萬圓。酒稅金州四百九十五圓。大連一千三百五

十圓。煙稅金州七百九十五圓。大連一百三十三圓五角。魏子窩二百八十圓。海關稅二萬一千四百圓。門票即營業稅。金州一萬三千三百二十圓。大連二千二百二十二元。魏子窩一千二百八十一圓。共十五萬二千二百八十四圓五角。右稅目中。門票稅。煙票稅。酒票稅等。旅順及水師營等。尙不在內。要之。俄之稅則。實爲太苛。今就地租觀之。畝收約二石。據時價推算。所值不過二十四圓。而稅額乃至三圓六角。又其一等酒票稅。謂之營業稅。實不如稱禁止稅之爲當也。嗚呼。亡國之民。其苦固如是乎。

按滿洲吾地也。一任俄人之苛稅而不顧。作者乃以亡國之民爲言。願政府思之矣。

論中國今日改革鹽政 錄乙巳五月十九日時報

鹽課爲國家歲入之大宗。除地丁關稅外。無足與比並者。我國東、北、南三面際海。每歲海鹽所值。何止億萬。此外又有井鹽池鹽。除池鹽多由私售外。其井鹽海鹽。向例由官專賣。而引地復有一定。近年私梟充斥。正引日虧。所獲之利。較前銳減。而價值加至每斤六七文。復爲前此所未有。民間苦之。夫鹽價日昂。而官中無利。則此數十文之加價。歸於何處。大約可知。繼此以往。鹽愈貴。則獲利愈難。利愈輕。則加價益鉅。病民敝國。必有不可收拾之一日。而洋鹽進口之議。必起。則大利盡失。禍不可言矣。前者張君季直。曾發就場徵稅之議。一稅之

後任其通行全國。蓋誠知鹽法久敝。非改良舊制。不足以有爲也。顧事體太大。政府督撫。無敢輕舉者。頃聞鐵侍郎曾奏請整頓鹽務。主用張氏之法。朝廷果能實行與否。尙不可知。惟以今日鹽法而言。實有萬不能不變之勢。現時不變。不久亦終須變。現時之變。其權在我。尙可斟酌。盡善興利。除弊日後之變。則必迫不及待。張皇失措。而且愈辦愈壞。一敗塗地。蓋鹽之於今日。已成積重難返之勢。以關係至大之事。當積重難返之勢。遇迫不及待之時。而爲倉猝圖功之舉。其舉措乖謬。復何待言。然及今爲之。則猶可望其釐清積弊。稍有成效也。夫天下事。有形式變而精神不隨之。而變者亦有形式不變而精神實變者。鹽之專賣。歷數千年。未有變。然其間法則之更改。亦已多矣。他不具論。如陶文毅之改票鹽。革故更新。兩淮情形。全盤俱易。是雖形式不變。而精神固已大異矣。今若改行就場徵稅之法。雖較之改行票鹽。尙難數倍。然謂必致十分之騷動。恐亦未必然。蓋竈丁場戶之生業。依然未動。所不利者。惟染指之鹽商。與中飽之官吏耳。然鹽商仍可運鹽以取利。惟官吏失一大利源。豈有爲官吏之故。而置極大極要之事於不辦者哉。況新法既行之後。鹽價必平。私梟亦必泯迹。而於國家則增無窮之利。斯誠新政中所最宜舉辦者。惟改行新法。約有數利。得鉅款一也。抵制洋鹽二也。免私梟。惠貧民。三也。整頓財政。四也。四者之中。尤以整頓財政。抵制洋鹽爲要著。

然措政府所以變法之故。恐祇見及籌款一層。夫辦事之方針。必因所見及者而定。今日政府爲籌款而變法。則其心營目注。祇計及如何可以得款。恐於整頓財政及抵制洋鹽等。皆淡然視之。以莫大之舉動。而宗旨一偏。必至一誤再誤。並舊有之利。不能保全。而其事乃有百弊。而無一利矣。抑本館更有言者。朝廷因練兵而籌款。因籌款而思及鹽政。設辦有成效。其款必用以練兵。夫今日鹽利固多不歸公。然中飽之人。非官則商。否則轉運工作及肩販梟匪。其人皆爲中國之人。其得此款也。皆以給其身家。其用之也。仍在中國。今悉取而爲練兵之用。置之不能生利之地。用之不知誰何之鄉。則前此之仰給於此者。將何所賴。故竊謂今日變鹽政是也。其所以變者非也。爲整頓財政而變鹽政。則可爲籌款練兵。而變鹽政則不可。頃政府有命江北提督管理鹽政之意。發端已見矣。願當局者勿徒爲竭澤之計。而統全局以通籌。庶乎其有濟乎。

戶部奏請限制各省鼓鑄銅圓整齊幣制片

再理財以幣制爲樞紐。幣制以整齊爲要義。臣部遵旨。在津設立銀錢總廠。卽專爲整齊幣制起見。惟銅圓創行伊始。先由廣東試鑄。其後各省遞相仿倣。以救錢荒。現查開鑄已有十七省。設局多至二十處。若不明定限制。未辦者仍將援請。已准者復議擴充。鑄局益多。更

滋糜費錢品益難一律且恐私鑄因而混銷而洋銅以各處爭購亦將格外居奇漏卮益甚故上年政務處練兵處會議兩江總督魏光燾奏請添鑄銅圓摺內聲明此後鑄造銀銅圓皆由臣部主持以一幣制而重財政各省並不得紛紛設廠又查上年署兩江總督周馥奏歸併銅圓局片內亦聲明多一局廠多一煩費且恐各局所鑄成色參差於民用轉多不便尤不可不加審慎等語是銅圓宜多鑄而不宜雜出所見正復相同臣等公同商酌各省已成之局勢難停廢應由該將軍督撫認真督造不得再行增設子廠此外未鑄銅圓各處概不得仿照設局如必須銅圓應用仍令籌款交鄰省錢局搭鑄運回行使其有地當衝要設局實在相宜應由臣部隨時察酌情形一俟天津總廠布置就緒再於上海等埠建立分廠以期顯若畫一逐漸推行至各省奏准之初臣部俱令按月造報迄今開鑄已久均未照辦實不足以重圖法並請 飭下現已開鑄銅圓各省將軍督撫嚴飭局員按年彙報以省公牘而昭覈實並將鑄造行使章程迅速送部查核毋任宕延其已認提解練兵各費關係緊要仍令照數批解不得藉詞短欠謹 奏奉 旨依議欽此

戶部奏查驗捐生加捐執照辦法片

再查庚子以前一切捐輸案卷全行散失無存光緒二十六年十二月臣部擬定加捐各生

必須呈驗原捐執照方准續行加捐如呈驗光緒五年以前籌餉例空白執照者概不准續行加捐等因通行各省在案原以籌餉事例開捐年久收捐成數不同各省分局林立委員往往攜帶空白執照分投勸辦間有執照填給捐生而捐案並未報部者亦有將未填空白執照遺失而終無著落者辦理不免紛歧至光緒五年停捐之時即經奏定核准年限逾限應將捐案註銷其在庚子之前各捐生呈驗空白執照臣部彼時有案可稽雖查對相符者固多而曾經臣部核駁及逾限應行註銷並按所呈之照查無報部冊據者亦復不少此光緒五年以前籌餉例之空白執照不能一概指爲憑信臣部所以有不准續行加捐之議也惟現辦各捐生中有遵籌餉例報捐各項實官承領空白執照後或加捐升階或保獎升階又遞捐各項實官職其續捐之項已由外省兌收嗣後即赴部呈請核辦而臣部舊案無存該捐生所呈原捐空白執照是否曾經核准無從查對必須片查吏部將往年臣部核准知照咨文檢出查對相符片復過部方予照准其有臣部原文未經吏部查出者事關准駁既未便據捐生一面之詞憑空予准若竟以無案可考概行不准加捐又未免過於刻覈似宜變通辦法以折服捐生之心查籌餉例收捐各省均有原捐底冊存案備查並臣部歷次核准行知咨文亦必隨收附卷此其確鑿可據者也擬請嗣後加捐各生凡呈驗光緒五年以

前籌餉例實官空白執照到部驗無印信模糊及殘缺黏補各情者照舊行查吏部如吏部復回未有臣部核准原文應飭該捐生取其圖片印結切實聲明原捐底案於某省某案某次報捐先由臣部將各該員續捐之案一面核准給照一面咨行原捐省分詳細查明各該員原捐底案是否相符於何年月日經部奏咨核准按照各省例定程限於接到臣部行查咨文後扣去往返程限予限三箇月如輾轉查復再展限三箇月趕緊將各該員出身履歷詳細原案並本部從前行知原文清單全行鈔錄咨送臣部以憑核辦倘查該省復文不符即將各該員原捐續捐各捐全行撤銷以爲蒙混取巧者戒並將此項先行核准換照人員知照吏部兵部另行登記一俟該省復到臣部查核相符再行按名知照如未經復回其分發到省人員暫停其補缺署缺註冊候選人員暫停其選缺即有各項勞績亦不准保獎並由吏部兵部行知各該員服官省分遵照庶於體恤捐生之中仍寓嚴防冒濫之意若各捐生自知原捐底案未經核准其遞保續捐之案實在此次奏章之前應令將空白執照繳銷准其照原捐官階按新海防例在部庫補捐仍不准降捐改捐以示限制至各捐生在原捐省分自行呈請查明原捐底案由各該督撫專咨到部者臣部查核並無漏敘情節亦即擬准毋庸再予復查俾昭簡捷惟直隸省曾經兵燹其有代他省各捐係由各該省冊報者仍

財 政

一百九十三

乙巳

查前擬行查外如僅係直隸一省册報者恐已底案無存若仍不准續捐未免向隅應令呈  
驗空白執照存案後即按原階一律在部庫補捐再將續捐之案核准庶幾稍示體恤謹  
奏奉 旨依議欽此

光緒三十年分春季各海關收稅表

關名	收稅額	關名	收稅額
牛莊	因亂停稅	蘇州	一萬四千八百三十三兩
秦皇島	十二萬二千四百五十兩	杭州	十二萬五千三百三十三兩
天津	三十八萬零八百十四兩	甯波	十一萬四千三百六十五兩
烟台	十五萬四千三百七十四兩	温州	八千一百六十一兩
膠州	十二萬二千三百二十八兩	三都澳	八百十三兩
重慶	十五萬五千六百五十二兩	福州	二十萬三千六百六十兩
宜昌	二十九萬九千八百七十五兩	廈門	十八萬九千八百二十兩
沙市	一千九百八十五兩	汕頭	三十八萬二千零四十二兩
長沙	七千六百五十九兩	廣州	七十二萬一千一百八十四兩



岳州	三千七百六十三兩	江門	二萬六千四百六十兩
漢口	三十九萬一千八百八十九兩	三水	三萬四千二百六十五兩
九江	十萬五千二百八十八兩	拱北	因亂停稅
蕪湖	三十萬一千二百二十二兩	梧州	十萬八千一百六十三兩
南京	五萬六千七百八十七兩	瓊州	五萬八千零六十九兩
鎮江	二十八萬五千六百兩	北海	三萬零四十四兩
上海	二百二十六萬六千九百五十四兩		

以上統入六百六十七萬三千八百五十二兩 較二十九年前增多八十九萬兩

鑄銅元本利簡明表 錄中華報

紫銅圓本利 詳解每磅有餘大約萬餘可餘數百餘左右

紫銅承九百五十五兩

三錢四分

每千兩 白鉛承四十三兩

價 照目前極實計算

每斤規銀九分

點錫承二兩

五分一

以上共規銀二十兩零六錢三分三釐七毫五絲八忽二合漕平十九

財政

一百九十五

乙巳

財政

一百九十六

九月

兩二錢二分二釐零漕平近日市價每兩兌一千二百五十文

鎔耗自十兩至十一兩八九錢正

內 碾耗自六兩五六錢至七兩七八錢正

煤洗耗自七兩至八九兩正 三五兩鎔耗每兩計算不過三十

又邊碎銅回爐復鎔共計二十兩左右

以上除淨九百六十五兩鑄成銅圓校準每箇二錢共四千八百二十五箇每

箇當十計錢四十八千二百五十文

又工炭開銷約計在一成之例愈鑄得多則愈省

今擬 每漕平銀一兩 每箇當十作錢一千四百文 試將四十八千二

百五十文之數以一千四百之兌價核之可兌漕平銀三十四兩四錢六分零除銅本

漕平銀十九兩二錢二分二釐又一成工炭開銷約三兩五錢尙餘十一兩七錢三分

零

每錢 一箇 餘銀二釐四毫三絲一 十箇 二分四釐三毫一

百箇 二錢四分三釐一 千箇 二兩四錢三分一

萬箇 二十四兩三錢一

十萬箇 二百四十三兩一錢

百萬箇 二千四百三十一兩

每日如鑄出百萬

共三萬萬二千萬箇可得餘利漕平銀七十七萬

每年大月除淨三百二十日

七千九百二十兩

此令銀價再貴亦必

按此表計算餘利亦不可謂不厚矣但利之所在弊即隨之英國之先令即小每二十枚易一金鎊而每先令之銀質重量與吾國通用之兩角銀圓相等是二十枚亦僅能值銀四圓乃竟能易一約值銀十圓之金鎊其利豈非較銅圓尤厚乎而英政府決不因其利厚而多鑄也故先令與金鎊能永持其平吾國之鑄銅圓者當亦可恍然悟矣

### 各省理財彙誌

京師 重訂各國賠款之約已於五月二十日由駐華各使簽押此後一律照金價付還並將前欠鎊虧利息九百萬兩一併付足惟此約所訂之賠款於每月底交付則中國亦可於每年中扣除前半年之惠金四釐云

山東 威海衛碼頭稅捐以前定章程未善特改定新章數款一進口輪船無論裝載貨物客人入口後每隻交進口捐洋一元其洋由該船主或該行東及代理行鋪交納若係空船無須交納二進口風船入口後每隻交進口捐洋一元五角餘與第一款同三所有進口卸貨時碼頭捐務須按以下定額交納一煤炭每噸捐洋五分二磚瓦每千塊捐洋五分三各種木料每一百立方尺捐洋二角五分四散裝糧食每担捐洋一分五所有各種雜貨每包暫行捐洋一分

財政

一百九十七

乙巳

江蘇 揚州承銷直隸公債票五十萬兩由運司面諭淮南總局分飭場運各商量力承認近由場商認繳二十萬兩運商認繳三十萬兩業經由局彙齊票奉運司匯津交納

廣東 粵海關掛銷號稅初僅洋貨運入內地照章掛銷嗣於同治某年續訂關章凡瀕海各埠附近口岸者販運土貨亦須一律報稅而關役人等嚇詐勒索百出商民苦之現經署粵督岑雲帥提議裁撤先將土貨掛銷分別豁免明定新章劃行稅務司遵照辦理計廣州府南海番禺順德東莞三水從化龍門增城清遠花縣共十縣肇慶府高要四會鶴山新興高明開建封川廣甯共八縣惠州府潮州府韶州府南雄州嘉應州德慶州羅定州連州共八府州以上府州所屬各縣地方土貨號稅均行豁免洋貨不在此例又廣州府香山新會新甯新安共四縣肇慶府陽春開平恩平共三縣高州府廉州府雷州府瓊州府欽州陽江應以上府州所屬各縣地方土貨洋貨均照舊辦理號稅另土貨中豆豉芝麻荳花生各色蘇餅經前關部監督定例凡此四項土貨由省運往東莞縣內地者均須照常輸納號稅不在新章豁免之內

各國財政彙誌

韓國 韓政府前向日本告貸金洋二百萬元與第一銀行及興業銀行等訂立合同年息七釐以國庫歲入為抵償近應募者異常踴躍已逾四倍之數

日本 日本新國債票已於六月初九日發賣每百實收九十年息四釐半以二十年為限德英美三國各購一千萬鎊

俄國 俄國稅務局長現已決定將棉花稅加至值百抽十

商務印書館出版  
嚴又陵先生新譯

英 文 漢 語

十年以來吾國討論西字者日多其常欲從其  
志之士慮其本國或失其安常而師資已  
前之僑居者買辦市井口談而  
此可為吾國學界深非也  
於時則無不有說通西文者  
年不辦則無不有說通西文者  
而西文者則無不有說通西文者  
中法文字三昧年不辦則無不有說通西文者  
高文以事不為人所不能者為從  
文公謂先生必為近者為從  
諸公謂先生必為近者為從  
英法公謂先生必為近者為從  
力撰成是編由淺而深乃以海內  
至造句析疑不而用旁行式  
漢詩出無不而用旁行式  
凡號中國互和者難者尤為  
反覆而明昏蓋也者難者尤為  
昭啟人而明昏蓋也者難者尤為  
教有日之明昏蓋也者難者尤為  
疑難故能久見當結此是初學  
之金針而學界之貴當結此是初學  
得其本而學界之貴當結此是初學  
幸蒙先師即歡喜之鴻實也書成  
發售不惜工本以資校勘精確洋  
以期耐久定價每部大洋一元二  
學期於中定其價每部大洋一元二  
以者於中定其價每部大洋一元二  
末之有也

孟 德 斯 鳩 法 意

法儒孟德斯鳩原名 ESPRIT DESLOIS  
成於一千七百四十八年為十八世紀極有關繫之  
著作所論自君主民主之異制與其形質精神教育  
所因而務兵刑財賦通商惠工風土禮俗獄訟宗教  
凡自希臘羅馬以來各國所頒行之法典莫不著其  
所由而亦窮其結果網羅宏富體大思精昔拿破侖  
軍中籌畫八種自隨而法意為其一厥後為法國造  
律遂成近世最善法典蓋是書聲價自此定矣而吾  
國朝野方言立憲行且大啓宏規毫釐千里甚可憂  
懼幸適者嚴幾道先生檢取原書重為譯本館知  
海內諸公先親為快因請援原富之例稿分四起陸  
續印行藉餉學界所冀於國家自強圖治之方不無  
小補至於譯家能事無待本館贅一辭矣首次印行  
凡十五卷價一元六角

商 務 印 書 館 出 版

嚴 又 陵 先 生 新 譯

英 國 穆 勒 約 翰

群 己 權 界 論

John Stuart Mill's on Liberty.

是書發揮自繇精義勸濟國  
羣小己二者權界中社會之  
凌犯振國民之精神大旨惡  
苟同而尚特操賤死法而尊  
公理平實地說實話無一毫  
放蕩恣睢之氣而胸次之超  
眼界之闊其襟懷自是者對  
證之聖樂原書風行宇內久  
推傑作譯者精思妙筆更能  
相副自序有言學者必明乎  
己與羣之權界而後自由之  
說乃可用則是書之出其有  
功於今日世道豈淺鮮哉太  
史公謂有國者不可不知春  
秋為人臣子者不可不知春  
秋今吾亦謂為國民者不可  
不讀權界論也先生以版權  
特歸本館許以專印發售書  
凡五篇都八萬言洋裝一册  
價銀一元

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來滌滌我  
國靡從其說者見有廣狹術有文野而  
其排外則一也惟是世界大通種界宜  
泯彼都先覺獨標新義據羣學天演公  
理發明宗法社會軍國社會之殊別級  
勝蠻夷一等而我國今正進行後級漸  
進大同而彼族已經幾及彼方升堂我  
猶門外急起直追猶莫不及又安可抱  
持陳說以自域進步乎甄君掌教英國  
鄂斯爾大學是書為三年前印本就社  
會已然之迹而推其所以致此之由標  
舉陳說推倒秦說侯官嚴先生以其能  
裨我國社會遂譯數月書成以版權界  
本館專印行世現已出版洋裝一册價  
銀一元二角五分

## 實業

論中國物產 錄第五十二期商務報

以一千二百餘萬方里之地。聚四百二十五兆戴髮之民。合數百輩啓化之聖賢。承四千年文明之教育。版輿廣漠。風氣光昌。物產充盈。人民殷富。就亞洲而合計之。俄羅斯外。實爲第二大邦。蓋亞細亞洲全地。共得四千二百萬方里。合八千七百三十餘萬華方里。俄國十得其七。中國十得其二。而戶口之多。則遠駕俄國之上。乃中國非獨不能致富。反日趨於貧者。何哉。

十九世紀之前。歐西兵革頻興。財政亦多支絀。迨新學競起。以天地自然之利。達國家振作之機。於是勸農惠工通商。凡可以裕我財者。無不速求進步。而國勢泱泱恢廓。乃與心思智巧以俱長。迄今表海雄風。借商務爲殖民之計。振衣天外。八表同風。夫誰得而抗衡者。卽中國一隅。已爲彼族利藪。前五六年在華商利。以四十分計。則英法各佔其十。俄佔其五。日佔其三。比佔其一。美德各佔其二。中國祇得其七耳。彼之商力如此。其伸我之商力如此。其屈土地。非不廣也。人民。非不多也。所不足者。殆教育之程度過淺。有以致此。

今試登泰山而望禹甸。嗚嗚者非財賦之區耶。又試涉東海而溯黃河。浩浩者非財賦之藪耶。俯視吾氓。則脂膏枯竭。貧窶者踵趾相接於道。坐令寶闕於山。珍藏於澤。論種植則務農者儼然胼胝也。而地力未盡。論開採則辦礦者紛然呈請也。而專家無人。然而火車達。電綫通。工廠增。輪船廣。倘從此以切實推行。歐美之盛。或尙可期乎。

考中國物產。烏拉山鐵礦。一峯之產。日可採十萬斤。雖累歲興開。仍在外壳。中心依然未動。且因礦苗深入地脈。可以取之不窮。山西一省之煤。可供地球二千年之用。其餘如漠河熱河。蒙古徐州。台州。四川。大冶。淄川。永興。萍鄉。福山。或金銀。或煤鐵。或銅錫。或銻鉛。無處不生。礦材無處不得。礦利北方之境。沙漠多寒。雖種植不易。爲功而畜牧速於茁壯。除油肉可供食用之外。其皮角毛骨。爲製造之所必需者。一歲之中。何止數百千萬。若在蒙古新疆。張家口各處。多設製造工廠。更得商運以濟之。已足與西國抗衡。況尙有可耕之地耶。南省土腴地沃。農圃皆宜。江西之苧麻。安徽之穀米。鄂湘之糧食。川蜀之藥材。蘭州以煙草著名。福建以皮絲馳譽。漢岳爲江魚之藪。甯波是海鮮之鄉。蠶絲則浙江之嘉湖。江蘇之金錫。香稻。則蘇州之常熟。揚州之仙女廟。茶葉則浙閩湘鄂。贛蜀無處不生。果則承德口外之葡萄。津薊順直之梨杏。以及齊魯之核桃。蘋果。霜柿。桃梅。櫻李。幾於遍地皆是。閩粵各省。則爲柑橙。柚。



橘、荔枝、桂、圓、諫、果、香、蕉、甘、蔗、文、丹、與、夫、洞、庭、湖、西、子、湖、黃、天、蕩、此、指、蘇、州、之、東、黃、天、蕩、也、後、湖、之、菱、藕、蓮、芡、並、蘇、杭、之、枇、杷、楊、梅、蔬、則、湘、浙、之、筍、哈、蜜、之、瓜、京、口、之、金、針、廣、州、之、木、耳、口、外、之、菇、菌、南、八、城、西、安、之、白、菜、巴、州、之、萊、菔、白、菜、萊、菔、有、重、數、十、斤、者、皆、能、致、樂、利、而、養、民、生、若、夫、器、用、之、材、則、景、德、之、磁、于、闐、之、玉、黃、岡、之、竹、輝、陽、之、桐、博、山、之、琉、璃、皖、川、之、油、漆、繁、博、如、此、尚、何、貧、乏、之、足、云、

然、而、土、性、雖、宜、非、培、植、不、能、出、也、生、機、雖、暢、非、耕、作、不、能、收、也、若、是、者、利、乎、農、製、器、尚、象、物、能、自、致、不、能、自、成、也、利、用、厚、生、天、能、生、材、不、能、生、器、也、若、是、者、貴、乎、工、有、農、有、工、而、無、商、以、濟、之、則、緩、急、不、能、通、有、無、不、能、易、物、產、雖、富、以、文、明、之、時、代、仍、守、頑、蔽、之、故、常、斷、不、能、臻、乎、優、境、所、望、幡、然、自、悔、貿、易、改、良、聚、藝、士、之、精、神、智、民、之、慧、悟、盡、驅、策、於、農、工、之、圃、貿、易、之、場、陶、鑄、熱、心、所、以、愛、惜、物、產、亦、即、所、以、裁、培、國、本、保、固、身、家、敬、告、吾、同、胞、其、能、聽、記、者、一、言、從、此、大、興、商、利、也、乎、

夫、欲、致、通、國、之、物、產、引、而、致、之、於、盛、大、發、達、之、域、非、推、廣、耕、作、畜、牧、開、採、製、造、不、能、日、進、於、殷、繁、然、非、得、入、販、運、交、通、則、農、有、餘、粟、女、有、餘、布、物、產、仍、難、暢、及、如、人、之、生、活、五、官、四、肢、百、骸、須、精、神、充、泰、血、氣、流、行、方、能、演、其、天、趣、若、稍、有、積、滯、則、病、作、而、就、死、亡、矣、商、政、亦、然、惟、是、

江。海。之。大。成。於。消。流。泰。華。之。高。基。於。土。壤。天。下。無。量。數。之。物。產。須。得。無。量。數。之。農。工。以。致。之。更。須。得。無。量。數。之。商。人。以。通。之。體。之。團。也。羣。之。合。也。弊。去。而。利。至。力。固。而。身。強。聚。精。會。神。以。盡。倫。理。之。公。德。衍。造。物。之。生。機。活。劇。當。場。貴。乎。煩。演。否。則。菁。英。永。闕。負。大。造。之。生。成。勢。必。槁。木。死。灰。同。歸。於。盡。悠。久。寂。滅。豈。能。長。此。終。古。哉。

一 外務部奏改定華英公司合辦四川江北廳煤鐵礦合同摺

竊臣部於光緒三十年四月間准署理四川總督臣錫良咨稱據礦務總局會詳英商立德樂來局面稱欲與華商集股合辦江北廳煤鐵礦產名曰華英合辦江北廳煤鐵公司擬集股銀五十萬兩務求允准照章開辦等語查川省原設保富公司專為華洋合辦各公司購地轉租開採既可以保我利權亦所以杜其標估茲據該商援案來局請辦當經會同保富公司總會辦等再三商榷均經疊次磋商與部定章程不相違背繕具華英合璧草合同十分經保富總公司總會辦暨該商立德樂同時籤押蓋用四川礦務總局關防詳請察核分別咨送應請查核具奏等因並將漢洋文草合同咨送前來臣等逐條查核如所訂查勘承辦并限滿後准其請展各年限以及礦地界限報効成數核與奏定章程并川省歷辦成案均不相符此外各條字句之間亦尚有應行增改之處當經臣部逐條電達川督飭局與英

商立德樂再行磋商適值該商業已離川未能與議本年九月間臣部准英國使臣薩道義來照謂該商現已到京所有四川江北廳礦務合同如令該商回川商改未免稽延時日擬請在京妥議經臣部與該商將應行增改各條迭次磋商分別改定該商已無異議相應繕具清單恭呈 御覽如蒙 俞允卽由臣部繕定改正合同與該商畫押蓋印并咨行四川總督查照辦理謹 奏

華英公司合辦四川江北廳煤鐵礦務合同 四川礦務總局暨保富公司招英商立德樂議設華英公司擬在四川江北廳所屬地方開辦煤鐵礦務四川礦務總局與英商立德樂議定合同十六條彼此願允照此合同內章程辦理所有合同章程開列於後 一此次華英合辦公司開辦江北廳所屬煤鐵係於江北廳所屬地方指定開採倘此一處辦無成效將此無用之地歸還保富公司准江北廳煤鐵公司再行另指一處開採如辦有成效以辦亦即可推廣別處續行開採總不出該廳境內所有議定章程礦務總局暨保富公司與英商立德樂允願照行 二保富公司允英商立德樂集股銀五十萬兩其股銀以一百兩爲一股周年每兩以八分行息設立華英公司名曰江北廳煤鐵公司華英商人均可一體入股至公司內應派華英總辦各一人經理華總辦由保富公司詳請制臺派充英

總辦由江北廳煤鐵公司揀派至於銀錢帳目兩總辦均有稽核之權公司內工程事務則由英總辦專理其辦理交涉及經收租稅等事則由華總辦經理並須派華官一員在開礦之地稽查及管理地方交涉事宜華員薪水均在煤鐵公司支給 三保富公司應行聚集足用股本以為購買煤鐵公司所需礦地礦審之用保富公司應按照公道辦法給與業主地價轉租與煤鐵公司按照年限開辦該公司每年租費應按出產每百斤抽二斤半繳納保富公司作為地租惟此項地租專指煤鐵礦兩項工艱費鉅而言他項礦產不得援以為例如試探地段不成保富公司原購此地去價若干應由煤鐵公司如數補給如保富公司將此地另賣價銀若干則煤鐵公司只照價補足保富公司原購價值 四此合同自批准之日起由江北廳煤鐵公司延請礦師鑽試以便考查有無煤鐵如遇田園廬墓均須設法繞越他項洋公司及華洋合辦各公司皆不得於期限內前往考查及開辦煤鐵礦產 五江北廳煤鐵公司自批准之日起以十二箇月為限限滿不辦合同作廢永不再請展限此十二箇月期內由煤鐵公司查勘指定礦地之一處面積以三十方華里為限未指之先除中國自辦外別項洋公司及華洋合辦各公司不准前往查開如限內已經開辦該公司仍可在境內續勘開辦該公司應於未開之先呈請派駐該礦處委員查明所指之地實係未

經開辦之礦或雖開辦早已停止且無別項窒礙電稟批准始能給與該公司准開憑據由保富公司向業主購定轉租與該公司開採所指之地如現有華商開辦該公司不必重指如現開之華商自願轉租或願附股交由該公司承辦亦須經委員查勘商議允協電稟批准始能知會保富公司購地轉租該公司不得勒令停歇致礙商情 六該公司開出煤鐵礦產應按北京外務部章程值百抽五作為出井稅此項出井稅由華總辦派駐該廠委員經收轉解礦務總局至裝運出口仍應照章在洋關完納中國政府現正擬定新章一俟訂妥之後再經中英大臣分飭通行後該公司與礦務總局均應遵照新定章程辦理 七開採各礦如因無利停辦或有利已取即將無用之地退歸保富公司以作別用與江北廳煤鐵公司無涉 八開採之後除繳地價年租費用并利息八分之外所有贏餘即為淨利作十成攤派准提一成攤還股本再提一成以為公積其餘八成以百分之二十五分報効中國 國家其餘再由各股東會議提用至華總辦亦應有稽核贏餘之權該公司亦應按年冊報礦務總局以備查考礦稅按季照付報効按年照呈 九該公司如有虧累情事與中國 國家暨川省礦務總局及保富公司無涉 十該公司自批定合同之日起所准在該廳屬地方開採煤鐵年限以五十年為限其他洋公司及華洋合辦煤鐵各公司不得在江

北廳境內查開限內均照現定合同章程辦理限外所有礦地廠鑿機器一切皆由保富公司管理呈繳礦務總局報効中國 國家倘限滿後礦務興旺公司願意接辦須由中國允准方可展限所展之限至多不得過十五年 十一所有約束華人工匠夫役之權均由華官主政洋人不得與聞如係細故可以立時了結者即由該礦處委員分別辦理或扣薪資或罰錢款或予別退不得施用刑法如情罪重大者仍由地方官照例辦理洋人如有滋事應按情節輕重或知照公司立即辭退或照會領事照約辦理至工匠夫役因工受傷成廢或致殞命該公司應分別從優給卹 十二該公司如欲在礦廠之外修築道路應由保富公司轉請川省大吏查驗果無窒礙方能准行所修之路一經修竣即永遠作為官路由官管轄該公司不得視為己業以後如有培補由官給費如隨時培修工程在百兩以外者仍由該公司出費如該公司不由此路即不與聞如將來必須修造轉運小鐵路以便運最近水口為斷所用之快路若干長繪圖帖說由該公司呈礦務總局咨報外務部核准後電知川省照辦至新開小運河及開深舊小河亦由臨時查驗果無窒礙方能准行惟此項小鐵路專資轉運自出之礦產不得運行客商及別項貨物至該公司出費挖濬河道亦應作為官河不得視為己業阻礙行旅客貨 十三中國與別國如有戰事該公司不得接濟敵國

十四公司礦務關係國課中國 國家自應盡力保護俾收實效所有該公司財產及監理工役人等地方官照例保護如有滋鬧事端地方官應照中國律例懲辦不准由洋人責打苛待 十五此合同各款應以華文爲準如有爭執之處惟須將華英文字詳細核對如仍有文意辦法不合以致爭執之處應按西洋調處章程辦理其法係由礦務局該公司各請公正人斷理如所請之人意見不合即由此兩人再請第三人公斷兩家不得異詞 十六彼此議明訂爲合同繕具華英合同各十份保富公司總辦許涵度馮煦江北廳煤鐵公司華英商總辦立德樂同時畫押蓋用四川礦務總局關防分呈北京商部外務部戶部衙門及四川總督部堂衙門布政使司各衙門各一份備案又分呈駐北京英國欽差大臣衙門及駐川英國總領事衙門各一份備案餘三份四川礦務總局存一份保富公司與江北廳煤鐵公司各執一份爲憑此合同由外務部 奏請批准後作爲允辦之據現經外務部將此項合同改定於光緒三十年十月二十一日 奏明奉 旨允准繕具華洋文各十份畫押蓋印除外務部留存一份外其餘各處均仍各執一份存案爲憑 四川保富總公司總辦許涵度馮煦 會辦嚴翹昌 江北廳煤鐵公司華英商總辦立德樂 大清欽命外務部尙書會辦大臣那 四川江北廳煤鐵礦務公司總辦英商立德樂 光緒三十年十

實業

一百四十一

乙巳

一月初二日 西歷一千九百零四年十二月八號

商部奏候補京堂陳呈請於川省廣興各項實業摺

竊臣部差委章京候補四五品京堂陳時利呈稱竊維川省據西陲之上腴民殷物阜上通藏印下達江海左抱滇黔右帶陝湘固四通商戰之地而外人所亟欲馳逐爭競者也然自成都創設商局以來洋燭煙捲或甫辦而旋停強水火柴雖專利而未廣製造不精轉運不靈既難以開風氣而增公益推原其故實由於商情渙散民智閉塞整頓之未得其術操縱之未妙其權也時利以爲求新不如振舊慮始斯可圖成施之以漸乃克有爲四川土產除鹽歸官運外其流溢於外洋外省者曰絲茶曰白蠟藥材糖麻爲大宗絲產於保甯嘉定而聚於成都以供蜀錦綢緞繡貨之用餘則達於上海而出洋川絲繅法多不善必入上海機器廠然後合用卽以川中綢緞論亦遠遜江浙蓋植桑辨種育蠶繅絲諸法夙未講求也蜀雖多山然各州縣皆有平原腴壤宜桑之地僅僅嘉定保甯一隅不足以推廣利源擬請旨飭下四川督臣札飭各州縣設立蠶桑局官爲購置桑秧租地插布大縣約四五十畝小縣約二三十畝每地一畝約布桑秧五萬株大中小勻計每縣約得三十畝歲可種桑秧一百五十萬株以此遞增遞補其效甚捷須嚴訂科條地方官不認真者有黜凡民間田畔牆



陰皆可插桑由官督飭里保勸諭農民按戶之大小地之廣狹赴局委領官種不取種資勤植者賞怠惰者罰其插而未活者令其赴局買補以培原領之數每株訂制錢三四文不得多取地方官隨時稽查不得奉行故事總期數年後桑株徧於全蜀並將插桑擇種飼蠶繅絲諸新法取其善美簡切而易行者刊刻成書由地方官徧散農民復再三開諭留心考察務欲民知其利踴躍從事省城則由商局創一繅絲廠重慶設分廠凡出口絲及赴各機房者皆入廠公司則聽各商自設若川絲成貨出省者不過欄杆花樣不新爲東洋所抵制綢繅練絲不熟又視浙湘爲減色急宜考新法製新機覓新樣創新式製法花樣以愈新而愈妙隨時改良勿令陳陳相因是當在省城設一大勸工場比較廠以絲爲首務茶產雅州藏番所嗜爲川貨出藏之大宗亦爲川省扼藏之要領近二十年來商人詐僞以樹葉攙雜其中藏番深惡莫可如何英人始以印茶誘之遂成互市之局迨印茶盛而川茶日益衰諸商漸多歇業川省產茶不一地雅州外尙有馬邊灌縣等處要皆內銷未能遠販蜀地多山宜茶之地不少宜令開放例禁聽民得以自種官爲頒布茶種設局收買成都重慶宜仿漢口設立製茶廠實可廣關利源白蠟爲出口鉅貨自洋燭改易新法而蠟價日跌蠟之爲用至廣須派人至滬考查外洋製造何者相宜預備擴充以維商業藥材惟大黃五倍子巴豆薑

黃出洋所銷亦微餘祇供給各省而已查西人每食必飲咖啡今宜添置咖啡之種設法種植製成此茶以投西人之嗜官爲試辦一得其法卽令民間廣種以收利益川糖之品三曰白糖桔糖紅糖皆出於蔗資州瀘州一帶蔗林翳鬱沿山皆是然惟桔糖可達漢口而白糖紅糖祇行本省糖之用至廣者莫如白糖華洋咸嗜川白糖色暗而味過濃厚成本極重其價逾於台糖洋糖而潔白不如遠甚今宜做台糖用機器製造出貨多而價極廉精益求精務駕台糖洋糖之上使東西爭購抵制外人麻與絲並重而麻用尤溥考古無木棉惟老者可以衣帛仰給於絲其少壯取辦於麻而已自木棉盛行而以麻織布祇施之於夏而視爲可有可無之數近經西人考察斯理以爲麻之適體不但勝於棉而且勝於絲四川惟隆昌麻布最著名然拘守舊法不足暢銷前年曾欲設麻布公司未成遽止今宜博採西術考究麻理配以新機製以新法務合西人適體之用並宜通飭各州縣勸諭民間種桑之外繼以種麻庶地無棄材而人有恆產矣以上六端皆川產可以出省出口之大宗其餘如骨角羽毛諸類可以新法推廣者正復不少竊惟天下大利本於農桑漢臣司馬遷傳貨殖悉就民生日用之源以扼其綱領西人馳逐東亞皆伺察中民意向之所在以中其隱而秉其樞故英法商業雄競東來爲全球冠近日本倣效亦操勝權然察其灌輸角馳之要實以紗布絲

茶銅鐵爲巨擘機器奇巧不過輔之以行而要非正宗蜀地重慶早開商場將來軌路大通成都將列爲巨埠昔之險塞今類康莊若不早爲圖謀誠恐門戶一開漏卮轉甚況蜀民人口甲於二十一省生齒日繁游民日衆尤宜廣興各項實業以彌隱患而裕民生時利家世蜀人聞見較確謹貢芻蕘以冀採擇現在 朝廷設立商部百度維新蜀中商人咸知奮勉呈請代奏懇 恩飭下四川督臣設法極力整頓以蘇民困而濬利源等情前來理合恭摺具陳代奏謹 奏

翰林院撰文吳奏罪犯習藝所新章請責成各省府州縣一律分設摺

竊臣三月二十一日伏讀 上諭伍廷芳沈家本奏議恤庶獄各條業經依議惟立法期於盡善徒法不能自行全在大小各官任事實心用副 朝廷省刑之至意等因欽此仰見聖朝矜恤庶獄有加無已薄海臣民同聲感頌查伍廷芳等原奏凡竊盜皆令收所習藝按罪輕重定以年限俾一技能嫻得以餬口自少再犯三犯之人與京師五城教養局現行章程略同五城教養局係前山西道御史夏敦復及上年 奏定創設五城科道經理之教養之法分粗淺工藝十五科皆擇日用常物一人能作者成本輕則銷流自易藝成遣散能自謀生其宗旨在化導頑民與工藝局有別也所成之物出售後應得餘利按成酌提歸內餘

則存局於遣散日俾作贖本法良意美年來收養罪犯日多內外城竊案漸少明效有如此者臣查罪犯習藝所前經刑部分咨各省議令通設近年各省摺報辦法不一直隸於保定天津各設一所雲南則省城專設一所大抵偏重省城限於經費不能徧及惟山東河南兩省議由州縣分設因地制宜一律開辦已先後陳奏咨部或謂府州縣徧設惟所慮經費不給奈何夫經費有二曰開辦曰常年臣約略計之如直隸一省督臣袁世凱所陳辦法保定天津兩所共容八百人經始爲難籌費過鉅若以此八百人分養於府州縣每縣多不過數十人少或十數人開辦之費建廠屋招藝匠派丁役以佐貳哨弁領之如本地向有官房或善堂酌量擴充籌款試辦事尙易舉常年之費似可援山東直隸章程按缺分優劣攤之即以攤款作設所後經費且部行新章軍流徒犯均令收所凡遞解寄監等費可挹彼注茲行之一二年後成物出售及一切罰鍰併陸續酌貼內用但使地方官經理得人實事求是天下甘心爲竊盜者究亦無人化莠爲良當可十得其八合無籲懇天恩俯念化莠勸工立法無弊飭下各督撫責成所屬府州縣限三年內各設習藝所仿山東河南章程並參用直隸攤款辦法各令切實舉行天下一律謹奏奉 上諭翰林院撰文吳蔭培奏罪犯習藝所新章請責成各省府州縣一律分設一摺著各直省督撫飭所屬一體認真辦理原摺

著抄給閱看將此各諭令知之欽此

墾務大臣綏遠城將軍貽奏擬請變通杭錦旗墾地原定租章摺

竊杭錦報墾蒙地前經奴才將該旗願徵押荒請領部照並擬定押荒歲租等則仍須親赴後套履勘詳酌各情形先後查明在案旋於三月二十七日攜印起程行抵包頭墾局將應行及時籌辦事件趕緊布置隨即赴套逐日經過地方所有熟地荒地幹渠枝渠無不逐加考察凡地形之高下土脈之肥磽渠水之遠近熟審而默識之歸途行過希尼眼時適該貝子阿爾賓巴雅爾已先期到彼候商渠地各租事宜始知前定押荒歲租數目有亟宜加以變通者查奴才原定租章上地每畝收押荒銀九錢中地八錢下地七錢除提二成充開渠經費外餘則以一半歸公一半歸該旗歲租上地每年徵銀四分五釐中地四分下地三分五釐無論上中下均各提出二成以備修渠之用當時係據局員具稟先行酌擬及此次周歷各渠因流溯源皆已得其要領綜計杭錦地勢狼山峙其北黃河互其南地居中央引河爲渠導以就地由南北節節漸高激之使行疏之使注而接諸就下之性則施功非易而壅閼尤所宜防加以河水灌輸沙泥俱下有時上游水驟下游沙淤倒退其狂瀾動至決隄爲患故從前農民開渠之家渠身必每歲刷之使深渠背必每歲培之使厚其所以費資甚鉅

致力甚勞而決不肯舍而不營者則以地視渠爲轉移無渠卽不啻無地向來民戶租種杭地率皆於渠租不惜多而歲租亦薄納之誠以渠之所經必無棄地而地之所在不盡通渠是渠租之宜另征並宜多於地租此其明證卽奴才此次所至各地訪諸輿論亦請加渠租而輕歲租以爲渠水足地利自足租自有所出也奴才熟加籌計擬請將原奏章程再行釐定該旗渠地應徵渠租每年每畝收銀四分五釐以爲按年修補渠工之費此項渠租無論上中下地均歸一律並照該旗向來租地辦法渠水到地始收渠租其未經澆灌者僅收歲租卽歲租數目亦量予遞減擬將該旗上則地比照歸化廳糧地賦額稍加每年每畝徵銀二分二釐中則地比照察哈爾左右翼墾地賦額每年每畝徵銀一分八釐下則地比照綏遠城牧廠墾地新定賦額每年每畝徵銀一分四釐歲以爲常仍照前奏毋庸再加閏耗所收歲租以一半報効 國家一半由該旗赴經徵地方官衙門承領其押荒數目亦卽遞減爲土地每畝徵收八錢中地七錢下地六錢仍按地則等次臨時酌量分填語曰百聞不如一見奴才履勘所及加以體驗考查確知其應如此所以不敢拘執前奏而於押荒渠租歲租必請變通改定者也如蒙 俞允現正派員請領部照如尙未頒發卽請照現定渠歲各租數目由部就近更正或業經頒發擬由奴才將此次奏定各節補刊印入部照加蓋關防

以昭大信謹 奏奉 硃批戶部知道欽此

陝西巡撫夏奏陝西工藝廠試辦有效擬即購機建廠漸次擴充摺

竊惟富國恃乎商通商恃乎工五行百產轉運者商也製造者工也今欲抵制外人而我拙彼巧我粗彼精我舊彼新我遲彼捷價則我貴彼賤貨則我滯彼暢不亟振興益滋困敝勸工之道東南各省業已日見精良北則京津西則川蜀廠中製造孟晉軼羣惟有陝西民情錮蔽工皆樸儻器鮮奇新每以本地產生之材資外人製作之料毛蠶骨角之屬外洋收之反手而得鉅金棉花藥材之屬鄰省收之製鍊而求善價己所有者一一流於外己所無者物物求諸人一出入間耗失非細固民之性質鈍亦官之教督疏也上年冬藩司樊增祥札委署西安府知府尹昌齡創設工藝廠略仿蒙學之例從小處粗處淺處易處入手挑選少壯無業者百人入廠學習陝西不惟民智未開即官智亦待啟試辦之始人皆非笑以爲事必無成尹昌齡氣銳志堅率同局員馬兆森等董督工師居肆治事局員各竭心思學徒咸知勤奮臣到任後迭加教勉不戒而爭數月以來若竹工木工草工針工各就其質之所近以呈能各得其師之所傳以成器雖皆粗淺頗利行銷而漸進精良者則以氈罽爲特出蓋畜羊翦毛以製氈本陝人之故技特工料儉減製不求精茲由廠員教督揀毛務純壓片務

薄染色務鮮印花務細製爲衣物人爭購之近有訂購至數百牀者亦可見技無不可學民無不可教惟視辦事認真與否耳查工藝一事重在製造土貨地所不產與產而不豐者皆可從緩現定簡易章程以氈毯爲首次則棉花居土產之多數而秦人不自紡織專以淨花運行川省近來蜀中改用洋紗陝花遂無銷路現已派員赴滬訂購紡紗織布各機教之織作以處處屯積之花作人人彰身之用既可抵制洋販並堪銷售鄰封又次則南山出漆而箱篋盤盒几案椅凳之屬可製也華山多竹而簾篋筐篋蜀箋宣紙之屬可造也又若棉紗織帶封羊爲裘牛革打箱豬鬃製巾因地取材因材製器因器招工因工謀利使物物皆盡其用而地無棄物人人自食其力而國無游民此固設廠之通義而尤大有益於秦民者也現已於川招紙匠於隴雇毯師於閩覓漆工分類傳習諸端並舉其始務在收效未敢鋪張僅就 行宮左側之養馬場搭棚葺宇小試其端近則製作稍精衆情踴躍不日工師紛至門類增多非別購廠基展寬局勢不能安機器而來百工現於西門外得地一區由藩司力任其難籌款興築一俟廠屋落成機器運到工師齊集即添募學徒日省月試局則由小而大器則由粗而精藝則由淺易而漸造乎深且難迨至難者深者精者皆能爲之而秦民無患不智亦不患其貧矣茲由藩司樊增祥呈驗新製各物並詳請立案前來臣竊喜其爲日



淺而進步速發端小而規畫宏取材近而程工遠而其本原仍不外乎實是求是謹 奏奉  
硃批該部知道欽此

商部奏招商設立京師火柴公司並撥助官本片

再查光緒二十九年八月間臣部奏定章程內開擬招商設立各項公司由臣等籌議奏明  
辦理如係官商合股及官助商辦則視股本之多寡隨時訂定章程等因奉 旨允准在案  
竊維火柴一項來自外洋銷數最旺上海漢口四川皆有華商設立公司抵制洋貨京師都  
會之地尤宜招商興辦以塞漏卮當經諭令北京商會各董事籌議去後旋據商會董事分  
省補用知縣溫祖筠等稟稱擬集股五萬兩於京城設立廠屋名曰京師丹鳳火柴有限公  
司並請發給官股予以專辦年限等語臣等查溫祖筠等熟悉商務家道亦尙殷實其所請  
製造火柴意在創興實業挽回利權所擬章程悉照臣部奏定公司律辦理自應准予立案  
撥給官股銀五千兩以資提倡並准於京城內外大興宛平境內專辦十年藉免擾奪一俟  
資本充裕獲利較厚即當設法擴充除飭該商等從速籌辦並俟建廠時再由臣部咨行五  
城察院各衙門一體保護謹 奏

江蘇徐州道袁稟辦徐州實業會社章程

實業

一各府州縣選派公正紳耆先在城內設立實業會社一所四鄉仿而行之各紳耆量力入股或邀集富商大賈每股制錢十千文五千文爲半股餘以類推多寡隨便專辦開渠種樹修道養蠶墾荒辦礦興工藝設魚業各項實在事業後來得有餘利按股均分不使一人向隅官爲永遠保護無論何人不得藉端需索如有獨力創興實業會社入股至二三十股者給予匾額以彰好義之風 一開溝渠 徐屬大渠以銅山之荆山河奎河蕭縣之龍山河戴山河爲最除荆山河入運餘皆入淮壅塞不通歷年爲患其餘則邳宿之沂河洛馬湖六塘河皆民生休戚相關實宜疏通尾閘消納衆水至於各處窪湖積水難消既無來源又無去路開溝引入大渠即可涸出多地耕種得以施力通衢大道修成一路兩濠遇潑引水入溝由溝入渠合境均無水患收穫自然豐稔 一種樹木 徐屬自黃河改道淤灘荒沙不能耕種者甚多是宜多種柳子每間尺許開挖方坑深方皆一尺爲四隅各栽柳一株株長如坑埋入土中上與土皮齊以三行爲一蹕相距三丈遠另栽一蹕依此類推多寡隨地勢長或數里至十數里最易生活一年後擇枝條繁密者刪減數枝三年即可剪伐一次或燒炭或作斂篙柄較之種穀牽算獲利尤厚欲使成樹相距丈許各留一株十年即可成材餘仍三年一伐使之另生新株至於荒山長隄或種松子或種榆錢桑椹暨各種雜樹果木均

有成效可尋以徐屬八州縣計之即栽數千萬株亦不爲難十年之後每樹以數千文計之即可多出數千萬金費錢有限獲利甚饒從無有過於樹木者官須設立禁約婦孺剪伐罰其父母男夫牛羊踐踏責令牲主包賠城邊驛路官爲倡率溝河山場有大段落會社集股栽種池畔村旁地頭徑側地主自植無力則聽人代種獲利按三七抽分惰則有罰勤則加獎欲伐大木先栽小樹俟其成活再准伐取不出數年材木不可勝用 一修道路 道路崎嶇最爲苦累艱險不可勝言遇有泥淖沿路禾田尤易蹂踐宜飭沿途村莊地主隨時分段修治平地則開溝疊路形如魚背寬以三丈爲度窄以讓開兩車爲準山路則平高填窪砌石鋪土遇狹開寬雨後修補俾得暢行無礙窮家老牛敝車因得多使數年道平行速又能騰出工夫另作別項事業遇有霪雨順濠而下免得浸淹田禾暗中受福人多不知全在官紳實力倡導分途興修則利便甚多倘有藉端詐擾即告會社董轉函州縣傳案訊究

一養蠶桑 浙西養蠶樹桑分別子桑秧桑接桑糞肥修條去蟲砍朽工力頗細故繭亦佳嶺南則成畝種桑條長二尺餘一如麥隴較爲省力每歲養蠶少則兩季多則三收而關東則種婆羅樹放蠶於上聽其食葉結繭一歲兩收獲利甚饒徐屬河堤荒山最多不耕種之地皆宜樹桑但能勤苦種植即一畝桑養蠶出絲已足養數口之家現值中外大通無法

不備樹桑養蠶既有人師又有成書一索即得全在官紳倡率開此風氣則利無不興也  
一開荒地 徐屬窪湖甚多既經開渠消水涸出之地可任人耕種給予永遠執業豐收後  
再酌量升科但使野無曠土多加人工則出產必數倍常年窮民亦可藉資餬口 一開礦  
產 徐屬雖無金銀而煤鐵各礦較之別屬獨豐如賈家莊白土山現出煤質雖較遜於棗  
莊而煮飯蒸酒皆可燒用利國鐵礦古今稱最如能多集股本興此礦業開天地自然之大  
利養本境無數之窮民又可遠銷中外歲籌鉅款裕國便民無逾於此而資本家獲利尤不  
待言 一興工藝 天地出產藉工藝以成物中國向不講求故出產雖多皆屬生貨一經  
外人製造裝潢轉售之於中國反得貴價而去徐地棉花小麥爲出產大宗如官商集股多  
設工藝廠購置軋花紡紗織布各項省費機器招工開廠價廉功倍成本既輕銷路又廣必  
獲厚利再使明敏工匠學習製造機器更可推廣民間紡紗織布人本已知已能進之以機  
器巧法則更工省利倍至於草帽辦行銷外洋機器磨多出麥粉皆宜集股開辦不惟有益  
民生並可大獲利益外人一工一藝皆恃爲養生之原誠以國無游民富強之基也 一設  
漁業 東西濱海各國皆爭漁業權以滄海無窮之利養大陸有限之民其有關於國計民  
生利益最爲宏遠管子以魚鹽之利霸齊國後世知權鹽而不知捕魚失計本極可惜西人

以電燈捕魚魚喜陽光聚而戲之一網打盡惟成本較鉅勢須招股張設沿海漁業公司爲中國最大事業徐屬濱臨各湖可先小試其端 凡此九條皆所以興利益養窮民富歲子弟多賴盜風或由此銷息是所望於官紳協力行之

直隸臨城礦務局與比國公司訂正借款合同

第一款 一直隸臨城礦務局議定籌借款項以足敷購置新式機器爲擴充臨城礦務之用且因該礦附近鐵路所出煤斤可藉蘆漢鐵路轉運以便銷售起見 第二款 一直隸臨城礦務局議定籌借法金三百萬佛郎約合銀九十二萬三千兩由蘆漢公司承認籌備全數借與臨城礦務局 第三款 一此項借款並借款之應納七釐利息將直隸臨城礦務局所有新舊產業作第一次抵押以上產業直隸臨城礦務局承認並無另押與他人情事 第四款 一直隸臨城礦務局與蘆漢公司彼此議定俟需款之時由蘆漢公司將所借之全數分四期交清按十成計算每次交足二成五撥 彼此互允之銀行以便應支 第五款 一在此合同期內所有該礦一切事宜應由直隸臨城礦務局與蘆漢公司合辦直隸臨城礦務局應派華總辦一員華工程師一員及各華員蘆漢公司應派洋工程師總辦一員及各洋員均須彼此會商妥洽後方能委派所有該礦公事並添置機器購買材料以

及各項帳目每事須華洋總辦互相商妥方可舉行遇有應行公事亦須由華洋總辦商定後用直隸臨城礦務局出名公同畫押 第六款 一直隸臨城礦務局本有之利益以及各項產業房屋礦井機器連勘驗費在內共值實銀五十萬兩此五十萬兩內以四十八萬兩作為直隸臨城礦務局本有之利益以及現有各項產業房屋礦井機器之價值其餘之二萬兩應交還中國地方官收回其蘆漢公司從前細勘驗礦之費用各款現訂定撥十三萬佛郎作為蘆漢公司名下之款 二直隸臨城礦務局所有利益產業共值五十萬兩之數蘆漢公司承認在借款之內先撥十五萬兩交還直隸臨城礦務局收回分三期交清第一期俟奉政府批准合辦時即交銀五萬兩其本款第一段內所載應交還中國地方官之勘辦費銀二萬兩即在此第一期所交五萬兩之內無須另交第二期俟華洋總辦到局開辦時再交銀五萬兩第三期於第二期付清兩箇月之後即再交銀五萬兩至所餘之款三十五萬兩不交現銀作為直隸臨城礦務局股本按第七款內照股分息蘆漢公司名下所有之十三萬佛郎當於華洋總辦到局接辦時交還現銀六萬五千佛郎與蘆漢公司收回下餘之六萬五千佛郎作為蘆漢公司之股本亦按第七款內照股分息 三奉政府批准合辦之後直隸臨城礦務局暨蘆漢公司須即接收臨城舊局所有產業房屋礦井機器立

即從善辦理 第七款 合辦後每年所得利息照後開章程辦理 甲先付佛郎借款利息按常年七釐計算每年一付即借款每百兩息銀七兩 乙即付借款利息之後須交第六款兩局所出三十五萬兩暨六萬五千佛郎股本之利息亦按常年七釐計算每年一付即股本每百兩息銀七兩 丙即支以上兩項利息之後所餘之款每百兩撥交直隸臨城礦務局十兩作為直隸臨城礦務局公積之款與蘆漢公司無涉 丁再有餘款歸直隸臨城礦務局暨蘆漢公司公同均分各得一半 第八款 一建造新式機器約計至遲不得過二年之期其建造新式機器未完以前所有舊機器所得利益如不敷支借款以及股本之利息凡不足之款當由借本內撥出交付至借款利息祇按已交之款若干於交款日行息其兩局訂定之股本利息應視已交之借款若干按照借款全數彼此分成折算如借款祇交一成則兩局所有股本亦按一成行息至新式機器造成開用以後兩局所有之股本即按三十五萬兩暨六萬五千佛郎之數行息 第九款 一此項借款由中國政府批准之日起以三十年為期前十五年按借款交到實數照第七款付利自第十六年起分年還本將借款三百萬佛郎每年付還金本十五分之一即每年付二十萬佛郎應付之七釐借息隨本遞減即將第七款丁字項下蘆漢公司名下應得之一半餘款自十六年至二十年

其所餘之款仍按第七款丁字項下均分一半自二十一年至三十年蘆漢公司僅得所有餘款四成也至第三十年本利全清並將蘆漢公司名下之股本銀二萬兩每兩按三佛郎二五計算於期滿時一併付足後所有直隸臨城礦務局利益產業即與蘆漢公司無涉此項合同即行作廢

#### 豫南礦務華寶公司招股章程

一河南省礦產向以富饒名如嵩縣之金羅山之銀濟源之銅信陽之鐵新安禹州安陽等之煤不勝枚舉今擬創設礦務公司仿四川華益公司之意名曰華寶公司請即附屬於奏定豫南公司以爲分支俟招股就緒將豫南公司應辦之礦勘定處所指明開採得有成效逐漸推廣稟辦 一本公司擬籌資本約須庫平銀五十萬兩以五十兩爲一股共一萬股股本募齊當延聘專家礦學之師徧歷查勘趕即開辦 一查四川礦務章程總局設在省城招集本地商股再於上海設立分局招集外省華股蓋上海爲官紳商富輻湊鱗萃之所籌款尤宜今擬援照辦理暫不設局先行分投廣募專收華股得能集股有成再當設立公司總號於開封城內設立公司分號於上海漢口等處遵商律名目以爲辦事之地 一湖南礦章有官辦官商合辦官督商辦三者四川礦章官商合辦而有官委督辦商薦官委



總辦各一人本公司係屬商辦毋庸拘定督辦及官委等職名凡入股在一二千份以上者准公舉稟請爲總理副總理或有京朝職官階級較崇之紳商應參酌獎勵公司章程已有官階職分較崇者奏明請旨之例屆時稟詳 奏派以符體制而重礦政 一二十八年奏定礦務章程第十六條外洋各埠華商願回華開礦者准赴外務部呈明辦有成效由外務部 奏請給獎又漠河金礦章程出力人員遵照異常勞績從優保獎四川亦照辦今擬援案辦理既可以廣招徠更足以資鼓勵一俟著有成效即由本公司稟局核辦請獎

一公司用人擬由公舉派定專責如有別項情弊壹惟舉薦人擔承總宜人少費省加意核實足敷辦事爲主義其不入公司辦事者無論官紳概除虛領乾修之積習 一公司股本按年官息六釐自繳銀之日起算繳銀擬分兩期第一期訂議掛號之時先繳股銀一半掣取收照息摺第二期開辦購地購機之時先期知照並登報廣告再繳一半換給股票息摺

一繳銀取息在省擬請官銀號外省擬請通商銀行或官銀號經手收付所有收照股票息摺等事均由該行號按照銀數填給股銀暫存該行號俟公司開辦時再行會議定奪屆付息銀之期先由公司將應付息款匯劃至該行號以備股東持摺往取 一每年除稅息經費外所有贏餘擬參酌湖南四川等章程留二成公積爲還股本積項其餘仍以十成計

算以一成半報効 國家一成半提紅以七成按股勻派一俟公積積至股本總數公積即行停止始以百分之二十五分報効 國家以符定章餘歸公司自行分給 一公司每月一小結總理等稽核之年終一大結錄登報章並刊列徵信冊由總號分號就近送呈股東其股東會議冊及徵信冊等均存總號分號各一份遵照商律辦理俾各股東得以查閱

江皖贛查礦總局雇用日本礦師合同

大清國兩江總督部堂周特委江蘇候補道總辦江皖贛礦務陳今聘得 大日本國礦師石井八萬次郎查看江贛皖三省五金礦山以及煤山各礦議定條款如左 第一條 彼此議明限期以華歷爲率自光緒三十一年二月初一日起至本年十二月底止統計僱聘十一箇月每日議定薪水龍洋銀圓十元整按月照算如數奉送不得短缺 第二條 礦師石井既經受聘應聽僱主邀往右開三省境界之內察看各項礦山行止均聽僱主之便礦師不得任意推諉致曠時日 第三條 礦師石井與僱主同到各山拾得礦石或應登時化驗或者礦苗在土應當採掘之時礦師即須指揮工役人等迅速從事不得故意羈延致滿期限 第四條 礦師出外查礦與馬船隻客寓應由僱主預備至於礦師以及所帶僕役礦夫人等伙食由僱主每日供應龍洋銀圓五元聽憑礦師自行開付僱主不得過

問以歸簡便但回至南京此項伙食銀圓遂即停給 第五條 礦師隨帶之礦夫一名每月辛工龍洋銀圓三十元由僱主照給至於通事應由僱主自僱其薪水夫馬伙食等費亦由僱主預備與礦師無涉 第六條 礦師石井查看各山必須仔細認明某山某礦之質最佳礦苗亦旺逐一考驗明晰後應即告知僱主以便開辦免入寶山空回 第七條 探得礦石礦師自應分門別類詳細化驗其所用之藥水以及化驗器具均由僱主自備 第八條 礦師石井在南京之時其所住之屋應行自覓與僱主無涉將來滿十一箇月期限之後再行續僱與否聽憑僱主之便礦師不得別有異言 第九條 查畢各礦山後礦師石井確指某山某礦可以採掘僱主應即招股照辦一俟開有成效僱主應送酬勞銀一千兩以示鼓勵 第十條 若在所雇十一箇月限內僱主不得無故辭退礦師倘有此等情事應照合同所定期限計算薪水奉送至於礦師石井在期限內亦不得無故辭退僱主以及別受他聘倘有此等情事應罰薪水銀兩箇月以昭公允 第十一條 礦師石井因已到華考究礦山是以薪水格外克己倘僱主別聘他人探看他山石井不得過問若石井以該礦師技藝尙不及己薪水轉較稍優似於體面攸關聽憑石井辭退 第十二條 礦師石井於合同限內倘有疾病經洋醫驗明實係不起之症應即告退回國除照給路費銀圓

實業

一百六十二

九月

三百元外再給兩月薪水設有不測除給路費三百元外加給四箇月薪水萬一在礦山因公殘廢肢體或致生命不保之時聽憑僱主酌量撫恤銀兩 第十三條 此合同以漢文爲主應寫兩分各執一分爲據但須俟南洋大臣批准後彼此方能交換收執 陳際唐  
石井八萬次郎 岡部三郎 劉慶汾 光緒三十一年正月 日 明治三十八年三月  
日

### 各省農桑彙誌

直隸 北洋督練處醫務提調近奉直督札委帶領員役前往各鎮度地種樹期於兵丁衛生有益當驗得各營營道兩旁及圍牆內外均宜多種垂柳以招空氣聞即韓家墅一帶已估定植柳一萬六千株

山東 平陰縣姚大令近奉撫札設農桑會查得該縣南關外有學堂閒地十餘畝土質鬆厚擬暫借作試驗場各擇土性所宜試種考驗以資取法並於附近藥王廟設立會所派董赴鄉考求擬先購買桑秧數百株栽種試驗并當逐漸推廣云 登屬橡樹最多而民間祇供薪炭前有美人慕拉第解說此樹利益加以試驗於是人始珍視山巖之地栽種幾徧然因不知作用只將樹皮剝去售諸外人以圖微利爲可惜也

河南 禹州曹牧前從魯山縣購買樹實發給山戶栽種因獲效甚遲擬就其輕而易舉得利較速者如紅白羅雷紅薯蔗柿等類廣植平疇設法造糖其他藥材黃連石斛各種亦議種實移根以資推廣云

江蘇 上元縣設立蠶桑公所由官委員專辦並由派辦處採購桑秧由縣繳價具領分發鄉民領種成活 江甯縣地土宜桑近用新法栽種成活舊桑茂盛設立蠶學公社亦著成效 溧水縣前由派辦處飭發桑秧二萬四千餘株分給

各鄉領種成活六成現已成林各鄉亦知植桑之利自行購植 高潯縣山鄉各圩光緒二十三二十八九年先後籌集公款及領種桑秧共十四萬二千株培植得法滋長成陰近復於城內設一課桑園種桑五百餘株 江浦縣近於四鄉高平地種桑秧中鄉北門外種苧蘇西南鄉種棉花及花生等因其土宜分別栽種 六合縣山多圩少種穀兼種花生煙業近年督董教民多種桑柳池塘栽藕養魚利益倍蓰業已愈推愈廣 南通州師範學校近添設種植科特闢一種植園於校側總理張季直殿撰每日督率各生種植各種植物復購到桐柏等秧二萬餘株每星期輪派各學生分投至狼山軍山劍山各處栽種

湖南 永州府南鄉之杏塘地方有曠土一區甚為寬廣近已墾成五十餘畝其有不宜五穀者則種茶樹雜糧 四川 酉陽州趙刺史近抽城鄉煙館稅設立樹藝公所籌辦各項種植事宜又以栽植雖易而保護殊難致有或作或輟迄無成效之弊特飭人看守禁人折伐經稟准督署表率各紳認真辦理

### 各省工藝彙誌

京師 商部工藝局因近年外洋輸入鐘表日多一日此後文明漸啟人思佩帶實為器用品中之絕大漏卮特議專設一鐘表廠延訂東西洋匠購機仿製並選局中精細工人若干從洋匠肄業以養成藝才云

直隸 保定近設習藝所由臬司詳請直督檄委巡警總局分飭崗兵將城鄉流氓乞丐除老弱殘疾不能習藝另送善堂收養外其餘悉令入所學習工藝以恤窮民而興實業 大城地僻民陋出產本鮮舍五穀外別無大宗皮革骨角毛羽之類僅有土布草辦兩種近該縣以土布一種行銷已廣毋庸再求進步致奪貧民之利惟草辦一種可為帽扇倘藝熟思精又可別裁新件駕乎二者之上惟民間不知考究徒以草辦供人收買以致厚利坐失特借舊廢書院房舍設立

工務局籌款延師招徒學習業經製就多件物美價廉較諸京津各洋行所發兌者實有過之當即詳送直督請札發考工廠驗貨估值並分行學務處陸軍轉運局一體定購以免利源外溢 柏鄉出產以棉花為大宗土人多以織布為生理第藝業不精紗粗幅窄不合時尚以故本細利微難期發達該縣令有鑒於此特邀本地紳商籌議改良並擬集股設局借資籌力當經大衆贊成踴躍附股即租定縣屬南關廢店一所鳩工修葺各房三十六間名曰柏鄉工藝局購置軋花紡紗織布機器各數具並公舉董事一員由官督率經理以收實效

山東 四川王君近在淄川東街賃居民舍數十間倡織花素各種洋布局勢極為宏敞業已安妥機器十餘張先行開辦每張日織洋布百尺彩色頗覺細密云 嶺南易君懷遠近集同志在煙臺開設恒利紙煙公司商務局總辦蒞觀察應轉先附股本數千以資提倡將來試辦有成尙擬推廣各處以廣銷路而挽利源云 利津縣城向有書院一區近已改為自新習藝所聘工師三名由監獄中提出賊犯之罪輕者教以帽辦蒲簾篋筐等藝

江蘇 近年甯省推行新政興辦學堂建造工程日多一日所需磚瓦向皆購自民間而人工趕造不遑每苦停工待料商務局總辦劉觀察先已創辦木料工程所近又稟請購置機器就青龍山建設官廠製造磚瓦廉價發售以供官民建造之需 上海商會總理嚴君筱舫以蘇袋一項自印度銷入中國歲不知其凡幾思有以抵制之爰將中國所產蘇料寄往外洋試驗嗣據電覆甚讚我華蘇質之堅純以之造袋遠勝印度因印度用樹皮製造不若蘇料之堅韌耐久也乃鳩集同志創設同利機器紡織洋線蘇袋有限公司共擬招股二十萬兩稟請商部註冊予以年期地段以保利權此外繩索帆布地氈魚網等物亦議逐漸試造

安徽 桐城姚君京受近就大通鎮設織布廠一所取名開源公司業已集股萬金購機開辦

江西 九江土產以棉花爲大宗向運他處銷售郡紳劉君雲樞以地方固有之利輒付外人未免可惜創議籌集股本六十萬兩開設紡紗廠以挽利權

福建 龍巖州竹紙及安溪漳州等處稻草製紙均已馳名海內近有人議於石碼浦南開設一造紙廠先備資本購機製造俟有成效再擬擴充云

湖北 漢口英商順昌洋行以黃岡產煙葉擬在漢鎮創設煙廠製造煙捲特具說帖呈請鄂督張宮保由官籌給資本該商代爲經理利歸公家將來酌提盈餘爲辦事人之酬勞聞已委候補知縣戴令慶麟與該商妥籌辦理

湖南 長沙童君光繩近造算學儀器頗合於用已稟請學務處試驗批准發售 湘省舊有雜貨皆由男工組織殊不足觀近有李緒湘吳彩霞諸家招集女工從事繡繡大則屏幃小則佩件皆極精美其飛走山水人物字畫均臻極致進步猛速銷場亦旺以蘇廣兩省相比直有過之

廣東 東莞某磚窰生涯素盛其店主之子曾遊外洋今能以新法製造方磚地磚各項其方磚能作雲石色地磚能出五彩花紋俱半用機器半用人工成之價亦不昂經製有效特議另覓他縣地方以推廣製造云 江門自設商務公所以來商界大受影響如葛藤機業均已改良惟葵業則日見衰落利權盡被東洋紙扇棧奪南洋各島華商向甚好持葵屬今亦少銷近此項販客特聯議條目數則以資整頓一考究植葵取葉之合時毋使失當一向以硫磺薰葵使其潔白工人良劣不一不能把握今擬用機爐表定火力可免壞色一夾邊選用藤竹開竹用機使其勻柔而免脆折一剪邊用機刀使齊整速專一款式分別莊口各式隨時考變

各省礦務彙誌

實業

一百六十五

乙巳

奉天 錦州華美公司在義州西邊棉花地村南各山開挖煤礦近已獲有成效所出煤炸頗耐燒煉當經前往天津運辦機器並向開平礦務局聘用工頭數名以資熟手

山東 山東礦務公司在金陵鎮附近開採鐵礦業有年所近有洋礦匠五人在該處穿開一橫窟深約四十米達礦中鐵數有千古必米達之多聞此礦出鐵甚旺百份之中可出鐵質七十五份故已預備大興工作以圖此利源矣 淄川城東南舊有鉛礦一區近由製造局特派李君清芬前往開辦極為得利

安徽 前英人凱約翰與皖省官場訂立合同開辦銅官山煤礦近因屆期未辦特由皖撫電致商部將該合同作廢聞商部已知會外務部請轉牒英使矣

江西 鉛山縣結家場煤礦近經崔觀察僱工開辦數月以來出煤甚旺日可挖得八百餘桶在礦人工尙不敷用擬陸續添招工匠俾興礦利

浙江 杭紳高君子衡前與某洋商訂立合同創設寶昌礦務公司茲因逾期未辦經外務部電咨浙撫飭令停止該公司可以並未領有探礦執照不得作為逾期決由省城商會設法挽回矣

福建 法商承辦邵武金礦稟請展緩年限聞督已允其展限半年該商尙未首肯近由外務部與法使面商准其展限二十四個月如逾限不辦則合同作廢已由法使照允並聲明其餘一切要求之件皆作罷論

湖南 甯鄉境內煤炭壙飯山兩處產煤甚旺歷經開採因未得法封閉後經商人邱景陶承辦與紳民屢經齟齬又有痞徒恃強越採兩不相下致釀成焚廠毆人重案近由湘撫責成該縣令傳齊團保將痞徒交出照例懲辦飭礦務總局委員前往帶同礦師勘明提歸官辦



四川 卅省瓦寺宣慰司索諾木代與前稟理藩院請由川省紳商集資開礦懇乞代奏旋經理藩院抄送商部轉咨川督查照辦理旋由錫清帥札飭礦務局會同藩司確切詳覆以憑核辦嗣據覆稱五屯各地經由局委員查勘該土司境內斑爛山等處已據前署懋功廳方丞裕稟歸官辦發給礦本次第開辦無事更張其他所指地方既為屯境聯屬區自應仍歸一律辦理以便擴充所請糾合紳商開辦之處應毋庸議並請據情咨覆理藩院查照云

廣東 曲江東硬嶺地方向產煤斤曾由馮姓等集股採取獲利甚厚旋為官場查知該礦之暢旺勒令交出改歸官辦近經當道派員往查勘得此礦出產極旺可供百餘年之需無虞竭厥所出之煤亦較前數倍其火力故地方人多垂涎之云 肇慶開平水口泮村外有黑石山峭然壁立見者皆以為石質漠然置之近有麥姓土人驗得此山為最精鐵礦已有商人集股票請採掘

### 各省漁業彙誌

江蘇 江浙漁業公司經前江督李勉帥准將吳淞舊有海軍衙門撥歸該公司作為建設總局之地在案嗣江海關道袁觀察以茲事體大與尋常公司之以漸擴充者有異規畫之初不宜過事簡陋且水產商船各校養魚曬魚之處以及魚具陳列場均宜設於附近然後規模既備庶幾效果可宏特議將海軍衙門附近之興利恆公司地約共三百六十畝撥歸該公司擇宜布置並將舊有昭忠祠移設他處而以祠址為曬魚晾網之地業經會商張季直殿撰親往勘定一面稟請署江督周玉帥批准辦理

江西 省垣百花洲為全省名勝區又名東湖湖中皆植蓮湖面頗寬而深得百餘畝略分南東北三湖南湖素為放生池東北二湖為養魚沼近悉熊紳元鵬等稟請上台試辦魚苗俟三年後辦有成效酌提盈利作為濬湖清溝用款業已

批准試辦

實業



一百六十八

九月

商務印書館出版  
算學類教科書

學務大臣審定 普通珠算課本

每部一册  
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等 筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君壽兼筆經日本教育家小谷重君長尾慎齋君校訂其程度按照 奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價

一册 洋一角五分 三册 洋二角  
二册 洋一角五分 四册 洋二角 五册 洋

初等 算科教科書教授法

全部五册

是書專為教習者實際教授時所用無此則教授時必枯寂無味亦與前書相輔而行

定價

一册 洋二角五分 三册 洋三角五分  
二册 洋二角五分 四册 洋三角五分 五册 洋

新出數學教科書

每部兩册  
價洋二角

小學教科書教習者向無書本間有二書失之繁冗即難於適應教育家據焉本書館按照小學程度精心編訂所有極有便實用

商務印書館出版  
各種教科書

學務大臣審定  
論理學綱要

每部一册  
價洋四角五分

日本十時爾著江陵田吳昭譯○論理學吾國舊譯學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句斟字酌務合原意而詞旨曉暢亦能不為原文所束縛

學務大臣審定  
心理教育學

每部一册  
價洋三角五分

日本高島平三郎著江陵田吳昭譯○教育程度必以心理為衡否則躐等以幾必傷學者腦力求益反損我國教育近始萌芽各學堂學科程度亟待參酌故斯學尤關緊要是書著者自序謂力求平易便於自修田伏侯先生亦謂為從事教育者不可不讀時代本館編譯詞達理舉足供教授

學務大臣審定  
普通珠算課本

每部一册  
價洋一角

無錫誦芬室主人編輯○珠算在尋常日用中最高為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一册  
價洋六角

日本木村鷹太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢載可謂集倫理學之大成矣

商務印書館出版

理財學課本

每部一册  
價洋五角

美國華克著上海顏惠慶譯○我國財政困乏非人工物力使然實筭財政者不知計學公理故也是書取計學精要之義逐條指出最便初學揣度顏君留學美國多年精於彼國語言文字故能取深奧之理而譯以淺顯之詞誠理財學之階梯也

中國通覽

每部一册  
價洋五角

本館編輯○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一册  
價洋一角五分

日本橫山榮次著本館譯○今各省皆設學堂而師範未立猶之帆檣未備而欲駕舟以航海也其教育之不能適宜無待言矣師範學堂不易獨立而教授之法蓋人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册  
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五讀書專精六專書選擇之標準七寫勝法及階記法八提要分法及解法九讀書之分量十讀書法難則名言難論足資借模閱之可知開卷之益

商務印書館  
問答書

中國歷史問答

詳載中國歷代史事自上古迄國朝上下數千年間依次敘述瞭如指掌並設為問答俾易明瞭實史學中最新最善之書每本洋二角五分

世界歷史問答

研究實學歷史為先但欲貫注古今於紀事編年等書中尤以問答體者為易明晰此編分上古中古近世一切大事無不備載每本洋二角

普通博物問答

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋三角

地文學問答

地文為天然科學研究地理者不可不知若空中之水分陸界之組成生物之分布皆格致學之最要者是編詞簡意賅允推初學善本每本洋三角

生理學問答

泰西各邦莫不以研究生理為學術之要為衛生之源是編討論營衛出顯入微尤便推闡允宜家置一編以為強固形體之助每本洋二角五分

富國學問答

富國之學為當今急務是書取一切理蘊衍為問答無理不達無蘊不呈盡人能讀教授初學尤宜每本洋五分

學校管理法問答

歷舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

## 商務

論商人須習地理 錄第四十七期商務報

通商之道無他以其所有易其所無而已。此省之所無爲彼省之所有，彼國之所無爲我國之所有，必賴商人販運。挹彼注茲，始各如願以償。交相爲濟，所謂以羨補不足也。向來英人織布必資印棉，印棉歎收則取資於美國之脫克賽司省，或中國各地。中國北省米糧必取資於南省，而南省蘇甯一帶民間所用之豆油，又從牛莊運往。一轉移間，互稱便利。通之時義大矣哉。

然而物產之盈虧，固關乎人力之經營。尤視乎土宜之肥瘠。某處宜桑，某處宜棉，某處宜稻。某處宜麥，如寶石之多於緬甸，白玉之產自于闐，川蜀之富藥材，燕晉之饒毛骨。此處之所<sub>有者</sub>不能不以他處爲尾閫。此處之所無者不能不以他處爲外府。苟茫然於取求之藪，銷<sub>售之場</sub>惘惘出門，匆匆就道，將何以從容計算，設法灌輸哉。然則欲廣商情，宜知商路。凡夫<sub>出產之原地</sub>銷貨之市場，風俗之所宜，人心之所尚，與夫轉運之便利，程途之險夷，均一一<sub>博徵詳考</sub>成竹在胸，何往不利，市三倍也。

且夫地理亦難言矣。水路之繞越。山川之阻深。與夫氣候炎涼。地方燥溼。均非淺見。咫聞能得要領。華商賤行尋處。囿於近利。向無遠大之懷。往往一府之人。不知他府。一省之人。不知他省。內國且然。遑論異域。嗚呼。此特販豎負傭之流。豈足以言商賈哉。不知胸襟闊大之商。其思想之精。不獨爲一身一家計。且爲君國富強計。故眼空八極。心貫五洲。視道路如家庭。小天下若堂奧。蓋商戰之道。如兵戰。然知己知彼。百戰百勝。能灼悉乎彼處之地理。然後吾之貨產。可以輸入。而無所礙也。非然者。我有是彼。亦有是彼。何必需我有而不自需其需哉。請觀泰西之探險家。哥倫布探印度。美洲以殖民。施登萊探阿洲內地。以布惠。雖初時不盡由於通商。而要爲後日通商地也。近且於商部而外。廣設商務學堂。其課程有輿地學一門。詳考五洲方域。水路程途。與夫風土之好尚。物產之盈虛。凡可以啟發商智者。無不研究於平日。故卒業後。出而經商。操奇計贏。億則屢中。蓋既有智巧之思。堅忍之力。而復濟之以明悉地利。熟諳土宜。宜其無往而不自由歟。

華人則不然。腦筋無製造之精。眼簾無滄海之遠。今雖略見發達。有旅居歐美者。有旅居南洋者。然傭工苦力居多。罕有設海洋通運公司。徧歷外國商域者。卽就本國而論。亦復局於一隅。不求甚解。譬如商運輪船。必延外人以駕駛。內港水道。必需外人以領港。寄權彼族。年



復一年。利源之外溢者。歲不知其凡幾。而究其致病之所由。非此不明。地理一端。階之厲哉。今商部已設。風氣大開。各商當考究輿地。不但中國之方隅。須瞭如指掌。即外國疆域。某國在某處。某地在某洲。某埠應走某程。某境可銷某物。水線如何繞越。陸路如何包抄。均領會而貫通之。如目所經。無往不利。英商至印度而印度墟。葡商至巴西而巴西屬。商蹤所及之地。即商力所及之地。亦即權力所及之地。於此而競才智。濟有無。集羣心。合團體。他人所不足者。而吾長之。他人所有餘者。而吾更過之。內不掩短。外不受欺。可以固一身之財。可以全國家之體。此之謂戰勝於商場。難之者曰。我國尚在幼稚時代。農學未精。工業未廣。即使商人盡悉地理。與西人爭一日之長。而內地之貨無多。將何所取材以謀什一乎。當十九世紀。西人聯袂來華。其國中皆專心製造。工藝精良。故能捆載而來。日有進步。我國根基未固。豈能一蹴而幾。不知農工與商正可兼營。并驚乘此百度維新之際。內課農工之學。外通商賈之蹤。寓遊歷於商務之中。考求其風土人情。山川要塞。貨財物產。然後以彼之長。補我之短。十年教訓。孜孜安見。農學工業不遽方駕歐美哉。

書美洲學報實業界記散魯伊斯博覽會中國入賽情形後 錄乙巳第十一號外交報

光緒二十九年。日本設第五次內國博覽會於大阪。我國嘗遣官輦貨。往與其役。其布置一

切。有未能盡符與會本旨者。本報曾略獻芻蕘。告之當軸。見第九期三竊冀去年美國散魯伊斯之會。可不致再蹈覆轍矣。而不意其更有甚者。本報亦曾於第八十九期痛切言之。今讀美洲學報實業界所紀中國入賽情形。而始覺吾言之猶未盡也。其言與會之物。與夫與會諸人之言之事。展卷觀之。真有令人目眦欲裂者。彼海關洋員旅華有年。既膺任命。承辦會物。舍此而外。儘有他物。可以入賽。不能不知。凡此諸物。其為吾國之汗點。其足致外人之詆誚。亦不能不知。知之而為之。其必恐吾國商品。或中外人嗜好。將輸出日廣。以奪彼族之利。而故代以此物。以為吾國商業之障耳。否則。以我國聲名。猶未盡墜。而故假此。以快其落井下石之意耳。傳有之曰。非我族類。其心必異。據此。為言彼外人。亦何足責。吾特不解。夫為之監督。副監督者。皆中國人。何以觀我國之受此侮辱。而漠然無所動於中也。其習見不怪耶。其太上忘情耶。其為彼洋員所鈐制。而不敢自撤之耶。其殆媚外之極。並此當爭者。而亦讓之以示其順從耶。糜百萬之金錢。而購此萬古不渝之恥。雖至愚者。不為而我國。乃竟為之可哀也已。

記散魯伊斯博覽會中國入賽情形

商務報光緒三十一年正月二十日美洲學報實業界

西歷一千九百零四年。即中歷光緒甲辰年夏。美國散魯伊斯全球博覽會成。蓋舉行購得

散魯伊斯百年後之大紀念也。而其最著重之要點。則爲振興商業。推演工藝。代表百年之進步。鼓勵國民之精神。融洽萬國之交際。比較全球之實業。以作二十世紀後商戰之競爭也。此會集全球政治宗教文化武備農工商藝之大觀。而美國所有建設。無在不表明其百年來進步之神速。與其開拓土地後之效果。當千八百零三年。散魯伊斯爲法人領地。法皇拿破崙頻年戰爭。餉源匱乏。欲假款於美而不便措詞。美總統覺佛遜竟能燭其先機。卽以一百五十萬金圓購得之。自得此地後。經營不遺餘力。建設省分。修築鐵道。以疏通東西關鍵。內地實業。於焉勃興。當覺佛遜之購此土也。全國物議沸騰。謂不應以百五十萬實資。買此荒廓平沙之地。然豈知其有今日哉。覺佛遜竟不惜以一身爲叢怨之府。冀達其目的而後已。至今銅像巍巍。高立於萬國賽會場中。目而見之者。孰不曰是大英雄。是能爲子孫謀幸福者。而謳歌之崇拜之不已。偉矣哉。吾神散魯伊斯之會之雄且大。吾不得不神覺佛遜之魄力矣。至於與會各國。若英若法若德。窮精極巧。各有其強大不可摧折之概。後進如日本澳大利比利時等。皆各有駸駸日上之勢。其外已亡之國。如埃及波蘭印度安南等。入其室。則古物一二件。色敗塵封。淒涼滿目。黑奴紅印。與世并生。而不與世同化。流離遷徙。一任白人之操縱。種族轉眼殆盡。更足傷悼。

商

八十一

乙巳

之。白。人。爲。若。我。中。國。國。雖。弱。猶。國。也。而。獨。爲。世。界。上。所。不。齒。夫。果。安。在。哉。記。者。僅。就。中。國。入。賽。情。形。及。外。人。形。容。中。國。之。利。害。略。陳。於。後。以。徵。我。中。國。腐。敗。之。實。跡。有。足。以。招。外。侮。者。凡。有。血。氣。之。人。聞。之。當。如。何。興。起。奮。發。及。時。改。良。以。滄。洗。無。窮。之。奇。恥。深。恨。則。是。記。者。所。亟。欲。與。我。海。內。外。同。胞。共。勉。者。也。

一入賽人員。華正監督貝子溥倫。華副監督黃開甲。洋副監督美人阿樂爾。海關

司。洋書記法人巴士伯。在中國海關有年

記者查各國賽會人員。大率皆委員。或管事。餘均爲商人。不過得其政府保護。與該國使臣。統近照料。外人即無干預之權。我國則用十五萬圓請洋人辦理。雖有華正監督副監督之名。均有名無實。事事聽外人之所爲。而各省委員。有到會場。二三禮拜而即去者。有掛委員之名。至會場將停之際。尙未至者。其熱心任事極力考察者。惟某某二委員。聞二君有博覽會記。會畢可出版。一賽款。

中國政府

華員

洋員

倫貝子用費多寡未詳  
黃開甲承辦國亭費四十五萬龍圓他項未詳  
阿樂爾用項約四十五萬龍圓  
巴士伯承辦賽品用費約四十五萬龍圓

記者按此次賽會。聞中國政府約費一百七十萬龍圓之數。將來結局。或不僅此而止。聞上年安南賽會。亦由海關代辦。商人工人用費。皆由正項開銷。此次商人。則皆自費。一賽品。海關承辦之物。不外古董玉器絲綢磁器蘇杭扇筵甯波木器筆墨等類。其最可醜者。茲擇錄如下。

上海裝小脚婦人一。甯波裝小脚病婦一。北京裝小脚婦人一。廣東裝小脚婦人

一。和尚一。老爺一。匪黑黃有問者巴士伯氣以吸雅片煙兵丁一。綠營苗蠻七。

小城隍廟一座。內殿鬼判小縣衙門一座。內具各種酷刑為文小木人數百箇。工皆泥

作屑挑買易娼妓四小草舍十餘間。皆民間早游夜病棚號一方。會場初開置於中

犯乞丐洋煙鬼等類洋煙槍十餘枝。洋煙燈數具。殺人小照數方。以上

伯始教檢列中國段內。西尺皆過

記者曰。他國入賽之品。皆實業學問。或當場試驗。或當場製造。以比較學問上下。手藝高低。間有人類之設。然皆是其國中水陸軍隊。或歷代大偉人遺像。房屋之設。皆是全球著名之大製造場商業場大學堂議院政務院等類。以視上列我國賽品之醜。奚啻天壤。翰林一。進士一。舉人一。秀才一。皆過四尺高帶之腰弓臂奎星樓一座。上占。地日

各省學堂小照數十塊。各口岸教會學堂小照數十塊。以上列教  
育館內。

記者按各省學堂小照。雖間有可觀者。然功課多未列明。故不得爲完璧。各教會學堂小照。西人竟以之列於上首。上懸教會白旗。以識別之。中國各學堂小照。則隨便放置。且雜有許多綵繪神像片在內。亦皆題明之曰。某神某等人供之。如醫生供藥王。生意人供財神等類。北京教會所設之匯文書院。有房屋圖畫課本。觀者羣指此爲京師大學堂。

德國段內之中國物。德國美術館內有油畫一張。係德國伯爵兵進張家口。一千九百  
中國官員遮道出迎。乞憐之態。見之氣絕。

美國段內之中國物。美國舊金山市亭內。有中國黃龍繡幔商鼎漢磚古磁等類。云是在北京所得。其外又有舊金山海口圍禁華人木屋。

英國段內之中國物。英國國亭段內。有中國磁器多品。云是在某處戰勝時所得。

比國段內之中國物。比國段內有蘆漢鐵道圖一大幅。

記者曰。西人恆以鐵道比人身之筋絡。人無筋絡則不能動。活國無鐵道則學業商業終難發達。我國近年漸知經營此事。外人之欲攬此利權者。每恃強力以攫取之。若不極力

挽回加意維持全入白人之手中國之生機絕矣。

其餘各國國亭內大半有中國之物多少不等問之則皆爲庚子年聯軍入京時攜出者。一中國建設國亭之始末及其腐敗。國亭之設卽一國之代表故建此亭必按本國之式其例與建使館相等則本國之權力應能及者也黃京卿承辦此亭之始攜帶華工十二人到美美國工黨羣起而攻之以爲有干禁止華工之例不准作工居此五月無所事事旋由黃京卿資遣回華漆匠數人曾在亭內作工以所用乃中國之漆美國工黨亦不准不得已乃撤去另雇美工異哉主人雇工主人有應得之權外人何得干預且建設國亭乃代表一國之式攜帶華工不過相宜之利用會畢仍照美戶部所訂華人賽會入口章程例遣回籍又非常居美國以攙奪他國人之利也而美國工黨何得援禁止華工之例一律示行我國如倫貝子之天潢貴胄黃京卿之精通西語竟不能據理力爭美國苛待華人之例早爲地球上所不許不過鑒於中國之弱因其可欺而欺之必無啓釁之虞也今此不爭後豈有挽回之一日哉此亭之設計費四十五萬總計正廳五間左右廳各二間門樓一座門外八方小亭一座牌坊一座水池一箇週圍繞以石欄西歷八月十九日晨大風雨右廳窗牖皆沖壞正廳大漏不止至次日下午三點鐘

始行啓門。游人皆詫異之。

一阿樂爾巴士伯之來歷及其行爲。阿樂爾美國人。中國海關人員。巴士伯法人。在海關當差有年。前年安南賽會。經彼辦理。此次又派充書記。巴自中國來時。攜帶華人十名到美。一人因病不能到岸。其外九人在會場供役。與巴同居。華人住地下一層。即不地瀆黑潮

之奴不住米糧由巴發給。九人輪流值炊。巴住華多年。染中國宦習極深。出門均要華人啟門躬立。每日會場洒掃。皆是此九人供役。阿本散魯伊斯省人。今一旦膺中國副監督之職。其炫耀自不待言。每當會場交接。必痛痛快快。以中國如何昏闇商人如何頑固爲言。并云。若無我外人代辦賽品。中國全體。實不知賽會爲何事云云。嗚呼。食人之祿。揚人之醜。朝中有進借用客卿之議者。願三思之。

記者曰。以上所陳。不過就中國入賽情形言之。此次不特虛糜鉅款。又使我四萬萬人之奇辱。永永印入全球人士之腦中。嗟彼洋員。章吾國恥言之痛心。雖然。往者不可諫。來者猶可追。幸吾國人同鑒於此。而勿以一歎置之。

外務部商部會奏議覆雲貴總督請在雲南省城開設商埠摺

光緒三十一年三月十六日准軍機處鈔交雲貴總督丁振鐸奏雲南省城商務日漸繁盛



擬請開議商埠以擴利權一摺本日奉 硃批該衙門議奏欽此欽遵到部查原奏稱近年各省內地如有形勢扼要商賈薈萃之區迭經內外臣工奏請開埠通商如直隸之秦王島福建之三都澳湖南之岳州山東之濟南等處均奉 旨允准歷經遵辦在案雲南地處極邊外來商賈本屬無多比年以來蒙自思茅騰越先後開關中外通商貿易漸臻繁盛滇越鐵路轉瞬暢行省會要區商貨尤為輻輳自不得不開商埠以保主權茲據雲南紳士翰林院編修陳榮昌等稟稱省城南門外得勝橋地方為官商往來孔道貨物駢集市廛櫛比且與車站附近應請援山東湖南等省成案就該處開作商埠實於交涉商務利權均有裨益等情前來查所稟係屬實情今昔形勢既有不同亟應援案請將雲南省城開設商埠以便通商而擴利源等語臣等竊維開埠通商固屬中外交獲其益尤貴由我自握其權從前沿海沿江各處俱係約開口岸其租界內工巡等事多由外人辦理迨光緒二十四年總理各國事務衙門奏准在直隸之秦王福建之三都澳湖南之岳州添開通商口岸實為自開商埠之始上年北洋大臣袁世凱等因膠州鐵路已通至濟南省城奏請在濟南城外自開商埠亦經外務部議覆奉 旨允准在案雲南雖地居邊遠向來商務無多惟現在滇越鐵路轉瞬即通從此門戶洞開形勢正與濟南相同自應先事籌畫以期振興商務而保主權今

雲貴總督援案奏請在雲南省城外開設商埠係爲因時制宜自擴利權起見擬請准照所請辦理如蒙 俞允應由該督查照各處自開口岸辦法預備一切事宜俟議妥章程即行奏明定期開辦再由外務部照會各國駐京使臣查照並飭總稅務司遵照辦理謹 奏 奉 旨依議欽此

商部奏整頓商務請 旨通飭各省清理詞訟嚴禁需索摺

竊商業以信義爲體以母財爲用現今市面日緊各省人心風俗日益澆漓奸商倒欠之案愈出愈奇地方官輒視爲錢債細故不爲清理信義不孚銀根愈緊商業所由不振也臣部綜司商政若不實行保護之政即提倡亦徒託空言自非首先釐清商人詞訟不足以除積弊而戒因循伏查光緒二十九年八月初六日欽奉 上諭現在振興商務全在官商聯絡一氣以信相孚內外合力維持廣爲董勸以期日有起色等因欽此又是年九月初一日臣部奏請通飭力行保商之政一摺奉 上諭中國自互市以來商務日盛現在設立商部正宜極力整頓相與維持惟中國商民平日與官場隔閡情誼未能遽孚而不肖官吏或且牽掣抑勒遇有詞訟不能速爲斷結辦理不得其平以致商情不通諸多阻滯著各直省將軍督撫通飭所屬文武各官及局卡委員一律認真恤商持平辦理力除留難延擱各項積弊

以順商情而維財政倘有不肖官吏仍前需索留難著隨時嚴查參辦勿稍徇隱等因欽此  
 欽遵各在案上年如上海福懋祥商號倒欠漢口上海各莊款四十三萬兩商情惶惑經臣  
 部咨行南洋大臣江蘇巡撫主持嚴辦始得減成歸結卽爲中外合力維持之明效乃近時  
 如江西豐豫亨一案能作衡一案山東合德號一案江甯大德莊一案均由臣部行查各該  
 地方官有閱六七月未覆者有閱四五月未覆者疊經臣等督飭文電交催仍復任意遲延  
 案懸未結實屬疲玩已極查定例載各部院行查外省事件俱以接到部文之日爲始除扣  
 去屬員查覆往返程期外統限二十日出文咨部其有必須輾轉行查限一箇月內出咨若  
 係一時不能確覈者卽於限內先行咨部展限如有遲延照事件遲延例議處等語現在江  
 西等省辦理商人詞訟如此遲延實屬顯違定例又如路政礦務航業農務土貨製造工藝  
 各項事宜均爲 國家要政刻不容緩之圖疊經臣部通行各省切實督催招商設立公司  
 趕緊興辦無如外省官吏除南北洋河南廣東各省業經次第籌辦外其餘往往視爲具文  
 屢催罔應至於保護商人一事臣等於接見外埠商人時屢經詢及無不疾首蹙額於地方  
 胥役劣紳之需索刁難種種苛擾上年太僕寺卿張振勳到京時臣等又詳詢外洋僑氓情  
 形該京卿亦謂保商之政不在空言若官吏需索之弊一日不除則商務斷難起色等語恭

查光緒二十九年十一月初四日內閣奉 上諭商部奏出洋商民回華請飭保護各摺片出洋華商疊經諭令該督撫切實保護逐漸推廣若如所奏華商回籍後地方胥吏遇事刁難里族秀民藉端苛索勒索種種積弊成何事體亟應嚴行查禁實力保護等因欽此當經臣部恭錄 諭旨行知遵照並分別咨行各該省督撫一律安定章程奏明辦理在案迄今一年有餘惟兩廣總督鈔錄保商局章程咨送到部此外各省並無隻字聲覆即福建省保商局會否改定章程辦理有無成效亦未據奏咨有案伏念 朝廷重視商政屢奉 諭旨殷殷誥誡各省大吏宜如何仰體 德意督飭屬吏實力振興況目前商政基礎雖立而閭閻風氣未開尙多觀望全賴部臣疆吏相與悉心合力提倡經營或可圖收遠效乃臣部設立甫經年餘在各省督撫中之通達時務者尙能協力維持而故見自封者或且視爲多事漫存懈怠之心如此情形臣部辦事無從措手應請明降 諭旨通飭各直省將軍督撫嚴飭地方官嗣後遇有商人詞訟秉公迅爲理直毋許延擱拖累並查照光緒二十五年刑部議覆兩江總督奸商倒騙定例治罪成案辦理仍隨時咨明臣部立案其江西等省未結各案應由臣等再行電催限一月內清結不得再事延玩以恤商情至於各項商政尤應一律趕緊興辦出洋華商回籍應恪遵迭次 諭旨切實保護逐漸推廣並釐訂章程迅速報部

總期力除壅隔百廢俱興倘再有前項積壓需索等弊應請照例予以應得處分以挽頹風而肅商政謹 奏奉 旨欽此

直隸總督袁飭津海關道曉諭洋商入內地買貨驗明單貨相符方准換給運照札

二月十二日准外務部咨開光緒三十一年二月初八日據張家口監督呈稱查得各洋商呈遞津海關道所發三聯報單採買土貨換領運照往往有貨物並不在口僅憑報單所載貨數換領運照以致無從驗貨核與章程不符誠恐日久弊生有礙條規呈請轉行飭知各洋商嗣後在張家口採買土貨換領運照務將該貨報驗明確單貨相隨以符約章勿得貨不在口僅憑報單所載貨數換領運照俾免舛錯而昭慎重等因本部查洋商入內地採買土貨憑報單換領運照必應驗明單貨是否相符若如該監督所稱單貨往往相離無從查驗實屬有違定章除飭復該監督飭令嗣後必須驗明單貨相符方准換給運照外相應咨行貴大臣查照轉飭津海關道曉諭各洋商遵照可也等因到本大臣准此合行札飭札到該道即便遵照辦理此札

總稅務司赫申呈商部查考貿易請飭提倡文

案查各口貿易情形向年由造冊處彙有造成總冊冠以論說送請轉呈在案現查該處稅

務司將光緒三十年各口貿易情形之洋文總論先行譯就漢文裝成一冊俟各口分冊彙齊後再行照舊備刊總冊查現備之總論中所論各節關係貿易盛衰實非淺鮮茲特擇要附陳卽如出口大宗茶葉一項本年紅茶出口獨不見其退步茶商方以爲採製得法所致豈知因磚茶未能販運則葉子出口自多若自信爲得法不圖改良必有江河日下之勢又繭絲一項中國蠶子碩大桑秧暢茂絲業應較他國爲獨盛乃竟年衰一年不能與人爭衡者實以養蠶之家凡選子去病擇葉飼養及格物實學不肯效法近年日本絲業反較他國甚爲發達如此因循深恐大宗利源日被侵衰無如言者諄諄聽者藐藐茶絲各業戶拘守舊法成敗委之命運業經衰落至此若不亟圖整頓日後何堪設想又山東之草帽辦亦係出口大宗貨物乃業此者織工粗率不求精緻且裝包時虛寫數目全無信實近年德商在膠州躉購自製精益求精致東省此業利權入於外人之手又棉花一項出口數目不少現因欺詐百端不能取信於人近年不但銷路滯澀且業此者屢受虧折其所以不能取信之故係因於棉內放水取其量重不知首家欺人雖獲厚利而此後闔市之貨洋商均恐有詐不敢過問遂致擠落行情低價折閱倘華商此後恍然大悟去僞存誠亟圖補救定立標號力挽積習務使洋商一見標牌信爲可靠則華商之業或可望日起有功又本年鐵政尙可

謂差強人意去年出口僅一千五百擔今年則增至二十萬石可見新法製煉實有成效可觀論中又謂近年來各省趕鑄銅元原以補助制錢之不足但恐民間度日久賴制錢銅元以一當十暢行後制錢漸致銷歸烏有民間國計交受其因此亦不可不預防者也又賠款每年數千萬有人謂運出鉅款年復一年深爲可危此特懸揣其理未諳市情之言也中國賠款以現銀付銀號兌取鈔票交與接收之人而商人持票赴銀號兌銀者仍係置辦土貨用於中國境內是以歷屆賠款雖鉅而銀本未見困難又進口貨價約多三分之一說者謂逐年漏卮伊於胡底不知除進出各貨價外尚有進出各隱物可以相抵出口之隱物維何卽出洋華工寄回之資暨各國商人教士在華各行用款以之抵進口貨價所多之數尙覺有盈無絀是以通商有年銀錢進出終未形虧累之狀以上各節皆於貿易總論中言之頗詳此中事理均應熟籌爲要理合申請鑒核可也須至申呈者

福建洋務局移知各局不准洋商在內地開設行棧文

奉前總督部堂魏批汀漳龍道詳石碼長隆華號東謝鍾瓊藉掛洋牌抗繳買捐一案准德國倫領事照會查辦照約覆請將洋商在漳碼內地設棧懸掛洋牌概令撤去以免華商藉名緣由奉批查洋商不准於內地開設行棧載在約章日本馬關條約雖載有准設存棧之

文亦止許其暫時存貨仍不得就棧私作買賣懸掛洋牌本部堂前因訪聞廈門地方多有華商冒掛洋牌抗繳買捐情事即經檄飭興泉永道督飭廈防廳確查嚴禁在案漳州石碼係屬內地非洋商所得設棧貿易更不容奸商假託洋商經理人名目懸牌抗捐該道按約駁阻所辦甚是仰福建洋務局會同口口口局移飭遵照認真查禁繳等因並准汀漳龍道移知各到局奉准此查華商冒掛洋牌抗繳買捐例應嚴拿懲辦以儆效尤且於洋商不得在內地久住開行早載條約若在沿途轉運貨物雖准暫租棧房然祇專為存貨起見自不能就棧私作買賣以及懸掛洋牌致違條約此外洋商領有稅單入內地賣洋貨事為條約所准固屬可行但祇能將該貨寄售於華商所設行店之中不得任聽洋商經理人自行懸牌開店即寄售之華商行店亦不得兼掛洋牌以嚴限制而杜混爭至於華商藉名抗繳買捐尤為情所難想應聽該管地方官究辦不能輕縱此後凡屬內地店舖如有懸掛洋商牌號均應照約概令撤去不得任其仍前冒混一面報局察核庶彼此各保權限而免時有爭論應再由局引伸道文移行通飭一體遵照認真查禁並照會各國領事轉飭在口各洋商一律遵照庶免冒混而重約章為此備移貴局請煩查照施行



山東 濟南開辦商埠前經周玉帥在東撫任時 奏准在案近經楊運帥擬定章程設局勘界均將就緒並請撥膠州關洋稅五成以充經費經商明直督袁慰帥會奏奉 旨依議 魯省商務局議辦舖戶註冊捐滄中商買初尙遲疑繼知此舉係爲保商起見所有捐款交商號生息備作商會等用取之於商者仍以用之於商於是衆情踴躍近聞陸續註冊者已多至千餘家 濰縣曹紳近以該地爲東路商賈萃萃之區開埠在邇亟應舉辦商會以絡羣情議定官紳合辦稟蒙商局批准委候補縣丞余君紹第赴縣會辦

江蘇 上海新開橋浜北十一十二圖地方近由該處圖董徐君鍾樵等擬開華界建公司以興市面經邀集職商陳君紹昌祝君承桂等籌集款項稟准購地築造馬路並另建新開橋一座業與華洋工程師訂立合同即日興工惟將來新橋路築成之後須歸工部局經理特由該商董集資二萬餘金存儲工部局作爲永遠修理是項橋路之用並公舉祝君承桂爲公司總理具稟商務公所及關道署立案 滬埠洋廣海味各商近爲整頓商務起見特在洋行街設一商會以資聯絡而謀公益舉會少卿觀察爲董事并用投票法選定議員十人以便日後一切事宜公同商辦

安徽 蕪湖租界自江口陶溝之南直至弋磯山江岸長一千二百餘丈怡和太古兩公司近擬租灘地八百餘丈修築碼頭棧房關道董瑞圖觀察以商埠既係各國公共英商擬租江岸如許之多將來美德日各商來蕪貿易當以何地與之特函請英領事柯君妥籌辦法聞柯君已飭丈量繪圖以備勻攤而免爭執

浙江 湖州網市夙推大宗近年以來絲價昂貴虧耗者多因由該業者名各莊在公所會議以期設法整頓維持利權并運省中商務局頒訂新章公舉董事報局註冊承理同業商務事宜以防墮落

福建 福州城外之南臺商務素稱繁盛惟距城既遠街道又窄行旅往來殊覺不便近由官倡議籌款將街後曠地開作市場築造馬路直通城內兩旁建蓋房屋租給商民開設行舖業經省憲派員勘丈地勢俟款項籌定即可興工

湖北 漢口商務惟茶業首屈一指近年業此者均受虧折茲由該商集議遵照商部定章開辦茶商總會藉以聯絡商情稟明商務局批准開辦 沙市地方貿易日漸起色近有職員王鴻賓籌股創辦電燈請予專利十年業在督署具稟立案

廣東 職商伍君寶光稟請創辦粵省自來水公司已奉粵督岑雲帥批飭善後商務兩局會議詳覆其議定章程係招集股本五百萬分爲華七洋三每年認繳報効銀一萬五千圓以承辦七十年爲期在增步地方建立機器各廠開井取水安置水喉直達省城月收水價擬擬上等二圓二等一圓三等五角四等二角五等一角如係格外多用價銀另議倘遇各街失火任人開放水喉撲救不取分文 佛山一鎮火燭保險迄未創辦茲聞鎮商人擬辦公共火燭保險公司訂有定章推務滋善堂爲總理

### 僑民商業

駐法孫星使近在巴黎倡導華商設立華商會館落成時孫使親蒞其地爲演說焉 僑比華商近於比國首都伯羅齊府創立華比協同商業公司計屬該公司者一百五十人華人與比國商工各居其半云

### 比國賽會誌要

黎案斯萬國博覽會業已開會政府前命駐比楊星使爲中國會場監督並由赫總稅司遴派廈門稅司比人亨氏爲洋監督又派前在美國聖路易會場之法人巴氏爲幹事即將上年運往美國賽會之剩餘貨物轉運至比國陳列比賽開北京工藝局上海茶磁公司及廣東浙江商人均有寄往之貨云 湖北運比賽品共三十一箱又商人周君懋功自辦賽品三十三箱附德國郵船前往 浙商周君梅谷以甲辰年美國聖路易賽會華商所帶貨物未能盡投西人所好以致銷路窒礙虧折不資因之此次比國賽會各商懋前茲後相戒不往亦非振商之道爰察得華貨之可以暢銷外洋者選辦四十五箱親身帶赴比國陳賽出售 杭州舒運記扇莊往歲法國安南兩處賽會去歲美國賽會均有上等貨物往賽歷得頭等金牌由稅務司轉給在案今歲比國賽會該店仍備有價值八九千兩之扇貨與周君梅谷訂立合同前往陳賽

商務印書館教科書出版

初等國文教科書

全部十册  
陸續發行

童蒙入學茫無知識而我國文字多半艱深往往有讀書數年不能寫一信記一帳者欲教育普及不可不於國文加之意矣近歲廣設學堂稍稍有編蒙學讀本者然施諸實用都未盡合或程度過高難於領會或零舉字彙不能貫串或貌襲西法不合華文性質或演為俗語不能彼此通用有志教育者時以為憾本館特聘通人精心編纂兼聘日本文部省圖書審查官兼視學官小谷重君高等師範學校教授長尾慎太郎君及曾從事中國學堂之福建高君鳳謙浙江張君元濟詳加校訂一字不苟經營數月始成數册陸續出版每册附圖數十幅至百餘幅另加五彩精圖以動學生之興趣書中筆畫生字均有限制按照時令選事徵詞淺而不俗雅而不與自發行以來頗蒙海內教育家稱許銷流至數萬以上再板數次全書計十册備初等小學堂五年間教科之用尚有高等小學堂應用國文教科書亦次第編印本館尤當精益求精以不負海內士大夫之屬望焉

- |     |      |         |     |     |
|-----|------|---------|-----|-----|
| 第一册 | (六板) | 定價洋一角五分 | 第六册 | 定價洋 |
| 第二册 | (四板) | 定價洋二角   | 第七册 | 定價洋 |
| 第三册 |      | 定價洋二角   | 第八册 | 定價洋 |
| 第四册 |      | 定價洋二角   | 第九册 | 定價洋 |
| 第五册 |      | 定價洋     | 第十册 | 定價洋 |

新編 商務印書館 教科書出版

初等小學國文教科書教授法

陸續發行

此書與教科書相輔而行教科書為學生所用此書為教師所用準於授學之階段按課分列豫備教授運用之法附以參考及習問以便教師有所依據內地塾師苟應用此書兼參考於育學管理法則於小學師範思過半矣

- 第一册 價洋四角
- 第二册 價洋三角
- 第三册 價洋
- 第四册 價洋

初等小學習字帖

陸續發行

此帖與本館所編國文教科書相輔而行書中所有者無一不備書中所無者亦不攔入以便隨讀隨寫可助記憶凡十册亦備初等小學堂五年之用

- 第一册 價洋一角
- 第二册 價洋
- 第三册 價洋
- 第四册 價洋

商務印書館出版  
歷史教科書

中學堂用

# 中國歷史教科書

錢塘夏穗卿先生撰

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

全書凡五册陸續出版

- |     |     |         |
|-----|-----|---------|
| 第一册 | 起上古 | 每册定價洋七角 |
| 第二册 | 起三皇 | 每册定價洋   |
| 第三册 | 起五帝 | 每册定價洋   |
| 第四册 | 起明宋 | 每册定價洋   |
| 第五册 | 起國朝 | 每册定價洋   |

商 務 印 書 館 出 版  
 歷 史 類 教 科 書

學務大臣審定 **中國歷史教科書** 中學用

每部二册  
 價洋一元

本館編輯○學堂科目莫要於本國歷史此秩分爲七卷歷朝大事無不備載繁簡適當斷制謹嚴可爲現時中學教科善本

**最新中國史教科書** 高等小學用

每部二册  
 價洋四角

餘杭姚祖義編輯○上起五帝下迄 兩宮同變下詔變法之日凡分兩册共二百四十課約十萬言文辭雅馴體例精當至敘述 國朝事實立言得體無一毫時下黨張之習並附歷代圖表尤便檢查

**國史初級教科書** 高等小學用

每部一册  
 價洋三角

本館編輯○凡分三卷一上古史自太古至戰國一中古史自漢至隋一近古史自唐至今概要提綱有條不紊展讀一過可以瞭然於四千年來之大勢文詞亦簡潔名貴足稱史筆

學務大臣審定 **西洋歷史教科書**

每部一册  
 價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史條理井然首尾貫串每事皆摘要列爲款目尤便記憶地名人名均附注原文亦便查檢

商務印書館出版  
地理類教科書

學務大臣  
大瀛寰全志  
中學用

洋裝每部一冊附瀛寰全圖一冊  
價洋一元八角

企美學館編輯○輿地之學尙矣而足備學堂教科之需者尙未之見本館特聘名宿搜集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美觀光彩照人 總理學務大臣 審定評語曰蒐輯精審詳略得當可爲是書異評

萬國地理新編  
高等小學用

每部二冊  
價洋四角

懷甯陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅飭淺顯易解選用地名皆沿舊稱絕無近日譯本新奇駭怪之弊以供小學教授最爲合宜

日本政治地理

每部一冊  
價洋七角五分

日本矢津昌永著秀水陶鎔譯○凡分七編一國土二人民三邦制四經濟五交通六生業物產七外交別具組織新義編譯專限於日本然可以爲斯學之指南也

商務印書館新編  
歷史教科書

# 中國歷史教科書

是為初等小學第四第五兩年之用共兩册每兩卷每卷四十課每星期授兩課以一年畢一册起自上古訖於今日專取歷代大事及名人事蹟之足資觀感者以充材料簡要不繁文筆亦雅潔可誦每册大洋三角○附歷代沿革圖一册即日出書

## 西洋歷史地圖

(壹册全)

讀史不可無圖歐美諸國疆域時有變遷故讀西洋史需圖尤急本館搜集各種外國讀史地圖擇其要者繪為是册共計三十八圖足敷中學之用鏤版明晰著色鮮美○洋裝精緻定價大洋八角



國。開阿大喜。以爲誠得繫援。則交益固。且大國足如主意。乃具以告主。張飾其詞。冀聳主聽。主力執前說。堅不從。開阿不悅。強迫之。公主怒。作色對曰。父母以此事相傷。必刺刺不休。兒將伏劍死。開阿亦勃然怒。不可遏。訶之曰。兒豈病心疾耶。何遽無禮。必罰汝。遂幽主於別院。命主之乳媪及老嫗數人爲給事。旋簡使赴某國。婉陳主不欲結姻之意。又疑主盛怒拒婚。必染心疾。宣言有能愈其疾者。卽以主妻之。登赫斯克言至此。謂密夢里曰。予雖愚蠢。然觀此佳人被厄。心竊憐憫。擬往探視。仙子曷枉玉趾。一垂矚之。知鄙言非謬也。

密夢里聞言大笑不止。登赫斯克不知其故。大驚。有頃。密夢里曰。以爾將語余以異聞。乃雙瞳如豆。見一女而傾羨若是。使予以適所見之美男子示爾。將不知顛倒何若矣。登赫斯克曰。敢問美男子爲何如人。曰。彼爲斯克瑟孟加利勿之太子。事與爾所見之公主。不幸相符。蓋一不欲嫁。一不欲娶者。太子以辭婚觸加利勿怒。幽之荒塔。塔有井。爲予居。故得覲其儀容。誠冠絕倫輩。登赫斯克曰。二人之妍若媼。予不敢與仙子爭。惟予得見太子後。無論其美與主或過或不及。願贖予。不加以罪戾。許予亟歸。密夢里曰。汝又以小人之腹度人矣。余甯包藏禍心者。爾何饒膽若此。登赫斯克始釋懼爲歡。復請曰。使予見太子。而仙子未見主。則余言真僞。仍無以辨。予亦無以自明。敢請導見太子後。亦一往覲主貌。以決優劣。蒙垂許否。

曰。予無暇偕汝行。汝曷攜公主來。使與太子共枕。然後相月日。以了疑案。非一舉兩得乎。登赫斯克然其言。卽振其翅。密夢里亟呼之曰。止。爾可先偕予往認荒塔。否則汝攜主來。茫無安置。於是偕去至塔所。密夢里曰。識之。可速往。予待於此。與爾約。主之美。若見細於太子。汝受罰。反是則罰予。登赫斯克諾而疾竄以去。

頃之。登赫斯克攝公主來。密夢里置主於太子榻。使共枕相偎傍。時二人皆在夢中。未知有陰品其妍媸者。良久。登赫斯克謂密夢里曰。太子狡矣。抑未若公主美。仙尙何疑。曰。不然。汝第執私見。公主非不美。特壓於太子耳。汝勿偏。其諦視。當服余言。登赫斯克曰。僕初睨之。覺主之美。出太子上。熟審之。益信。然仙旣一意美太子。予何敢有異詞。密夢里呵之曰。猾奴。勿作此欺人語。余將請主判者定優劣。汝苟不從。卽心虛。當受罰。登赫斯克唯唯。於是密夢里以足踢地。地爆裂。一狀貌猙獰者出。偃僂而跛。眇一目。首巒巒然。列角六。手指皆鈎。其爪見密夢里。卽蹙一足請命。密夢里呼其名曰。客斯克。斯克。汝來。亟評此臥榻之男若女。以決其孰美。客斯克聞命。注目移時。見兩美合併。稱羨不去口。久之始謂密夢里曰。僕苟妄斷。是面欺而自陷不義。是二人者。誠各擅其美。無可軒輊。必欲判之。當使一寐。一寤。旋使寤者寐。寐者寤。俾互觀其美。互相愛悅。我曹可細察其語之濃淡。情之淺深。以定高下。仙意云何。

則皆稱善。於是密夢里化身爲蚤。躍登太子頸。猛嚙之。太子驚覺。搔摩者再欲得蚤而甘心。幸密夢里預爲防。疾躍地。復其形。與客斯客等各以法自隱。故太子不得見。於是三人潛窺其舉動焉。

太子偶以手加榻。觸主體。大詫。亟啓眸。則並枕臥者。一絕世麗人也。卽舉首。以手支頤。細審之。玉雪其膚。麝蘭噴溢。妙齡殊色。非人世所有。不覺神爲之蕩。愛情如熾。平素憎惡婦人之念。已置諸無何有之鄉。纏綿不已。微呼曰。麗人。識余愛卿意否。卽吻昵其額與頰。幾不自禁。使無登赫斯克隱爲護。則主幾驚寤。太子見主臥方酣。悵然曰。予類示相愛心。卿何不一展矚。卿卽天上仙。予亦非蠢蠢。冀不負仙人憐念。於是撼主體使覺。主臥若無知者。太子忽斂手自語曰。是麗人。必將以妻我者。父以予未覩美色。致予絕意婚事。家庭有違言。故以麗人來。乃憐慰予耳。言次。深以前拒命爲悔。旋又自語曰。安知此麗人非遣探余意者。果爾。必有人潛察余動靜。欲得予之隙。以啗予僞。稍失慮。則媿莫溷矣。於是取主所御約指。與已所有者。互易之。卽此已足。不可或萌他念。自取笑譏。復就枕臥。密夢里施以術。俄頃人睡鄉。於是登赫斯克亦化蚤。嚙主脣。主寤起坐。瞥見一男子與同榻。驚媿莫狀。復睨之。則容都美無與儷。則易驚爲喜。羨且愛。不自知其形於辭曰。不意天壤間有此俊物。余自悔嗜昔孟浪。遽

逆父言。今不復能堅執前說矣。數以手趣太子起。愛情益厚。密夢里恐事敗。急以法迷太子。使軒主亟呼曰。君何貪睡若此。豈爲魔魘耶。言已。以吻就太子手。驚見約指。急自視。則燦然者非故物。喜而自語曰。約指互易。殆有天緣。當不敵履予矣。又力挈曳之。不醒。憊甚。歎曰。予亦不忍復相擾。俟後會耳。乃吻太子兩輔。頽然自臥。比酣。密夢里謂登赫斯克曰。猾奴。汝見二人用情厚薄否。太子之美於主。尙何言。予姑恕爾捷捷。後當知予非誑人者。顧客斯克斯克曰。有勞裁決。速偕登赫斯克攜主返中華。二人銜命退。密夢里亦逝。自此太子與公主且多事矣。

翌晨。太子起。心懸麗人。視之已杳。惟衾枕間尙餘芳澤。自維必父以佳麗誘余。乘予臥。趣之去。幸予未墮計中。踪跡當詢諸左右。急呼僕。僕以槃水進。太子沐禱畢。謂僕曰。昔夕孰攜女子來。至予榻。僕瞠不知所對。太子復曰。女乃與余并枕臥者。自來耶。抑昇至。曰。夕則當門臥焉。有婦得潛入。不信。請指日爲誓。太子怒曰。黠奴。敢連合外人。欺乃主耶。立取鞭。僕不勝痛。呼疊仆地。復以足踐踏之。索縛縋諸井。沒復出。曰。爾告不以實。必殺汝。僕奄奄待斃。思太子果得狂疾。而已將遭不白死。憤且悲。不得已僞言以自救。乃哀籲乞命。願實陳。太子曳之出。釋縛。趣使語。僕殼竦曰。狼狽失體。萬死乞賜更衣。太子許曰。去速來。苟不以實。碎爾首。

僕逡巡出塔。反掩其戶。不暇易衣履。踉蹌奔宮中。加利勿適與維齊語。以太子抗命獲罪。己益鬱鬱。維齊慰之曰。陛下第耐俟之。太子幽於塔。寂寥獨處。自訟愆尤。必能追悔。以聽嚴命。言次。僕伏階白曰。有禍事。上瀆。今晨太子突謂昔夕有女來共宿。堅以其來歷詢奴。奴不知。不能對。觸怒遭橫撻。幾死。無異得狂疾。具言其事。加利勿聞之。益慙慙。謂維齊曰。此怪事。誠出意外。卿可往察之。維齊立詣塔。比入。見太子坐觀書。無異平素。即趨爲禮。坐語太子曰。奴適以意外事白加利勿。臣憤甚。曰。猾奴以何事瀆。維齊曰。彼謂殿下得狂疾。以今觀之。其言益妄。太子曰。彼妄稱余得狂疾耶。雖然。幸君辱臨。竊有所請。亦知昔夕有女子至此共宿否。維齊聞而大詫曰。臣意無此膽壯女子。塔僅一戶。奴臥守之。即男子不敢越身進。況爲荏弱女。或夢中幻境。誤爲真耳。太子厲聲曰。子言豈足信。余固知此女行止。子猥言不知。余知子必不能終隱。維齊見太子馮怒。悚然思以婉言解之。曰。殿下目擊此女否。曰。余見之。若以意授女。使女誘余。佯臥不一語。以陰探余言。比余寐。即潛去。予知此女受若屬。必以昔夕之事告。維齊張目曰。主臣。臣茫然不知所謂。彼女之至。實非加利勿及臣所驅使。亦必不欲出此策。以陷太子。臣敢復決此女必夢寐中邂逅者。太子大恚曰。子亦來戲余耶。立起執其鬚。斥曰。若語余。若何所見。知爲幻境。即奮拳撻無算。維齊俯受不敢避。思太子果得狂疾。已亦將

如僕之橫遭不白矣。圖設辭以免。太子復連扶之。維齊哀請曰。望免死。聽臣一言。太子亦憊。釋之。維齊詭言曰。殿下所疑。亦有自第受命。不敢洩。望許臣去。當轉白於加利勿。必有以復命。曰。余許子去。子其語吾父。余欲得昔夕之麗人爲耦也。得旨即報。維齊唯唯退。

維齊之返也。形容偏蹙。加利勿驚詢之。對曰。奴言非妄也。臣一見太子。卽以昔夕共寢之女詢臣。臣以爲或夢幻之誤。太子怒。撻臣幾絕。哀乞始免。於是縷述太子語。加利勿素愛太子。聞言益傷感。欲躬視之。帥維齊至塔。太子愉顏以迎。加利勿就坐詢太子近狀。從容答言。無他異。加利勿數目維齊。意謂太子無狂疾。維齊必無禮自取辱者。久之詢及昔夕女子事。太子曰。願父勿復益兒煩鬱。望亟許爲婚。以遂兒願。兒夙惡婦女。特覩此佳麗。不復能堅其初心。敢乞速成之。加利勿見太子語涉恍惚。先後判若兩人。驚且憂。謂太子曰。兒言使予疑懼。彼女子或愛汝而夜奔。非予所能隱囑。且去來蹤跡。迷離惝怳。維齊疑爲夢幻。必非無因。兒盍取宵來事自勘之。當必憬然悟。勿以怪幻事使予愁慮也。太子曰。此事兒終不以爲幻境。願垂聽。當詳述之。於是具道端末。且謂已互易約指矣。卽出以示曰。兒所御約指。父嘗見之。此非兒物。可證非幻境。非妄言。加利勿見約指。瞠而默然。良久不能吐一詞。太子乘閒以必欲得此女爲請。加利勿蹙然曰。覩約指。知汝繫念切。倘能蹤跡得此女。必以耦汝。惜不知其

去來所自。茫茫渺渺。於何訪覓。予思其既以色身示。使汝生愛眷心。復杳然去。又荒怪不可測。或有神焉爲左右其間耶。脫此事不得實。微特汝將以情死。憂能傷人。予亦不復能久於世矣。言已。執手相涕泣。謂太子曰。予今攜汝歸。於是太子相從還宮云。

太子自此意惘惘。容銳減。瘦骨柴立。寢食殆廢。呻吟牀褥間。病日劇。加利勿憂之甚。日視疾。久曠國政。惟予維齊以特別權。得出入宮禁。餘官莫能見。於是臣下漸生異議。一日維齊入言於加利勿曰。陛下久未視朝。臣民望切。臣固知以太子違和故。致灼叡慮。國事至重。尙望珍攝。無遺臣下憂。小島離宮。風景頗不惡。於養疴爲宜。臣意可移太子於此。凡七日中。陛下以兩日聽政。五日至離宮。太子病由結轉。於清勝地相羊消散。可早日霍然。當不以暫違聖顏。或增鬱結。加利勿從其議。命飾離宮。爲太子養疴。除聽政日外。卽殷殷臨視。跣步弗離焉。登赫斯克等之攜主歸也。仍臥之別院中。翌晨。主寤。左右視。不見同寢之美男。亟詢侍者。躁急殊甚。侍者奔集。乳媪倚枕問故。主曰。昔夕有少年。與余共臥。今何在。媪以主言鶻突。對以不知。主復曰。一美男子。夜與予並枕。彼儀容俊雅。曠世無儔。余慕愛之。今遽杳。故詰汝。媪曰。主得毋戲言。主艴然曰。余何戲。實欲知彼蹤跡。媪曰。奴輩侍寢時。僅主一人。無男子入室。果有。奴輩無不知。公主驟怒不能遏。按媪首。痛批其頰。媪曰。死婦。汝亟語。否將斷汝頭。媪負痛

乞哀。久之得脫。奔訴於后。至則面敗壞。髮蓬而涕雨。不復成人狀。驚詢之。媼泣曰。主暴擊奴。非速走。命幾不保。於是白主盛怒之故。后疑且憐。即往見公主曰。媼語言拂汝意。致虐加捶楚。以主之尊。而下與媼較。似非所宜。主曰。母亦來辱兒矣。此少年蹤跡。母必能知。望速爲兒匹。偷事不諧。兒將擾亂無甯日。后驚曰。是何言歟。此事予冥然罔覺。何從議婚。主憤然曰。兒不欲婚。則紛紛妄相逼。今兒自擇婿。則佯爲不知。何也。兒必嫁此少年。不然。惟一死。后見主盛怒。語無倫。即婉慰之。且曰。宮禁至嚴。必無男子能擅入者。汝何故以荒幻事。至欲以身殉。主聞言。氣益涌。喧嘩不已。后無以爲計。則歸告開阿。開阿詢之主。主曰。勿徒詞費。速以昔夕共寢之少年見與。兒無他求。開阿曰。噫。何物男子。竟入汝寢所。語未畢。主大聲曰。父不必以此事見詢。焉有男子未奉父命。敢入兒臥室者。尙復何談。亟爲兒圖之。彼美而艷。兒眷之。矢必得。惜昨百計不得使之寤。未與通款曲耳。即以指環示開阿曰。此約指可愛否。就視。果男子指環也。疑不能明。謂主必得心疾。梏之。僅以媼給役。又飭寺人嚴宮禁。詰朝。召羣臣。具以主疾告。有能愈其疾者。妻之。且已天年。後得嗣位。於是聞者妄希冀。皆欲圖所以已疾者。有朝官某。老矣。艷主色。貪國富。出而自銜曰。臣能治主疾。開阿曰。慎旃。勿妄語。脫不愈。頭墮地矣。乃宣諭曰。後有承命治疾者。愈則賞如前議。否則死無赦。羣臣唯唯。開阿乃導某入別



院。主見。卽以巾翳面。斥曰。咄。老禿翁。可憎孰甚。父胡攜之來。開阿曰。此廷臣某。將爲兒婿者。勿恐。主急曰。速去休。此非與兒易約指者。吾豈能夫彼。初某偕開阿入。以爲公主得狂疾。必歌呼笑哭。不復知人事。至是見主。出言無他異。知主疾感於情。又不敢察察言。乃伏地引罪。曰。臣適聆主言。疾非臣能治。臣術淺。謹待斧鑕。開阿大怒。以某妄自矜詡。致己爲牽率。卽命殺其首斃。自後聞者皆悚懼。不敢試。而主疾日篤。開阿焦灼甚。乃揭藥召療者。且致書鄰國。白其事。久之。一術士至。開阿命寺人引至院。術士以一囊隨。形彭然。入宮卽纍纍探而出。若星盞。若球。若鱸。若香屑。又銅盤一。較巨。旋索火於寺人。主見其舉止詭陋可笑。詢寺人曰。彼胡爲者。對曰。是術士。來拘妖。獲卽置銅盤。沈之海底。主笑曰。術士休矣。爾勿作此醜態。爾殆眞病狂者耶。術士曰。非崇也。惟王能解主憂。卽返諸物於囊。疾趨出。言於開阿曰。陛下謂主得邪疾。故臣應召至。然主非邪疾也。主之疾在思一男子而不得。非臣所能治者。望陛下亟爲謀。否則病且殆。開阿怒其唐突。立命斬之。後挾術而踵至者。至百五十人。悉以術窮見殺。城闔揭人首。彌望且累疊矣。

初。主之乳媪。有子曰墨沙文。幼與主受撫育。相親愛。若同產。稍長。以避嫌去。交仍篤。墨沙文喜讀異書。幼時卽通形家及叢辰五行家諸術。以爲未足。弱冠健身手。浪跡海外。訪奇異士。

與結納。學益富。歸入都。見懸首纍纍。太驚。甫抵家。詢其事。且問主近狀。具告之。墨沙文以主得奇疾。悲甚。時媪已知墨沙文歸。急託辭潛至家。以主病受繫。涕泣述諸墨沙文。墨沙文益傷感。乞媪圖與主敘別。媪躊躇良久。曰。此時不能必。詰朝當以佳音語汝。遂去。先是加利勿許乳媪得出入宮禁。他人不得入。適守者新易。禁稍寬。媪乃請於守者曰。予爲主乳媪。昔有弱女。與主同庚。幼侍主左右。主寵愛之。近已適人。主念不已。欲召女來會。能容其出入否。守者曰。主命不敢違。翌暮。命女郎來。或自引至也可。至時。媪婦具告墨沙文。爲易女裝。宛然好女子也。導抵官外。守者啓戶。媪入。引墨沙文見主。謂主曰。此予子墨沙文也。適自海外歸。防耳目。特易裝來見。望恕之。主聞言喜呼曰。阿兄來耶。何忽作此態。請亟去翳巾。敘契闊。墨沙文起居訖。主曰。久別未得耗。卽汝母所。亦未得一手書。無恙。良慰。墨沙文曰。辱垂注。感且無地。予游海外。常念主興居。歸來突聞主遘奇疾。良爲憂慮。幸於海外受異術。當能已主疾。卽出一卷書。及諸不經見物。主曰。兄亦謂予得狂疾耶。速斂爾具。勿復言。予當以腹心布。乃具以語墨沙文。且以約指示曰。他人不知予衷曲。妄謂得心疾。藉藉傳播。令人惱憾。墨沙文聞而默然。俯首若有所思。有頃。曰。言果非妄。予能遂主願。乞勉自攝衛。予不日游海外。不惜窮搜竭訪。必得當以報。遂別主歸。

翌日。墨沙文治裝首塗。周行涉歷。聞道左爭傳。皆以白達力名公之得疾爲奇事。比道出泰父城。所聞忽一變。相傳得奇疾者。則非主而太子。事與主若出一轍。墨沙文即詢太子所在。人具告之。且謂由泰父城達客利登島。水程較陸爲近云。墨沙文買棹往。凡兩月。抵都。舟入港。駕者偶失。舟驟駛。觸礁破。卽小島離宮前也。時加利勿與維齊倚欄語。見來舟欲沈。亟遣救之。而墨沙文已躍入水。游至宮下。與救者值。爲易衣履。少憩。導見維齊。時加利勿已進視太子。維齊見墨沙文美丰儀。意度嫻雅。歡顏接之。與語。而墨沙文對如響。益敬愛之。進與討論經籍。則批卻導。滾滾不倦。維齊歎爲得未曾有。曰。子非常人也。以子明達。游歷各國。學罔不綜。必邃於醫術。太子久遺疾。來治者皆束手。子今日惠臨。得不靳其技。實敵國之幸也。墨沙文曰。倘幸示太子病狀。可效萬一之助。於是維齊以太子得疾之奇。暨加利勿愛子之切。爲具述本末。墨沙文默度之。知能治太子者。惟白達力。姑不以告。僅謂維齊曰。僕當謁太子治之。曰。加利勿在太子所。亦欲見吾子。乃相率入離宮。時加利勿坐太子右。墨沙文見太子病骨支離。目或離或合。狀與白達力相髣髴。不覺失聲呼曰。天乎。同病相憐。未有甚此者也。太子矇矓中聞呼聲。卽啟眸視。墨沙文有所觸。信口而歌。歌詞隱奧。加利勿及維齊皆茫然。蓋墨沙文隱道太子與主相會事。故局外人無由知。太子聞歌。知墨沙文來語。麗人消

息頓見歡容。作狀示加利勿。欲近墨沙文。有所詢。王見太子有喜色。大悅。起讓墨沙文坐。詢里居。曰。臣居中華。適自彼來。加利勿曰。如天之福。子能已太子疾。朕必有以報吾子。即與維齊出。蓋微窺太子欲與墨沙文有私言也。墨沙文乃竊語曰。今而後太子可釋然矣。予知太子所繫念者非他。中華公主白達力也。於是具以主事語太子曰。主之疾惟太子可已。必一見始效。第病後重跋涉。或當徐爲之。太子聞墨沙文言。喜氣溢眉宇。神爲之王。不知疾之離體。侍者亟報加利勿。入見狀。大喜。持墨沙文。頌其已疾之速。不暇詢治法。以此事諭羣臣。羣臣稱賀。加利勿乃宴百官。各有賚。赦囚賑恤之令下。懽聲動四境焉。

太子之疾。幾廢食飲。至是進如常。體已復。私謂墨沙文曰。及今可行矣。予念主若飢渴。知而不得見。病將復作。雖然。父愛余。動息相視。必不許遠適。奈何。言次。泣下。墨沙文曰。臣早計及之。襁褓時與主友愛。不啻同產。所以不憚遠涉者。欲以慰主念耳。倘不竭謀。致半途而廢。非所以副公主。即非所以報殿下也。臣意可僞言出與臣游獵。加利勿亮不見阻。得命。即具良馬四。殿下乘其一。一備易乘。餘兩騎。臣將之。屆時有善策。太子諾。翌日。乘間言於加利勿曰。兒欲偕墨沙文射獵郊外。以舒筋骨。乞賜一二日假。曰。朕不阻兒興。特一昔即歸。勿久羈於外。兒病初瘥。過馳騁。恐傷體氣。免爲予憂。即命治獵具。並誦屬墨沙文謹護之。太子乃行。

商 務 印 書 館 出 版  
類 史 歷

世界文明史

每部一冊  
價洋六角

日本高山林次郎原著本館譯○世界文明愈趨愈進然皆有所自來是書分紀東西洋各國政教學術循流溯源凡有可為今日文明之證者無不備載展卷讀之不啻奉全世界民族之精華供吾賞玩即欲去聖野而進文明亦可以證其途徑

支那教學史略

每部一冊  
價洋四角

日本狩野良知著本館譯○中國教化學術卓然為世界之先聲是編起自上古迄於 國朝一切有關教學之事均能詳其沿革擷其菁華本本原原有條不紊我中國數千年來之文明讀此可以知其崖略有主張國粹之說者曷取是編隨之

泰西民族文明史

每部一冊  
價洋三角五分

法國賽奴巴著日本武澤野之助原譯沈是中愈子蘇重譯○是書用普通歷史體例而特詳於政治禮制宗教風俗實業文藝諸端蓋惟此可以視文明之真相也全書譯筆精審詞意明晰毫無東文叢澀之習可用為學堂課本

大學堂 亞美利加洲通史

每部二冊  
價洋七角五分

桃源戴彬編譯○紀載繁博凡地理人種文事武功及物產製造政教俗尚一切沿革靡不悉稱旁采搜錄無遺讀之于美洲大勢洞若觀火

商務印書館  
類史

世界近世史

每部一册  
價洋八角

日本松本康國著中國國民叢書社譯○自十五世紀末迄十八世紀其野蠻文明過渡之時代乎學問之復興宗教之革命君權之變遷皆於此數百年間現出無數變態中世之果於此時結最近世之因於此時種故世界近世史雖非歷史之全部實為世界歷史最發達之時代是編敘事簡而不漏論斷卓而不偏煌煌巨帙誠歷史上空前絕後之作欲研究世界變遷之狀態者必先觀為快也

歐洲最近政治史

每部一册  
價洋五角

日本森山守次著本館譯○泰西列國政治日新月異是書備舉最近世紀中憲法會議選舉戰爭諸政詳斷無遺瞭如指掌欲知歐洲富強之源者亟宜瀏覽

歐洲新政史上編

每部一册  
價洋

德國米勒爾原著日本稻田孝吉綾部竹之助原譯本館重譯○歐洲政界進步之速祇在前一世紀而事變之紛紜亦惟此時為最劇西歐風雲今將移至亞亞然荷密其覆轍善為因應故鼎新未必不可免此慘劇也是書於歐洲各國大局之變遷政體之改易逐事紀載詳盡無遺全書都三十餘萬言實為近世史中最富最博之本願我國人無分新舊普讀是書其所得幸福當不少也譯筆精審絕無尋常東文譯本滿紙沙石之病惟全書卷帙浩繁現在先出上卷續出下卷

雜俎

光緒三十一年六月中國事紀補遺

▲爲記者知此事之見於是日也  
△爲記者以見報之在是日也

六月初一日。▲四川剿番官軍招募土兵。以爲嚮導轉輸之用。△軍機處電催達賴喇嘛回藏。十八日。▲剿捕巴塘叛番各軍。將雲南橋逆匪驅往三礮。十九日。△直督袁世凱奏准分遣官紳遊歷。二十一日。▲外務部戶部分電直隸江蘇湖北三省。轉電各省籌解出洋考察政治大臣經費。歲以爲常。△滇邊僧蠻仇殺。△奉天府府尹廷杰奉 旨查辦吉林等處荒務。二十四日。△飭駐德使臣廕昌酌核中德商約草稿。△河南陝州不靖。△商部議興口外收政。△襄塘軍務得手。△戶部議設銅元分局於上海。二十九日。△浙江甯海仇殺匪黨已散。△奉天康平縣巡警總巡穆克圖善爲日軍所殺。

雜俎

光緒三十一年七月中國事紀

初一日。△俄使力請外務部向日本聲明東清鐵道不得認爲日俄和款之事件。▲江西鹽斤加價。充本省鐵路經費也。▲薩鎮冰接收南北洋水師總統及暫行兼管船塢事宜。初二日。△直督袁世凱議舉行立憲政體。御史趙炳麟亦奏請立憲。△奉天將軍趙爾巽電外務部。請向俄使索回西豐縣知縣德凱。△德使行文外務部。辯御史參劾署江督周馥之誣。初三日。△兵部奏請停止武職捐例。▲會辦練兵大臣鐵良抵津。與直督袁世凱會商秋操事宜。▲管學大臣張百熙赴津視學。△駐美使臣梁誠與美公司在華盛頓將粵漢鐵路合同註銷。△署江北提督劉永慶赴黃河灘閱營。初三日。▲湘撫端方賞賜 朝馬。△江海關道袁樹勛令滬紳採取地方自治之制。設立上海城廂內外總工程局。△索還京城理藩院故址於使館。初四日。△商部咨行各省。飭送土貨至本部勸工陳列所。初五日。▲

六十五

乙巳

諭撤巡視五城及街道廳御史。五城練勇均改爲巡捕  
▲工部奏准裁撤書吏並提陋規等款。爲津貼司員辦  
公之用。△ 諭查陝西學務。△前年印度皇后輪船撞  
沈中國寶泰兵輪一案。已在英京判結。寶泰得直。△以  
鄭嘉來署外務部左參議。因汪大燮赴美也。△翰林院  
議開學會。初六日。△四川屏山縣有亂。初七日。△  
法人在雲南行用紙幣。以充築造滇越鐵路之費。△伊  
黎將軍馬亮電請飭下各省督撫籌措邊防餉項。△直  
督袁世凱札飭所屬備設胥吏學堂。初八日。▲瘋人  
賈某私入 保和殿。被獲。△署江督周馥奏改兩淮鹽  
務人員補缺章程。初十日。△署江督周馥電奏請阻  
止日僧來華傳教。△京師工巡局奏設裁判所。審理詞  
訟。又分設巡警中東西三局。△山西平陸縣匪徒作亂。  
抗拒官兵。殺傷哨弁。▲外務部尙書那桐至津。△粵漢  
鐵路售還中國。△上海商務總會議定各商所存美貨  
及已定未到各貨。黏貼印花。以便行銷。十一日。△政

務處議准在奉天試行地方自治政體。△戶部電囑各  
督撫整頓國法。△商部電囑各督撫整頓保商局事。△  
皖撫誠勳及皖省紳士電請外務部力拒英商開辦銅  
官山礦務。並請自行開辦。△法人因川省亂事未平。欲  
派法兵代爲剿辦。川督及外務部均拒之。△川督錫良  
以提督馬維祺一軍。進剿襄塘。獲勝。電告政府。△ 廷  
寄飭各省督撫籌款。津貼翰林院衙門經費。十二日。  
▲以貽穀兼署歸化城副都統。△戶部收管檔案。將裁  
吏也。十三日。▲以薩鎮冰補授廣東水師提督。仍以  
南澳鎮李準署理。▲署江督周馥電飭各關道勸諭紳  
商。於抵制美約一事。務須和平。並札行各關道。△山東  
京官集議籌款設立公司。自辦本省路礦。△直督袁世  
凱奏准天津四鄉巡警章程。十四日。△電召奉天府  
尹廷杰入京。△命遼桂代查吉林省內荒務。△法人要  
索由廣州灣至鬱林州之路權。△增派商部右丞紹英  
爲出洋考察政治大臣。△署兵部尙書那桐奉 諭至



津。與直督袁世凱密商出洋事宜。△外務部傳電各省督撫。曉諭紳商。朝廷已簡派大臣與美國妥議刪改條約。不可節外生枝。求益反損。十五日。△奉天開原地方有華官五人。被日官拘去。△在廈門之福建彩票公司。被人拆毀。△湖北漢陽大火。△浙江安吉縣鄉民打毀教堂。△駐蘇日領事請添開蘇州城門。却之。△商部電諭顧問官張謇。會同上海商會。設法疏通現存及已定之美貨。十六日。△那桐端方張百熙鐵良等至津。與直督袁世凱商議外交政策。△山西太原府有亂。十七日。△天津大公報。因登載抵制美國苛約事。被官示禁閱看。△美使照請嚴禁華商抵制禁約。外務部據理切實駁覆。十八日。△政府不允開闢青口商埠。△蒙古親王活埋其側福晉。△福建建甯府大火。△上海紳董議設勸生院。教養無業貧民。△吉林告災。△提崇文門三成餘款。辦理學堂。△部議限制各省鑄造銅元。十九日。△命盛京將軍趙爾巽會同直督袁世

雜道

凱訂立奉天自治章程。△直督袁世凱奏請每州縣選派候補者三員。分理裁判錢穀警察等事。△政府再借比款一千二百萬佛郎。以充蘆漢鐵路經費。△法國運籌貸款於我。以為贖回粵漢鐵路經費。△刑部通行各省未結之案。無論何犯。先後照新章一律辦理。△直隸公債票四百八十萬停止收兌。二十日。△練兵處電屬長江提督查一軍制。△戶部及財政處電囑各省督撫認集國家銀行股份。△駐俄使臣胡維德電告俄政府主張日俄兩國在滿洲有同等利益。△政務處議覆裁撤各省復設教職。奉旨依議。△駐俄使臣胡維德電告日俄和議可成。請預備一切對付之法。△在韓國鎮南浦木浦草山釜山四處。新設領事。二十一日。△督辦鐵路大臣盛宣懷奏陳萍醴鐵路工竣情形。並呈遣報銷清冊。△端方袁世凱趙爾巽岑春煊周馥等聯名奏請即停科舉。不必行三科遞減之法。△戶部尚書張百熙派陳宗煥調查各省銀銅元局利弊。△廷寄飭各

六十七

乙巳

省認真辦理巡警。二十二日。△直督袁世凱建議。倡築由張家口以達庫倫之鐵路。△比商擬承築湘滬鐵路。△德商擬在廈門購新船澳地方以爲積煤廠。二十三日。△江西樂平縣鄉民械鬥。殺傷三十人。焚屋八十餘家。△吉林將軍等奏准發庫銀倉米辦理急賑。△外務部照會駐華各使。九月北洋練軍大操時。准各國兵隊前往閱看。二十四日。△政務處議准四事。一京內外文武各員缺。不分滿漢。一律簡用。一州縣等官不准互調。一用人因才器使。不拘資格。一掃除官場繁文縟節。△揚州酒業因收捐罷市。二十五日。△奉天府尹廷杰開缺以侍郎候補。前往奉天辦理墾荒事務。△以榮慶鐵良監督崇文門稅務。△那桐宴請駐華各使。表明中國無干預和議之意。△桂撫李經羲奏廣西宿莽未清。客軍防營。均請緩裁。又廣西兵餉支絀。所有新舊洋款。均請緩解。二十六日。△署兵部尚書鐵良入軍機。△賞賜壽酒四品卿銜。督辦浙江全省鐵路。△

政務處會議。以御史員數過多。陞途壅滯。擬嗣後減少定額。△戶部奏准設法整頓國法。△政府將開放張家口庫倫爲商埠。△內蒙古北部各酋長。聯名稟請集股自築鐵路。自庫倫以達恰克圖。△署兵部尚書那桐等。奏准將五城公學改歸學務處管理。△山東鐵路結算所獲溢利。較去年增加四十餘萬圓。二十七日。△諭派鐵良充政務處大臣。二十八日。△學務處奏准在京師設立法律學堂。考取各部司員肄習。俟畢業後。派赴各省任用。△學務處奏准各省設立仕學速成科。△財政處奏定天津造幣總局開鑄章程。△四川開辦實官捐。以濟邊軍需。二十九日。△以江蘇補用道徐紹楨補授蘇松鎮總兵。△吏部議定道府各缺。仍爲一選一補。

商 務 印 書 館 出 版 類

法國波 留氏原著

日本中島端君譯漢

第一編定價洋 四角

第二編定價洋 四角

第三編定價洋 六角

# 俄羅斯第一編全

一

二

三

是書爲法國學士會員波留所著先論俄羅斯地勢氣候人種次論俄人性情氣質以至社會政治宗教縱橫評論凡事物之可考者固無不載即委巷謠俗民間疾苦外國人士所不能知者索隱闡微窮極真相中肯綮導窾卻如庖丁解牛豁然洞然有志經世者得此書讀之於俄國形勢俄人情態一指掌間自有餘師全書三編約二十萬言歐美諸國競相傳譯聲價甚著日本專門學校譯爲和文原名露西亞帝國本館特請日本精通漢文之中島端君秉筆譯文再請通人校訂潤色文筆雅暢無滿紙沙石之憾

商務印書館  
外國語學類  
出版

和文漢譯讀本

(全八册價洋壹元)

我與日本爲同文之國欲謀輸入文明自以學習和文爲便是。書初版頗爲學界稱許旬月售盡惟倉猝成書不免稍有訛舛近來各省學堂大都添習東文購者紛來愧無以應茲特請前日本高等師範學校教授長尾橫太郎君用最新本詳加校訂字字斟酌絲毫不失原意可爲初學津梁

英語類選卷一

SERIES, PART I.

每册價洋一角五分

英語類選卷二

SERIES, PART II.

每册價洋一角五分

華法中學讀本

LES PREMIERES LECTIONS  
FRANCAISES.

每册價洋一元

華法啓蒙初集

LECTURES CORVANTES

每册價洋五角

商務印書館出版  
傳記叢書

拿破崙傳

每部一册  
價洋四角

日本矢島元四郎著中國范枕石譯○拿破崙名震環球世人無不欲知其生平是書搜羅至富自其幼年入學之日以及遺骸歸國之年內而家庭外而軍國以至一言一行之微無不備載有崇拜英雄之念者為取而三復之

克萊武傳

洋裝每部一册  
價洋三角

英國馬可來著本館譯○英取印度始以商會終以戰爭實克萊武一人左右之今泰西人之心目已全注於我中國欲知印度之覆轍者請讀是書

納爾遜傳

洋裝每部一册  
價洋一角

日本中村佐美著江陰何震彝劉張侯譯○近世海軍英國最稱導其先者曰納爾遜君生平從事海軍者凡三十五載偉烈雄猷照耀世界讀此者猶有興起之心

開地名入傳

每部一册  
價洋五角

美國愛德華著無錫王汝字譯○今日歐洲諸國幾於控馭全球其始皆由二三豪傑抗志航海不避艱險搜覽新地風氣既開興起者眾國家坐享其利而殖民之地乃愈推愈廣矣是書彙集彼國開地名入凡二十餘輩各立一傳讀之可以增人進取之氣

日本近世豪傑小史

每部一册  
價洋五角

本館編輯○凡四卷明治維新以來彼國傑出之材人人樂為稱道但其略未知其詳不無遺憾本館因搜輯日本近世之有勳業學問俠義奇行者各列一傳著為是編讀之可知其人才之盛

商 務 印 書 館 出 版 類

農

話

每部一本  
價洋一角

通州陳啓謙述○自海上創譯農報以來報冊已莫然數百帙然曾士大夫之農學非農夫之農學也陳君有鑒於此率自丁迄壬之農報度中國所能行者達以俚語命曰農話刪繁就簡提要鉤元意在可以實行也我國中有耕讀之志者盍一觀之

德國工商勃興史

每部一冊  
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬國商業歷史

每部一冊  
價洋六角

英國器賓著日本林會登吉譯本館重譯○交通日便商戰日烈鐵路輪舟往來駢集而由古迄今以及各國互相聯繫之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰函譯印是編以資參考

### 叢談

馬能識數。英國海姆曉地方有鄉人買一馬。始終不肯耕種。若以駕車。則推命是從。惟有一奇性。如欲駕至某處。既至而又欲他往。則誓死不從也。意大利有一驢。每當歇息後。必一時不肯起立。須置火其旁。則起。英國塞塞克斯省有賽馬者。畜一馬。遇快意時。不待驅而奔。稍不遂意。策之無益。尤奇者。遇賭跳立柴時。初必在他馬前。至最後一柴。殭立不動。俟衆馬過始緩步行。人謂此馬必能記識數目。故至末處。即行停蹄。

獸具懶性。獸類亦具貪懶性格。與人無異。象爲獸中最巨者。遇劣性發時。巍立不動。即哄勸以喝鞭。不變也。且其輪廓強偉。不耐煩苦。稍不適劣性。即作數年前錫蘭人某畜一象。驅使墾荒。適獲小恙。堅不肯出。多方強迫。乃勉出。墾至二小時。忽脫卸羈。自赴深潭而斃。又如水獺一物。所居巢窟。亦怠營造。甯徒勞奔走。覓他類巢窟而居之。牛乳變色。牛乳本白。有時變藍紅黃等色。茲經格致家

查得冬寒時無變色者。惟夏熱時有之。其故因乳汁內生微菌一種。其色藍。乳遂作藍色。若菌紅或黃。則乳作紅或黃色。

水槍之景。人於水濱對水放槍。苟其時見水中有魚。則魚如死而不動。其故因槍彈擊水。水動成疊。甚疾。魚動甚緩。甚緩與甚疾較。緩者如不動矣。

論色。物之顏色互異。其因衆多。不可殫述。英人若耳治云。凡以物色爲受光而得者。其說皆非。試觀寶石之最透明而有光者。必得之地中。至於果類。其色澤鮮明之面。必爲背陰之處。而生物之紅血。亦在皮膜內。不受外光之地。可知色宜於寒。寒則能令顏色變淡也。曾將四時之花。考其顏色。約冬末春初之花多黃。夏時之花多淡紅色。而濃豔之葩。多見於晚夏新秋。黃色之花。則幾乎終年有之。云傳聲印字之新機。比京有意大利機器師。新得一法。於德律風傳話時。能同時將所傳之某字印出。倘果能實驗。則打字機器一業。將見減少。因此機能以口出之聲。代手

之打也。惟所難者。即人聲不皆字母耳。

燐漆生光。船經南方洋海。夜間每見水面發光。如金線萬條。閃灼眩目。因熱道海內。生光蟲極多。亦名燐蟲。北美美諸島。亦多有之。土人取以代燈。或收藏銀匣內。以代首飾。此動物之燐也。若植物如草木等。燻爛既久。則亦生燐。有人收取。製為光物。其法須用水疏及鹼類三質。近日最上乘者。係法人所製。名曰燐漆。塗於鐘錶小匣上。則夜中發光。可燭室中物件。

紫光現色。以無色白藥。書字白楮上。初無所見。置於折光之紫線中。則立見。人作密書。可用此法。不知者當為鬼白。

顯鏡更新。西人知萬病之源。皆由微物。可窺以顯鏡而信也。惟尋常顯鏡之力。祇能顯二萬五千分英寸之一。近有法人新製一鏡。能顯十二萬六千分英寸之一。其法先以日光射於此物。而後以顯鏡映之。自得此鏡後。而微物之學。又闢一新世界矣。

化學割玻璃法。前人割玻璃。須用金鋼鑽。近人用化學之力。可以刀剪割裁。惟須將刀剪預浸在松柏等香油內。方可試用。

電氣擊木之異。凡電氣擊木。有僅裂其皮者。有粉碎為數千萬塊者。倫敦求知報有曰。電氣之擊樹。所以各殊者。由於樹之種類。與其態狀。如久雨後。樹皮潮溼。適逢電擊。則不甚受傷。設時值久旱。樹皮乾燥。則電必入樹心。樹心之流質。忽得電氣之熱。陡化為氣。力漲數倍。而樹乃粉碎矣。惟松樹不易受傷。以其樹心流質不多。栗樹不然。故受傷亦劇。至老樹之中空而枯者。經電則焚。亦恆有事也。要之樹之分裂。不由電氣。皆本樹之水氣。經熱而暴漲之故。聖彼得堡城外。相距三十英里。有一皇宮。名曰隔溪那。中有石造之留名閣。一日為電氣所擊。此蓋由石縫之積溼。吸電所致。然一經熱而積溼驟化為氣。使上層之石。裂成細粉。四散飛揚。僅存下層之基址而已。又拉不蘭近北極洋地地方。電擊一松。因松皮文理。蜿蜒而上。故電氣所裂處。成



藤纏形此皆其理由也。

電化器用之製膏法 電氣器與化學器之膏。以松香五磅。蜜蠟一磅。紅土一磅。石膏二大勺。各物和勻。加熱鎔化。即成。又有更便宜之方。係銅板銹板。連於電箱。用松香六磅。紅土一磅。石膏半磅。胡麻油一磅。其紅土與石膏。應豫先加熱至紅。待冷而添入鎔化之。松香與胡麻油。用時愈薄愈好。

電魚 動物中蓄電最多。而備具天然電器。可隨時施放者。莫如電魚一類。以南美洲乙脫乙脫本美古度名因其形似故稱之為尤著。其尾有電機一對。次則為鞘魚。身有電氣包之。如刀在鞘。其次為禿班羅譯音也西人以此名魚雷艇。首之兩旁。皆有電機。凡魚身之電機。乃如筋之絲。組織而成。惟筋則中空而圓。此則薄而扁耳。其薄約二密里。適當千分適當之一。合中國營造尺三二密一線二沙八層層相疊中有大管貫通各層每層又分成極細之絲。如軟網然。復以通電之微管接之。電發時。細網即張。其電力之多少。視網之舒縮為度。又驗得電魚可分強弱

叢談

兩類弱者其發電之處深藏於內。中無細密之管也。

渡鐘 瑞士須利克埠某鐘表舖內。近製一鐘。渾圓如球。不以叩鳴為號。惟置鐘於側架上。架長約一尺。內具機關。使鐘緩緩滾下。架中書二十四點鐘之數。分二十四格。每經一格。為一點鐘。終則復置其鐘於上。仍滾行如前。

奇彈 奧斯地亞國從軍醫士。製一礮彈。中含臭氣。能供尋常大礮之用。放時祇須曳動火信管。彈即向的飛去。迫觸物爆裂。聞者立時眩暈。若感受空中煤氣者。然如兵士一大營中。墜下一彈丸。則數小時間。約有二千人失其知覺之性。可次第俘獲。無異縛雞。其人醒後。精力稍疲。時患頭痛。然過時即可復原也。

無聲焰之紙礮 同治三年。英製造家名師來米者。以紙造礮。據言此紙堅固。可作鐵甲之用。然其製法甚密。今無有知之者。其後德人克虜伯。製一紙炮。口徑一寸四分。外層護以銅絲。裏面甚密。其抵抗力大於同口徑之鋼礮。此礮為步兵大有利便。可肩負至艱險不平之地。法將翁倍爾

二十一

乙巳

又試作一礮。效已半成。無聲無燄。然時亦不後退。法在礮  
 端設一靈動蓋頭。每俟火彈出後。即關塞礮口。使礮外無  
 火燄。外氣不得急進。如此則不聞火藥烈響。惟發一鳥鳥  
 微聲。敵人亦無從避之云。

鉛爲旋斗之益。鉛之爲用甚廣。盡人而知。近經法國勸  
 工會中。考得鉛可作紡紗機上旋斗之用。蓋向來紡織機  
 染物機及織綢機。其旋斗皆以木爲之。取其價廉而工省  
 也。然其弊甚多。木之爲物。易於漲縮。常隨空氣之寒暖而  
 變。故旋斗周轉。不能一律。易於停頓。絲線或因之折斷。既  
 耗物料。而接續又費時刻。不如鉛之質堅。無論空氣寒暖  
 燥濕。其旋轉之度。可以不變。且其體甚輕。轉動較木質爲  
 易。費力少而成功速。洵新法之善者也。

黏金木質之製膠法 黏金類與木之膠。將松香鎔化。添  
 入煨過之石膏。再加熱油熬稠乘熱用之。又法將松香一  
 百八十分。煨過之黏土三十分。煨過之石灰十五分。熟油  
 八分。加熱和勻用之。至煤氣管接縫之膠。以松香四分半。

蠟一分。鉛養炭養三分。和勻用之。若格致器並瓶塞等不  
 通水之膠。以錐養合於哥巴辣漆成漿。補滿各孔。上哥巴  
 辣漆一層。方可。若黏刀或磋之木柄。以舍來克研粉二分。  
 淨白石粉一分。和勻填滿柄孔。將刀磋加熱插入便可。  
 玻璃新製。日耳曼人名高富德者。得一新法。能造玻璃  
 使不碎。凡方圓深淺器具。均可任意爲之。既成。雖經碰擊  
 及過度之冷熱。毫不損壞。

兔皮製膠 新金山產野兔無算。近有人用其皮作膠。此  
 膠善使紙光滑可愛。

明珠造法 寶石一物。各種彩色甚多。近西國皆可用法  
 製造。與真無異。而其中最便者。爲紅色寶石。金鋼鑽亦多  
 贗物。惟明珠一項。於數尺深之池內所養成。故有人取蠟  
 殼實以類珠之質。在魚沼內養之。近意大利人已在地球  
 海邊試驗。

炭漏製法 木炭骨炭骨炭亦爲無類之一種。由炭殼炭而成。如令與酸質相處。則不能焚。多孔。  
 能吸氣質。此種炭質。爲所吸去。

而能使其氣變清。水如渾濁。亦可用木炭清之。故是炭為極有用之物。可作炭漏。作時其格式須合宜。且其中之炭。宜時時去舊易新。始有用。小炭漏有作於自來水管之螺絲釘內者。俾水中濁物。停滯於其管口而不漏下。故其餘之水。悉為清水。

可卷疊之酒壘製法 瓜多羅巴有會刺斯知加樹。鑽之黃白乳出。其乳乾為膠。狀如皮革。引之黏韌難斷。有彈力。會刺斯知加即彈力之義他如龜膠甘遂大戟龍骨木之白乳及乳香。亦

含此膠水。以拭石墨之筆痕。痕消無跡。畫家以石墨作炭。畫山水人物花草。畫成一抹。則不見炭。可謂奇已。若亞墨利加之俗。用此膠造酒壘。永無缺損。酒壘則可卷懷。造法先以土模壘形。取此樹乳。糝之令周。懸於烟窗上候乾。又糝又乾。至其厚適意。而後浸水少時。土模泥解。糝膠獨存。宛然作壘。造靴造帽。亦有此法。

石膏之功用 石膏即鈣硫酸。二輕二養。其種共三。一有紋成顆粒者。二透光者。三白色者。其質輕者。可雕刻花

畫談

瓶及鼻煙壺等。加熱放水研細。即成巴力石膏。因多出於巴力。故名。此膏見水發力而硬。故凡作印模者皆用之。又可為養田之用。因其能收地中之亞莫尼。以供植物之用也。首用此者。人多不信。其人將石膏撒於田。作石膏之益。四字形。待麥秀後。其字畢現。因此養田者爭用之。

新製煤磚 英國近日新得一種無烟煤磚。試驗之時。覺有數縷炭氣。然其火甚盛。每磅能乾水十四磅。可謂生熱最多矣。而灰則僅居百分之三。此項煤磚。用於工廠及輪船者。每方塊重十磅。尋常爐竈所用者。每一百四十方塊重一百磅。製法。煤屑百分之九十三。松香油及未化石灰百分之七。和之入模中。俟其燥而結。則成矣。

自明煤燈 近有英國某公司。新創一種自明煤氣燈。價五先令。此燈備作課時桌上之用。可免燃點之勞。及火柴之費。其製法。乃以一極細之金類管。管尾作一針孔。其管緊接於氣燈管上。針孔外塗以鉍鹽。若微觸其燈頭煤氣。即通至細管中。一遇鉍鹽。即發火星。再觸之。火星之火。即

延燃燈管。於是復觸。令火星與燈管火相離。火星既滅。而燈光自若。惟其器不甚靈。若以流汁一杯。傾於燈管之上。則其光當益明亮。

菊花製煙 以菊花瓣焙乾。和入加士加利刺樹皮少許。可作最上品之烟絲。不如別種之烟絲。壞腦傷目。

人力造絲 法國來恩城新立一人力造絲工廠。資本美金三十萬圓。其絲乃以化學之法。而用人力造成。非由蠶也。聞法北境與比國京城。尚有續立者。德國亦有運至美國與蠶絲相間而織。其品頗佳。

紙製車輪 同治八年。美國人亞倫。始以紙作火車輪。試之有效。其後二年。而猛省囑造一百輪。為彼處火車之用。頗覺合宜。其輪外包鋼皮。厚五生的適當。及鋼皮壞時。而紙輪過五千萬法里。製紙輪法。用糖麥粉為紙料。將紙成箔。十二頁相連。以漿糊黏緊。壓晒使乾。約十一生的適當。遂如堅木。截為圓形。中鑿一孔以穿軸。其輪乃成。騰空機器 英人瑪基士晤氏。前創製第一靈妙大礮。自

名曰瑪基士晤礮。利益世界軍事。實非淺鮮。名傳四海。不虛也。近聞瑪氏又創造一飛行空中機器。其形酷似燕雀。長約二十英尺。結構頗為巧妙。得御長風而翔空中。蓋為近世發明機器中之一種。若得適用之軍事。則近世兵器。上。又必致一大變化云。

火油製塊法 火油製成實質。其法以火油中置肥皂少許。元明粉即石少許。又木屑少許。燒而熱之。俟其始涼。附以木絞動。直至厚凝。乃倒於器中。成為塊。迨堅冷。便可攪執。

金雞納酒製法 金雞納酒。其製法金雞納加利撒亞一百格拉默。一特拉默合中國二六蓋四零六絲等苦橘皮十格拉默。加菊花十格拉默。極好火酒一百格拉默。葡萄酒九百格拉默。以上各物。聚於一處。十日後。滌清可飲。早夕飯前。飲一小杯。補力甚佳。